

# *NY HERY TANTERAKA AMIN'NY*

## *FAHALEMENA TANTERAKA*

 Manao ahoana, ry sakaiza. Mahafinaritra indray ny any ivelany izao maraina izao eo amin'ity maraina manorana, misy oram-panala, mifangaro ity. Fantatro fa maro aminareo no nanana fotoana tsara iray namiliana fiara, tonga avy lavitra. Ary isika dia manana vitsivitsy...ireto sakaiza sarobidy ireto izay avy any Chicago sy Alabama sy Georgia sy Tennessee sy Illinois ary ny manodidina rehetra, amin'ireto andro ireto, noho izany isika dia...matoky fa Andriamanitra no hanome anareo ny Fiarovany raha manao dia ianareo. Ary ny vavakay dia ny Hiarovany anareo manerana an'ireo lèlana, ao amin'ireo lèlana mampidi-doza satria malama izy amin'ny andro ririnina. Ary faritra ratsy iray ity amin'ny andro ririnina. Izy no faritra tsara tarehy indrindra izay misy amin'ny lohataona na fararano, fa amin'ny andro ririnina sy andro fahavaratra dia tena ratsy izy.

<sup>2</sup> Ankehiritriny, tsy mihevitra aho fa efa mandray feo izy ireo ao anatiny ao. Ary tiako fotosny ny hanao filazana iray mikasika ny Alahady lasa, tao amin'ny hafatra. Ny antony izay izaho-nihazonako an'ilay horonam-peo sy tsy namela azy ireo hivarotra an'ilay horonam-peo, hamoaka azy, eny, dia satria tsy maintsy dinihiko tsara aloha ilay izy. Satria matetika, tahaka an'izany, mety hilaza zavatra aho ato amin'ny fiangonana eto izay mety tsy havoakako eo anatrehan'ny sisa amin'ny daholobe tahaka an'izany, satria matetika dia miteraka vato manafintohina izany. Ary matetika dia miteraka fanontaniana mihitsy aza ilay izy eo anivon'ny olontsika eto amin'ny tabernakla eto. Ary izany dia...

<sup>3</sup> Tsy milaza an'izao aho...milaza an'ireo zavatra ireo mba ho hafa, saingy matetika eo ambanin'ny hosotra dia mahafantatra zavatra ianareo izay tsy ho...tsy sahinareo hotenenina amin'ny olona. Avy eo matetika eo ambanin'ny hosotra dia misy zavatra hivoaka, hitanareo, nefo tsy ho voamarikareo ilay izy. Ary ny anankiray amin'ireo zavatra inoako fa voalaza (tamin'ny Alahady lasa izany) izay mety hanao ny olona anankiray... rehefa nilaza aho fa tsy nino ny antso eny amin'ny alitara mihitsy aho. Hitانareo?

<sup>4</sup> Tiako ny hilaza an'izany sy hanazava an'izany mba ahazoanareo. Tsy nisy antso eny amin'ny alitara iray mihitsy natao ao amin'ny Baiboly. Tsy misy zavatra tahaka an'izany ao amin'ny Soratra. Tsy nisy na taiza na taiza nanerana

an'ireo taona nanaovana an'izany talohan'ny taona Metodista, teo amin'ny roanjato taona lasa izay, hitanareo.

<sup>5</sup> Ireo antso eny amin'ny alitara dia rehefa mitsangana ny olona ka miezaka mandresy lahatra ary misintonia ny olona hoe, "Avia, ry John. Fantatralo, izy ireo... Ny reninao dia maty, nivavaka ho anao. Avia, ry John." Tsy faharesen-dahatra izany, ry sakaiza. Tsia. Ireo—ireo karazany ireo, izaho... tena mahalana no mba andrenesanareo anankiray izay mba lasa tena lavitra. Ary, ao amin'izany, dia mahazo ny zavatra rehetra ianareo. Izany no antony mampikorontana tanteraka ny fiangonana tahaka azy amin'izao andro izao, dia nohon'ny zavatra tahaka an'izany.

<sup>6</sup> Ny faharesen-dahatra, tsy mila milaza zavatra anankiray ianareo, rahalahy, eo Andriamanitra ary efa nahavita an'ilay asa. "Raha mbola niteny an'ireo Teny ireo i Petera dia nilatsaka teo amin'ireo izay nandre ny Teny ny Fanahy Masina." Hitanareo? Hitanareo? Hitanareo? Tsy misy antso eny amin'ny alitara, hitanareo, tsy misy zavatra tahaka an'izany.

<sup>7</sup> Ankehitriny, ny alitara dia toeram-bavaka izay tokony handehanan'ny olona tsirairay izay tonga ao amin'ny fiangonana aloha, mandohalika eo amin'ny alitara, mivavaka mangina amin'Andriamanitra ary manolotra ny fangataham-bavany sy—sy ho an'ireo malalany, ary misaotra an'Andriamanitra nohon'ny nataon'izy ireo taminy, avy eo dia miverina eny amin'ny sezany.

<sup>8</sup> Ary noho izany ny fiangonana dia toerana iray izay misy ny Tenin'Andriamanitra... "Fa ny fitsarana dia manomboka ao amin'ny Tranon'Andriamanitra," izay ivoahan'ny fitsaran'ny Teny. Noho izany... Fa amin'izao andro izao, isika—isika no manova betsaka an'izany.

<sup>9</sup> Ankehitriny, tsy manana na inona na inona hanoherana ny olona izay manao antso eny amin'ny alitara aho, hitanareo. Izany dia... Ary efa nanao betsaka ny tenako, ary angamba mbola hanao betsaka raha manohy mandeha aho. Saingy ho an'ny tenako manokana fotsiny... Hitanareo, ianareo—ianareo—mamory be loatra ianareo. Ary tsy misy na inona na inona manohatra an'izany, tsy misy ratsy ao amin'izany. Mety tsara izany. Hitanareo?

<sup>10</sup> Satria, henoy, hoy Jesosy hoe, "Tsy misy olona mahay manatona Ahy raha tsy Ny Raiko no mitarika azy aloha. Ary izay rehetra nomen'ny Ray Ahy no hanatona Ahy." Marina izany. Koa noho izany, hitanareo, izy ireo dia... Izany no manala tanteraka ny antsonareo eny amin'ny alitara. Hitanareo? Hitanareo ve izany? "Ny rehetra izay ny Ray..." Ianareo...

<sup>11</sup> Ny—ny andraikitsika dia "mitory ny Teny." Hoy ny Baiboly hoe, "Izay rehetra nino dia natao batisa." "Mibebaha, ary aoka hatao batisa amin'ny Anaran'i Jesosy Kristy ho an'ny famelàna, famelàna ny fahotana." Inona? "Aoka hatao batisa

amin'ny Anaran'i Jesosy Kristy ho an'ny famelàna ny fahotana, hitanareo, ary ianareo handray ny fanomezan'ny Fanahy Masina."

<sup>12</sup> Fa rehefa mandresy lahatra ianareo sy misintona ary mampitahotra ny olona, ka miresaka amin'ny olona ao... Tsy maintsy manatona tonga saina ny olona, mahonon-tena, eo ambanin'ny faharesen-dahatra, ary mandray an'i Kristy. Noho izany ny zavatra voalohany atao'izy ireo vantany vao mandray an'i Kristy izy ireo eo am-pipetrahana eo amin'ny sezany, ny zavatra manaraka dia ny hatao batisa amin'ny Anaran'i Jesosy Kristy ho an'ny famelàna an'ireo fahotana ireo izay naharesy lahatra azy ireo fa diso izy ireo. Tahaka an'izany no namelàna azy ireo tamin'ny fahotany, hitanareo. Satria nibebaka izy ireo; natao batisa ho tsangambato iray amin'ny olona, hoe, "Nandray an'i Kristy ho Mpamponjiko manokana aho"; avy eo dia kandidà iray ho an'ny Fanahy Masina ianareo.

<sup>13</sup> Ary, ankehitriny, dia olona maro no manohy, mandresy lahatra ary miantso hankeny amin'ny alitara, sy ny sisa tahaka an'izany, izay mety tsara. Hanaiky an'izany aho, mety tsara tanteraka izany raha ny amiko, raha te-hanao an'izany ny olona iray. Fa, ho ahy, dia tsy ara-tSoratra izany, hitanareo, ary noho izany aho—tiako fotsiny ny hijanona miaraka amin'ny Soratra.

<sup>14</sup> Ary noho izany ny antony nihazonako an'io horonam-peo io dia satria raha navoakanareo izany dia hanana taratasy dimanjato isan-kerinandro ho valiana izahay. Ny tsirairay... Manitsaha fotsiny eo ambonin'ny fombafomba kely iray izay ananan'ny olona iray, ary izay ihany no tokony ataonareo, amin'izay fotoana izay dia mandeha indray izany rehetra izany.

<sup>15</sup> Ary mihevitra aho, imbetsaka, fa mpitsikera kely iray loatra aho eo amin'ireo zavatra samihafa tahaka an'izany. Ary tsy fanahy iniako ny ho tahaka an'izany, fa ireo andraikitra no misintona anareo amin'ity lèlana ity, hitanareo, izy ireo—manao anareo hiròna amin'ity lèlana ity izy ireo. Ary noho izany dia azoko antoka fa mahazo an'izany ny olona.

<sup>16</sup> Ankehitriny, tena mankasitraka isika fa mbola manana Ray any An-danitra iray tsara fanahy foana Izay—Izay mijery ny fahadisoantsika ka tsy manisa azy ireny ho antsika.

<sup>17</sup> Namaky aho tao amin'ny Bokin'ny—ny Romana, ny toko faha-4, rehefa i Paoly no nanoratra an'ilay—ilay filazana Masina mikasika ny fiainan'i Abrahama. Ankehitriny, fantatsika fa matetika i Abrahama no lasa somary nikorontan-tsaina tahaka antsika. Fa rehefa ny... voasoratra ny filazany, dia tsy nisy voalaza ny iray tamin'ireo fikorontanan-tsainy, hitanareo, tsy nilaza an'ireo mihitsy tokoa. Hoy izy:

*Abrahama dia tsy niananahana ny amin'ny teny fikasan'Andriamanitra tamin'ny tsi-finoana; fa nahery...nanome dera ho an'Andriamanitra;*

<sup>18</sup> Hitanareo, ary tahaka an'izany no antenaiko hanoratana ny ahy any Ambony any, dia tsy ireo fahadisoako sy ny rehetra, fa izay ezahako hatao fotsiny, ny fikasan'ny foko mba hanao ho an'ny vahoakan'Andriamanitra.

<sup>19</sup> Ary ankehitriny dia tonga izahay izao maraina izao mba—mba hiezaka hitondra hafatra kely iray eto izay napetraky ny Tompo taminay angamba mba homena ny olona. Ary manantena fa hanao soa ho anareo sy hanao soa ho ahy izany, satria miaraka isika ary miaina ao amin'ny fotoana goavana iray, dia ireo andro farany. Noho izany alohan'ny ivavahantsika mihitsy, dia tiako ny hamaky toerana roa ao amin'ny Teny; anankiray alohan'ny vavaka, ary anankiray aorian'ny vavaka. Ary voalohany, mba hanokafana ny favorantsika, na, ity ampanahanzany ity, dia maniry aho ny hamaky avy ao amin'ny Bokin'ny Hebreo. Ny toko faha-11-n'ny Hebreo, ary ny telopolo-... andininy faha-32, manomboka, miresaka mikasika ny *finoana*.

Ankehitriny *inona koa no holazaiko?* na ho lany ny andro raha miteny ny amin'i Gideona,...ny amin'i Baraka,...Samsona,...Jefta;...Davida...Samoela, ary ny amin'ireo mpaminany:

*Izay nandresy fanjakana tamin'ny alàlan'ny finoana, niasa fahamarinana, nahazo teny fikasana, nanakombona ny vavan'ny liona,*

*Namono ny fidedadedan'ny afo, afaka tamin'ny lelan-tsabatra, ary avy tamin'ny fahalemena...natao matanjaka, tonga nahery tamin'ny ady, nampandositra ny vahiny, ireo tafiky ny vahiny.*

*Ireo vehivavy nandray ny azy efa maty fa natsangana ho amin'ny fiainana...ary ny sasany nampijaliana, nefy tsy nanaiky ny fahafahany; mba hahazoan'izy ireo fitsanganana tsaratsara kokoa:*

*Ary ny sasany nahazo fizahan-toetra...fanesoana lozabe...kapoka, eny, tafahoatra ny fetra...fanagadrana:*

*Notoraham-bato izy ireo, notsofaina nisaraka izy ireo, izy ireo dia nalaim-panahy,...novonoina tamin'ny sabatra: ...nirenireny nitafy hoditr'ondry sy hoditr'osy; efa lao,...ary fadiranovana;*

<sup>20</sup> Diniho ity fononteny ity:

*(Tsy mendrika azy ireo izao tontolo izao:) nirenireny tany an-tany efitra izy ireo, sy tany amin'ireo tendrombohitra, sy tany an-johy ary tao an-dava-tany.*

*...ireo rehetra ireo, na dia nahazo laza tsara nohon'ny finoana aza, dia tsy nandray ny teny fikasana:*

*Andriamanitra efa nanamboatra zavatra tsara kokoa ho antsika, mba tsy hatao tanteraka ireo raha tsy misy antsika.*

<sup>21</sup> Rehefa mamaky an'ireo tantaran'ireo miaramila mahery fo ireo aho, dia manontany aho hoe aiza no hijoroan'ny fanambarana kelintsika miaraka amin'ireo olona ireo amin'izany Andro izany.

<sup>22</sup> Alohan'ny hivavahana mihitsy, dia misy olona iray tehotsarohana eo amin'Andriamanitra ve? Atsangano fotsiny ny tanganareo, ka na inona na inona ilainareo dia enga anie Izzy hahita sy handre ary hanaiky an'izany ho anareo ankehitriny raha manondrika ny lohantsika isika.

<sup>23</sup> Ry Rainay mpiahy, tia, manatona Ny Seza fiandriananao am-panetre-tena izahay izao maraina izao amin'ny Anaran'i Jesosy, Ny Zanakao, mba hanolotra vavaka ho an'ny tenanay sy ho an'ireo hafa. Ianao anie voalohany, Tompo, hamela anay ny amin'ny fahadisoanay sy ny helokay rehetra. Ary avy eo dia hivavaka ho an'ireo hafa izahay, Tompo, mba ho voavela koa izy ireo.

<sup>24</sup> Ary Ny Fiagonanao anie ho voatarika akaiky kokoa Anao. Satria marina tokoa, Tompo, ao am-ponay dia mino izahay fa vonona hiasa asa iray miaraka amin'Ny Fiagonanao Ianao, vonona ny hamoaka Azy avy ao amin'izao tontolo izao ka hakarina hankao amin'ny Fanjakan'Andriamanitra. Fa, Tompo, ampio izahay hanao ny tenanay ho vonona ho amin'izany ora izany. Enga anie ity maraina ity no ho ilay fotoana, Tompo, manomboka amin'ny anankiray ka hatrany aminay rehetra "hamela ny mavesatra rehetra sy ny fahotana izay malaky mahazo anay, mba ahafahanay mihazakazaka am-paharetana an'ilay hazakazaka izay mipetraka eo anoloanay."

<sup>25</sup> Ary mivavaka aho, Ray any An-danitra, androany, mba Hanasitrananao ny marary sy ny ory. Maro no mijaly manerana ny firenena, sy ireo loza, sy "tsimok'aretina" araka ny ametrahan'ireo dokotera azy ireny. Ary mivavaka aho mba ireo Herinao manasitrana, Tompo, no ho eo amin'ireo olona ireo.

<sup>26</sup> Avy eo mba hahatongavana eto amin'ny fiagonana kelinay eto izao maraina izao. Maro no namily fiara an-jatony maily, nanomboka tara omaly hariva sy nandritry ny alina hatramin'ny maraina, androany, ary namily fiara sarotra mba hanao ny lalany ho eto amin'ny tabernakla. Ary manoram-panala ny andro ary manerana ny lalana. Andriamanitra, mivavaka izahay mba Hitahianao azy ireo manokana. Tsy isalasalana fa maro no tsy maintsy nametraka ampahany betsaka avy tamin'ny sakafony amin'ny herinandro ho avy, na inona ilay izy na inona, na ireo zavatra izay mety azon'izy ireo nandianiana ny volany, ho an'ny lasantsy sy ny sisa, mba ho tonga.

<sup>27</sup> Andriamanitra, izay manatona Anao amin-tànam-poana anie handeha hiala feno. Ianao no nampanantena an'izany. Ary mivavaka aho mba Hamenoanao ny fon'izy ireo sy ny haron'izy ireo (an'ny fanahiny) ho tena feno an'ireo zavatra tsara an'Andriamanitra ka handeha hiala fotsiny hiboiboika "fifaliana tsy hay lazaina sy feno Voninahitra." Enga fotsiny anie hitobaka ny kapoakan'ireto olona sarobidy ireto, amin'ireo zavatra ara-panahy sy tsara avy amin'Andriamanitra.

<sup>28</sup> Tahio ny tànana tsirairay, Ianao no mahafantatra ny ilaina izay tao ambadik'io tànany io, Tompo. Mangataka aho mba Hitahianao azy ireo manokana. Nahita Anao izahay tamin'iny herinandro lasa iny hoe ahoana no Namalianao vavaka tena tamim-pahagagana mihitsy tao anatin'ny fotoana fohy, fotoan'ny hamehana sy aretina ary olana. Andriamanitra Ianao, manatrika mandrakariva, mijoro eo akaikin'ireo Mpanomponao. Mivavaka aho, Andriamanitra, mba Hitsangananao eo akaikin'izy ireo izao maraina izao. Omeo azy ireo ny faniriany, Tompo, an'ny fon'izy ireo. Tsy mino aho fa ho an'ny zavatra tia tena mihitsy izany, ny—ny antony ratsy ao ambadik'izany. Mivavaka aho mba Hitahianao azy ireo.

<sup>29</sup> Ary ankehitriny, Ray, tsarovy aho, izahay, androany, ka enga anie aho ho afaka hanao ny tenako tena hiala amin'ilay lâlana... Izahay rehetra, manomboka amin'ny pasitera hatrany amin'ireo—ireo ankizy, enga anie izahay ho afaka hametraka ny tenanay eo amin'ny ilany eo amin'ny alitaran'Andriamanitra ka hanokatra ny fonay ary hihaino ny Fanahy Masina raha hiresaka aminay Izy. Atodiho ny vazinay an'Ny fitahi-... mba handray an'ireo Fitahianao, mankany amin'ilay lafiny tsara. Avy eo dia araraho ao anatin'izy ireo ny herin'ny Diloilo fanosorana. Ary omeo hery izahay, Tompo, izay ilainay ho an'ireo andro izay mipetraka eo aloha. Ekeo izany fitahiana izany. Mangataka an'izany amin'ny Anaran'i Jesosy izahay. Amena.

<sup>30</sup> (Hmm, tsy fantatro. Raiso fotsiny ny nomeraon'ny telefonany ary teneno izy fa hamerina hiantso azy aho aorian'ny fiangonana. Tsy fantatro.)

<sup>31</sup> Mivavaha ho ahy. Izaho... Rahalahy Jack Moore no eo amin'ny telefona, ary mbola mandresy lahatra ahy foana ho any amin'ity herinandro ity. Hitanareo? Izaho tsy mahatsapa mihitsy an'ilay... ho any amin'izany aho, hitanareo, ary noho izany dia tsy fantatro izay hatao. Tiako Rahalahy Jack. Ary io favoriana goavana ho avy any io nefá nolaviny ireo lehilahy, tahaka an'i Booth-Clibborn sy izy ireo, tsy ho avy. Noho izany dia mbola mihazona foana, manao ny filazany sy ny rehetra tahaka an'izany, mihazona ahy mba ho avy. Noho izany aho—tiako ny hahatsapa marina ny ho voatery handeha marina tokoa, hitanareo. Ary izaho...

<sup>32</sup> Ary, ankehitriny, raha mamadika indray isika ankehitriny ao amin'ny Korintiana Faharoa, ary hanomboka amin'ny andininny faha-12-n'ny Korintiana Faharoa isika, ary hamaky andininny anankiray an'ny Soratra ho an'ny manaraka, raha tena sitrak'Andriamanitra. Korintiana Voalohany, ny... Na Korintiana Faharoa, raha ny marina, ny toko faha-12 ary ny andininny faha-9. Tiako ny hamaky ny fehezan-teny voalohany...Na ny fehezan-teny faharoa an'ny andininny faha-9, ampahany iray an'izany:

*Ary hoy izy tamiko, Ampy ho anao ny fahasoavako: fa ny heriko dia tanterahina amin'ny fahalemena...*

<sup>33</sup> Mamelà ahy hamaky an'Izany indray ankehitriny mba hanananareo antoka fa azo ilay lahateny:

*Ary hoy izy tamiko, (ity dia Andriamanitra no miresaka amin'i Paoly), Ampy ho anao ny fahasoavako: fa ny heriko dia tanterahina amin'ny fahalemena...*

<sup>34</sup> Noho izany raha tsy maintsy hiantso azy ho lahateny iray aho, dia tiako ny hampiasa an'ity, ny hery...*Ny Hery Tanteraka Amin'Ny Fahalemena Tanteraka.* Raha manana fahalemena isika dia manana hery. Lahateny tsy mahazatra izany eo...ao amin'ny fiangonana Pentekotista iray, mba hanao...haka lahateny iray mikasika ny *fahalemena*, satria isika dia manambara foana hoe “tena matanjaka isika.”

<sup>35</sup> Ary efa nilaza aho teo aloha, hoe, miezaka hivavaka mandritry ny herinandro fotsiny aho sy hahita hoe inona no tsara ho entiko eo anatrehan'ny fiangonana. Raha ho tonga eto mba ho henoina fotsiny ilay izy, dia aleoko lavitra mihaino olon-kafa iray mitsangana eto izao maraina izao.

<sup>36</sup> Am-pahatsorana, teo amin'ny andro vitsy lasa teo izay, dia tany Kentucky aho niaraka tamin'ny ankokonan-dRahalahy Gabehart tany. Rehefa nandao ny toeran'izy ireo aho, io rahalahy sarobidy io sy ny vadiny sy ny fianakaviany ary izy ireo, dia nandona ahy ity fisainana ity.

<sup>37</sup> Niditra tao amin'ny trano iray aho taloha kelin'izany fotsiny. Nitsangana tany ivelany aho, dia hoy ny ramatoa iray hoe, “Te-hiresaka amin'io mpitoriteny io aho.” Dia nandeha nankao amin'ny tranokelin'izy ireo aho. Ary nisy...Hoy izy hoe, “Ianao ve no Ranadahy Branham?”

Dia hoy aho hoe, “Eny madama.”

<sup>38</sup> Hoy izy hoe, “Tena menatra aho ny amin'ny endrikify ny tranoko,” ary hoy izy hoe, “ny hangataka anao hiditra.” Nanomboka nitomany izy. Hoy izy hoe, “Saingy izaho—tena manana ilaina aho ka manana tena fahatokiana anao.”

<sup>39</sup> Dia hitako fa tany amin'ny Ranabavy kelintsika Cox ilay izy izay nijanonanay niaraka tamin'ny sasany teo—tany, re—renibe kely iray niaraka tamin'ny milina fandraisam-peo iray

izay nandeha nitety an'ireo mpiara-monina nandefa an'ireo horonam-peo. Izay ilay izy! Izay ilay hevitra! Hitanareeo?

<sup>40</sup> Nijery manodidina aho tao amin'io trano io, trano kely iray manetry tena, saiky nitovy tamin'izay nitaizana ahy, saingy feno an'ireo sarin'i Kristy ny rindrina. Nisy Baiboly iray nipetraka teo ambonin'ny latabatra. Hoy aho hoe, "Tsy mbola nahazo haja mihitsy aho teo amin'ny fiainako, izao no karazana trano tiako hidirana." Nanolotra fangatahana iray ho an'ny olona iray izy. Ary adiny dimy taorian'ny fotoana izay niarahanay nivavaka, izaho sy io renibe kely io no niaraka nivavaka, dia namaly Andriamanitra.

<sup>41</sup> Noho izany dia nivavaka indray izahay, ary izaho sy i Neny Cox ary ireo izay nanodidina ny latabatra tamin'io maraina io, dia niondrika ary nangataka an'Andriamanitra mba hanome anay fanararaotra iray hanaovana zavatra amin'ny alalan'ireo ezaka izay efa nataony. Ary, teo am-pangatahana an'izany, dia nanokatra lalana iray Andriamanitra. Hitanareeo? Andriamanitra Izy!

<sup>42</sup> Isika dia miezaka ny hanao an'ireo fahalementsika ho fialan-tsiny. Tiantsika ny miteny hoe goavana toy ny ahoana isika, malaza toy ny ahoana isika. Mino aho fa izany no iray amin'ireo zavatra izay izaho... nanomezan'Andriamanitra ahy ny lahateny, dia ny hanala an'izany ao an-tsaintsika. Hitanareeo?

<sup>43</sup> Misy ireo zavatra kely izay ataontsika. Ary ho an'izany no ahatongavantsika aty am-piagonana, dia ny hahita hoe aiza no misy an'ireo fahadisoantsika, sy ireo zavatra izay haha-tsaratsara kokoa ny tenantsika. Raha tonga aty am-piagonana isika ho an'ny hafa—ny tanjona hafa noho izany, dia matahotra aho fa tsy hahazo betsaka loatra avy amin'ny fahatongavana aty am-piagonana isika. Tsy maintsy tonga isika mba hahita an'ireo fahalementsika, hahita an'ireo toeran-dratsintsika sy ny... ahoana... hahita hoe kely toy ny ahoana isika, ary hametraka ny fahatokantsika ao amin'ny Olona iray izay matanjaka. Fa rehefa manana fahalemena isika...

<sup>44</sup> Misy maro amintsika no tia manambara na tia mihevitra fa tsy ampy isika ary, noho izany, dia manao an'izany ho fialan-tsiny iray hoe, "Tsy manana fianarana aho, tsy manana fahafaha-manao aho, izaho tsy mahay manao an'ity." Ary raha manohy an'izany ianareeo ka manao an'izany amin'izany fanao izany, manohy mandeha tahaka an'izany, amin'izay fotoana izay dia tsy afaka hitovy amin'inona na inona ianareeo. Fa ilay tena zavatra izay ataontsika fialan-tsiny mihitsy, amin'ny alalan'ny fahalementsika, dia izany ilay tena zavatra ampiasain'Andriamanitra hanombohana an'ilay asa. Hitanareeo? Miandry antsika ho tonga eo amin'io toerana io Izy mba Ahafahany hampiasa antsika. Isika—mitondra fialan-tsiny isika ka manao hoe, "Eny, izaho—izaho—izaho dia... tsy afaka

manao an'ity, tsy ampy aho. Izaho—tsy afaka manao an'izany aho.” Dia io tena zavatra io mihitsy no alain’Andriamanitra hanaovana an'ilay asa. Marina izany.

<sup>45</sup> Izany no antony hoe nahoana Izy—Izy no mifidy antsika, satria ao anatin’io toerana io isika. Ankehitriny, toa hafahafa izany, saingy ho tonga eo amin’ny anton’izany isika afaka minitra vitsy fotsiny, raha sitrak’Andriamanitra.

<sup>46</sup> Isika—mahita isika, arak’izay vao avy novakantsika mihitsy, fa ny fahalemena sy ny fandàvana... ary hitantsika fa ireo olona izay malemy indrindra sy nolavin’izao tontolo izao any ivelany ireo, no mahery fon’Andriamanitra, izay mandresy eo amin’ny lohalaharana, maka an’ireo izay—izay... mahatsapa ny tenany ho tsy mendrika.

<sup>47</sup> Nisy rahalahy Metodista iray, telo amin’izy ireo no tonga eto amin’ity fiangonana ity avy any Ohio, na Indiana avaratra. Nilaza tamiko izy ireo vao tsy ela akory izay, nanao hoe, “Rahalahy Branham,” hoy izy ireo, “vao avy naharay ny Fanahy Masina izahay, hitady an’ireo fanomezam-pahasoavana ho an’ny asam-panompoanay ve izahay?”

Hoy aho hoe, “Aza manao an’izany! Avelao hipetraka tsara izany.”

<sup>48</sup> Dia nitodika izy ka njery ahys, nanao hoe, “Vao avy namaky bokin’ny rahalahy anankiray aho izay niteny taminay fa rehefa avy naharay ny Fanahy Masina isika dia ‘tokony hitady an’ireo fanomezam-pahasoavana,’ mba hampiasan’izy ireo an’io Fanahy Masina io.”

Hoy aho hoe, “Dia lasa mpihambohambo iray!” Hitanareo?

<sup>49</sup> Raha mahamarika ianareo ao amin’ny Baiboly, dia ireo izay miezaka manalavitra an’izany foana, no ampiasain’Andriamanitra. Raha mbola ny olona foana no... te-hanao zavatra ka mihevitra fa manana fahafaha-manao ampy izy ahafahany mananteraka an'ilay asa, dia tsy afaka mampiasa an’izany olona izany mihitsy Andriamanitra. Jereo i Mosesy, nandositra; jereo i Paoly, nandositra; ary ny sisa tamin’izy ireo, niezaka nanalavitra an’izany.

<sup>50</sup> Hoy aho hoe, “Aza mitady na inona na inona. Raha manana zavatra ho anareo Andriamanitra, dia Homeny anareo izany.” Hitanareo? “Ary avelao fotsiny Izy—avelao Izy no hikarakara an’izany.” Hoy aho hoe, “Avy eo ianareo dia hanana ny sasany amin’ireo fotoana tahaka ny nananantsika, ananantsika amin’izao andro izao, ka ny olona rehetra dia te-hanao an’ity sy hanao an’itsy ary ho lasa olona iray malaza. Jereo izay misy antsika miaraka amin’izany, hitanareo.”

<sup>51</sup> Raha tokony hiezaka ny ho lasa lehibe dia tokony hiezaka isika—hiezaka ny hahita hoe ahoana no ahafahantsika ho kely. Hitanareo? Amin’izay fotoana izay vao afaka mampiasa antsika

Andriamanitra. Manana Soratra maro aho voasoratra eto izay tokony hitodihako, heveriko, saingy izaho...isika...tsy banana fotoana hanaovana an'izany angamba aho. Fa isika dia...

<sup>52</sup> Mariho fa ilay izy dia mila an'ilay—ilay malemy indrindra sy ilay nolavina, ary saiky ny mahery fo tsirairay izay hany nananan'Andriamanitra teo amin'ny lohalaharana dia izany karazan'olona izany. Olona iray izay nolavina, olona iray izay nihevitra fa tsy ampy izy, olona iray izay tsy nanana fahaiza-manao mihitsy, dia izany olona izany mihitsy no ao amin'ny toerana tsara mba ahafahan'Andriamanitra manomboka mampiasa azy. Marina izany. Rehefa mahatsapa izy ireo fa toy ny hoe tsy mahavita, tsy manana na inona na inona, amin'izay Andriamanitra vao afaka mihazona azy ireo ka manao zavatra miaraka amin'izy ireo. Hitanareo? Rehefa...Fa rehefa mihevitra isika fa afaka manao an'ilay izy, amin'izay fotoana izay dia tsy afaka mampiasa antsika Andriamanitra satria te-hanao an'ilay izy samirery isika.

<sup>53</sup> Ary, avy eo, ilay lafiny hafa, mampiseho an'ireo fihetseham-po ireo isika dia mihevitra avy eo fa tsy ampy isika, ary tsy te-hanao an'ilay izy; nefo amin'izay fotoana izay raha mihaino fotsiny an'ilay antson'Andriamanitra isika, dia izany ilay tena zavatra izay tian'Andriamanitra ampidirana antsika mihitsy, izany karazan-toerana izany, mba Ahafahany.

<sup>54</sup> Rehefa tsy ampy isika, ny tenantsika, amin'izay fotoana izay vao olona fehezin'ny Fanahin'Andriamanitra isika. Raha mbola mihevitra foana isika fa afaka manao an'ilay izy, amin'izay fotoana izay isika no tsy afaka manao an'ilay izy. Fa rehefa tonga eo amin'ny toerana iray izay ahafantarantsika fa tsy afaka manao an'ilay izy isika, amin'izay fotoana izay isika no manolotra ny tenantsika ho an'Andriamanitra dia Izy no manao an'ilay izy. Koa noho izany raha isika no miezaka manao an'ilay izy dia tsy hahomby isika, fa raha hanolotra ny tenantsika ho an'Andriamanitra fotsiny isika amin'izay fotoana dia tsy afaka ny tsy hahomby Andriamanitra. Zavatra anankiray ihany no tsy azon'Andriamanitra hatao, ary, izany dia ny tsy mahomby. Afaka manao ny zavatra hafa rehetra Izy afa-tsy ny tsy mahomby. Fa tsy afaka ny tsy hahomby Izy.

<sup>55</sup> Noho izany raha mbola miezaka amin'ny tenantsika foana isika ary miankina amin'ny fahaizantsika manokana, sy ny sisa, eny, dia tsy hanao na inona na inona isika. Fa rehefa tonga eo amin'ny toerana iray izay ahafantarantsika fa tsinontsinona isika, amin'izay fotoana izay vao afaka mampiasa antsika Andriamanitra.

<sup>56</sup> Ny zava-dehibe, iray amin'ireo zava-dehibe izay tsy maintsy fehezintsika...Tsarovy izao ankehitriny, ary indrindra ianareo mpitoky teny tanora, ireo mambra laïka mitovy. Misy zavatra anankiray izay tokony fehezintsika raha manantena

ny hanatanteraka ny fanirian'Andriamanitra eo amin'ny fiainantsika isika, izany dia, tokony fehezintsika ny fisainan'ny *fahaizan'olombelona*. Raha mba tonga eo amin'ny toerana iray izay iheverantsika fa afaka manao an'ilay izy amin'ny fahalalantsika manokana sy ireo fahaizantsika manokana isika, dia tokony fehezintsika izany amin'ny fomba iray izay ahafahantsika manala an'ilay zavatra ka mametraka azy eo amin'ny ilany mba ahafahan'Andriamanitra mampiasa antsika. Marina izany.

<sup>57</sup> Ary manao fanoloran-tena feno iray! Tsy afaka mampiasa fahaizana anankiray isika. Tsy maintsy manao fanoloran-tena manontolo iray isika! Ary, mba hanatona an'Andriamanitra, dia tsy maintsy atolotrareo Azy ny aina, vatana, ary fanahy. Ny zavatra rehetra izay maha-izy anareo dia tsy maintsy voatolotra an'Andriamanitra, mba Ahafahany miasa ny Sitrapony ao aminareo sy ao amiko.

<sup>58</sup> Ankehitriny, sarotra izany, fantattro, satria te-hametraka ny anjarantsika ao foana isika, zavatra iray izay *fantatsika*, fantatsika fa tiantsika ny manao an'ilay izy. Hoy isika hoe, "Eny, izaho—fantattro mihitsy fa tokony ho tahaka an'izao no hanaovana azy." Fa raha mbola tahaka an'izany foana no anaovanareo an'ilay izy dia ho diso izany, ary tsy hampiasa an'izany ezaka izany mihitsy Andriamanitra. Angamba, miaraka amin'ny fanampian'ny Tompo, dia ho tonga eo amin'izany isika afaka minitira vitsy, ka haneho fotsiny aminareo hoe ahoana fa tsy afaka mampiasa ny fahaizanareo Andriamanitra.

<sup>59</sup> Ary izany ilay olana amin'izao tontolo izao amin'izao andro izao: be loatra ny fahatsapan'ny seminera misy, be loatra no napetraka eo ambonin'ny fianarana, be loatra no napetraka eo ambonin'ny fifandraisana na ireo fiombonana ao anatin'ny anaram-piangonana, mifampiakina isika, miankina amin'ny olona miaraka amin'ny fahaizana isika.

<sup>60</sup> Hoy ny Baiboly hoe, "Ahoana no ahafahanareo banana finoana nefá ianareo—nefa ianareo dia..." Ndaor jerentsika, ahoana izany Soratra izany? "Ahoana no ahafahanareo banana finoana nefá mifanavaka ianareo?"

<sup>61</sup> Rehefa manantena isika, manao hoe, "Ity zalahy ity, olona malaza iray izy. Olona malaza iray ity, hiankina aminy fotsiny aho," tsy mahafaly an'Andriamanitra izany rehefa manao an'izany ianareo. Tsy maintsy miankina amin'Andriamanitra isika ary Andriamanitra irery! Tsy tokony hatoky ny fahaizan'ny tenantsika isika na olona iray. Tsy maintsy manolo-tena manontolo ho an'Andriamanitra isika.

<sup>62</sup> Tsy misy fahaizana, tsy ahoako na an'iza izany na an'iza, ho azo ampiasaina mihitsy eo imason'Andriamanitra. Tsy maintsy manaisotra ny fahaizantsika rehetra hiala amintsika Andriamanitra alohan'ny Ahafahany hanatanteraka ny Tanjony.

Raha manana zavatra iray mba hataontsika Izy, ka raha mbola mahatsapa foana isika fa manao asa tsara tarehy iray avy amin'izany, amin'izay fotoana izay dia tsy afaka ho ampiasain'Andriamanitra mihitsy isika.

<sup>63</sup> Ankehitriny, hoy ianareo hoe, "Manao filazana mivelatra be mahatsiravina ianao eo, Rahalahy Branham." Ary izany—anankiray mivelatra be izany, saingy mijere manodidina dia jereo raha marina izany na tsia.

<sup>64</sup> Mijere manodidina amin'izao andro izao an'ny zavabitantsika lehibe rehetra izay heverintsika fa vitantsika, ary aiza ny Kristianisma eto Etazonia? Jereo ireo fiangonantsika sy anaram-piangonantsika rehetra, sy ireo evanelistsika sy ireo asam-pitorian'ny fanasitranana, ary ny zavatra hafa rehetra izay nananantsika, ary inona ilay izy? Ratsy lavitra noho ny hatramin'izay tany amin'ny voalohany! Ratsy lavitra ilay izy amin'izao andro izao noho ny hatramin'izay, satria niezaka isika ny nanao an'ilay izy tamin'ny fahaizan'olombelona.

<sup>65</sup> Miara-miangona izy ireo ary manao vavaka lava dia mivoaka eto. Ary nanana indray andro izay nananan'izy ireo tena betsaka, dimy alina sy iray hetsy, na zavatra tahaka an'izany, niaraniangona, Protestanta sy Katolika; manao vavaka tsianjery vitsivitsy, sy mivavaka vavaka vitsivitsy, ary manao vavaka vitsivitsy, sy ny sisa. Mety tsara kokoa aza ny tsy niangona, tsy misy dikany eo imason'Andriamanitra izany.

<sup>66</sup> Ankehitriny, raha lasa mpitsikera aho, dia mamele ahy. Hitanareo? Fa izaho—izaho dia... Tsy maintsy alentikareo ilay zavatra. Hitanareo? Tsy maintsy manao an'ilay izy hidòna amin'ny fantsika ianareo.

<sup>67</sup> Ary inona no soa nataon'izany? Tsinontsinona. Ary ho tsinontsinona mihitsy mandra-pahatongan'ny olona rehetra izay milaza fa Kristiana iray hanadino ny fahaizany manokana ka hanolotra ny tenany ho an'Andriamanitra.

<sup>68</sup> Amin'izay fotoana izay Andriamanitra vao afaka manatanteraka ny Tanjony amin'ny fandefasana... tsy fifohazana iray, fa, rahalahy, ny Ilainy hatao voalohany dia ny mandefa famonoana iray, marina izany, mba *ahafahantsika* ho velona indray. Tsy maintsy maty ianareo alohan'ny ahafahanareo hateraka indray, ary ianareo tsy maintsy... Mila famonoana iray ny amin'ny tenantsika Izy. Mila famonoana iray ity tabernakla ity, ary miaraka amin'izany aho. Isika rehetra, isika dia mila fa-famonoana iray mba ahafahantsika ho velona indray ao amin'ny fiainana iray vaovao, fihazonana iray vaovao, fanantenana iray vaovao, fahatsapana iray vaovao! Mila andro fisaonana iray aloha isika.

<sup>69</sup> Mila toeran'ny fanoloran-tena iray ho an'ny Fanahy isika raha tokony ho tena hiankina betsaka eo amin'ny fianarana sy eo amin'ireo fandaharantsika, ary isika... ireo asam-pitoriantsika

sy izay rehetra ananantsika. Isika—isika—miankina amin’ny fiaraha-miasa amin’ireo mpitoriteny samihafa betsaka isika mba hiara-hiasa. Mamela betsaka isika...“Raha tsy afaka mahazo betsaka izahay, nahoana, dia tsy hanao an’izany izahay. Tsy handeha any an-tanàna izahay raha tsy manana an’izany.” Ary amin’izay fotoana izay, rehefa manao an’izany isika, dia manao azy ao anatin’ny milina goavana be iray izay misy karbônina mikorintsana ao anatiny, hitanareo.

<sup>70</sup> Noho izany isika—tokony manalavitra an’izany isika, io fahaizan’olombelona io. Tokony ho tonga eo amin’ny toerana iray izay ahafahantsika manolotra ny fanahintsika sy ny fiainantsika isika, na dia ilay mpikarakara tokantrano aza, ilay tantsaha, ilay mekanisiana, na iza isika na iza, tokony hanolotenena manontolo ho an’Andriamanitra isika ary hahafantatra fa “tsinontsinona isika.” Noho izany dia avelao Andriamanitra hanomboka avy eo. Amin’izay fotoana izay Izy no manomboka mihetsika, miasa. Ary tafiditra ao anatin’izany isika rehetra, ny olona rehetra. Izany ilay—ilay zavatra izay tokony hataontsika.

<sup>71</sup> Ny tantara no manaporofo, manaporofo ankehitriny, manaporofo (ny tantara no manaporofo) fa mifidy an’ireo tsinontsinona foana Andriamanitra mba ho lasa ireo Olo-malazany. Maka an’ilay olona izay tsinontsinona Andriamanitra.

<sup>72</sup> Amin’izao andro izao, raha tsy manana fototra teolojika tsara iray ianareo, dia tsaratsara kokoa aminareo ny tsy manandrina manatona ny tanàna akory aza, tsaratsara kokoa aminareo ny tsy manandrina manatona fivoriana iray akory aza. Fa raha manana fototra malaza ianareo, miaraka amin’ireo fiofanana malaza sy ny sisa aorianareo, dia afaka miditra ao amin’ny tanàna rehetra ianareo ary mahazo fiaraha-miasa, manana fivoriana lehibe iray. Eny, tsy fivoriana iray ilay izy... Fivoriana iray ilay izy, tahaka ny zavatra hafa rehetra fotsiny, saingy inona no soa atao’izany? Hitanareo, ianareo—ianareo mbola... Manana an’ireo zazavavy sy zazalahy kely izay manatona ianareo, mitsako siligaoma ary manatona ny alitara, ary ireo vehivavy sy lehilahy mandeha mankeo amin’ny alitara mba hilaza fotsiny fa izy ireo “dia nandeha nankeo amin’ny alitara,” miditra mankao amin’ny efitra ho an’ireo toro-hevitra dia miverina arynofafazana na nasitrika, na inona na inona izy ireo, ary ny—ary herintaona manomboka eo...

<sup>73</sup> Nilaza ny anankiray tamin’ireo evanjelistsika malaza hoe, raha afaka nahafantatra izy fa afaka nahatahiry ny folo isan-jaton’ireo azy niova fo mandritry ny herintaona, dia ho faly izy. Rehefa, noho izany, raha nanana niova fo arivo izy, ny taona manaraka dia tokony hisy—hisy iray alina amin’izy ireo. Hitanareo, diso an’ilay fikendrena isika, diso an’ilay tanjona isika.

<sup>74</sup> Ny sasany amintsika dia manorina an'izany eo ambonin'ny fiheverana ara-tsaina hoe, "Oh," izany, "io mahay-ny-rehetra io, io lehilahy io dia manam-pahaizana niofana. Tokony hanofana ny olon-tsika isika ka hampianatra azy ireny."

<sup>75</sup> Ilay anankiray manaraka dia manao fototra an'izany eo amin'ny fahatsapana iray an'ny—an'ny fihetsiketsehana, mangovitra, mitomany, mihiakiaka, mandihy ao amin'ny Fanahy, na zavatra iray, asa ara-pihetseham-po ivelany. Ary ratsy fotsiny tahaka ny fianarana izany! Raha tsy afaka mahazo anareo eto amin'ity ilany ity ny devoly, dia hanosika anareo eo amin'itsy ilany itsy izy.

<sup>76</sup> Fa ny zavatra amin'ilay izy dia, dia ny tsy manana na inona na inona izay azonareo iankinana ao amin'ny tenanareo manokana na zavatra izay azonareo atao, fanolorana tanteraka iray, manontolo fotsiny an'ireo fahalemenareo ho an'Andriamanitra, ka manao hoe, "Inty aho." Tsy manana na inona na inona, tsy misy fahazaina azonareo itokiana!

<sup>77</sup> Zahao indray manerana ny Soratra ka jereo, satria manana an'ireo Soratra voasoratra aho eto izay itodihako. Ny sasany raha miverina manerana ny Soratra, dia hitantsika, fa Andriamanitra dia nampiasa an'ireo tsinontsinona foana mba ho lasa ny Zavany. Maka an'ireo izay nolavin'izao tontolo izao foana Izy, ilay taona moderina no nandà, ary izany ilay karazana izay Nalainy mba hampiasaina.

<sup>78</sup> Diniho ireo—ireo apostoly. Eritrereto i Petera, ilay mpanjono, tsy nanana fianarana ampy hanoratana ny anarany manokana. Jaona, tsy mahay ary tsy nianatra. Ireo lehilahy ireo! Nodinganiny ireo manan-kaja sy ny mpisorona nianatra ary ireo olo-malazan'iyo andro ireo, ireo mahay, ireo mambrampiangonana, ary naka an'ireo... ireo olona izay nihevitra ho zavatra, ary naka an'ireo izay tsinontsinona ka nampiasa azy ireny.

<sup>79</sup> Ankehitriny, ny olona iray dia afaka ho lasa anankiray amin'ny Olony, afaka mampiasa azy ireny Andriamanitra raha vonona izy ireo ny hanadino fa zavatra iray izy ireo. Raha vonona ianareo ny hanadino fa zavatra iray ianareo ary lasa tsinontsinona, amin'izay fotoana izay vao afaka mampiasa anareo Andriamanitra ka manao zavatra iray avy ao aminareo. Hitanareo? Fa tsy maintsy manadino ianareo hoe tena ilaina ianareo.

<sup>80</sup> Misy maro amintsika, maro amintsika no manao an'izany ao—ao amin'ny fiainantsika. Vantany vao... Ny olona sasany, vantany vao lasa Kristiana izy ireo, dia lasa miavonavona, tsy miraika, marina izany, nefà dia maka an'ilay lâlana mifamadika fotsiny izy ireo. Mandeha mihemotra izy ireo raha tokony handroso. Rehefa... Arakaraky ny ahafahanareo mamoaka avy

amin'ny tenanareo bebe kokoa, no ahazoanareo efitra bebe kokoa hidiran'ny Fanahy Masina.

<sup>81</sup> Tahaka ny notenenin'i Elisa tamin'i Josafata sy izy ireo, nanao hoe, "Angadio ho feno lavaka ity toerana ity. Arakaraky ny angadianareo lalina kokoa, no hahazoanareo efitra bebe kokoa ho an'ny rano." Ary arakaraky ny habetsahana avy amin'ny tenantsika manokana, an'ny—an'ny fakofako manokan'ireo fahaizantsika manokana izay azontsika esorina hiala ao amintsika, no hisian'ny efitra betsaka kokoa ho fenoin'ny Fanahin'Andriamanitra; raha mbola afaka manao an'izany foana isika.

<sup>82</sup> Paoly, ilay anankiray izay vao avy novakiantsika eto ao—ao amin'ny Korintiana, ao amin'ny Korintiana Faharoa, hitantsika fa lehilahy malaza iray ity lehilahy ity. Manam-pahaizana iray izy, lehilahy malaza iray. Fa tsy maintsy nanadino an'izay rehetra hany fantany izy, mba hahafantatra an'i Kristy.

<sup>83</sup> Izaho dia hamela...hamaky anankiray amin'ireo Soratra eto, mba ahafahanareo—raha tianareo ny hamaky an'izany miaraka amiko. Ndao isika hamadika ao amin'ny Korintiana Voalohany, ny toko faha-2 ary ny andininy faha-1, iray minittra fotsiny. Ary ndao isika hamaky eto iray minittra fotsiny an'izay nolazain'i Paoly, ity lehilahy manam-pahaizana lehibe ity, izay nolazainy mikasika ny tenany, izay tsy maintsy nataony. Korintiana Voalohany, ny—ny toko faha-2-n'ny Korintiana Voalohany, ary manomboka amin'ny andininy faha-1. Henoy ity manam-pahaizana ity.

<sup>84</sup> Niofana ity lehilahy ity. Afaka niteny saiky ny fiteny rehetra izay nisy teto amin'izao tontolo izao izy. Tsy maintsy nirehareha ny amin'izany izy. Notezaina teo ambanin'ilay sekta hentitra an'ireo Fariseo izy, ary Fariseo iray ny rainy. Taty aoriania izy dia "Fariseo iray amin'ireo Fariseo," ary midika izany fa izy dia—izy tanteraka tokoa no—no ilay hentitra indrindra amin'ireo Fariseo. Lehilahy malaza iray izy. Ary nanana fahefana izy, ary nanan-tsaina.

<sup>85</sup> Ny rainy dia nanome azy fianarana iray teo ambanin'ny mpampianatra tsara indrindra izay nisy tao amin'ny firenena rehetra, Gamaliela, ilay mpampianatra malaza indrindra tamin'ny sekoly rehetra tamin'izany fotoana izany. Lasa karazan'izany lehilahy izany i Paoly. Nianatra ny fiteny rehetra izy. Nianatra psykolojia izy. Nianatra an'ireo karazan-javatra rehetra izay nisy izy tao—tao...mba hianarana tao amin'izany. Ary niankina mafy tamin'ilay—tamin'ilay tabernaklan'ireo— an'ireo mpisorona izy niaraka tamin'ilay—ilay lehilahy malaza. Ary nandeha izy saika handrava an'ilay Fiangonana.

<sup>86</sup> Henoy ity lehilahy iray ity ihany, miaraka amin'io fianarana rehetra io, rehefa avy nandray an'i Kristy izy. Henoy izay nolazainy. Mahery sy malaza toy ny ahoana izy, tsy maintsy

nohadinoiny izany. Tsy maintsy nahafantatra izy fa tsy afaka niankina tamin'ny tenany. Tsy maintsy nahafantatra izy fa tsinontsinona ny fianarany. Tsy maintsy nahafantatra izy, fa ny fiofanana rehetra izay hany nananany, tsy maintsy nanadino ny zavatra rehetra izay hany nanofanana azy izy. Henoy izy ankehitriny.

...*Izaho, rahalahy, rehefa tonga teo aminareo aho, . . . tsy niaraka tamin'ny fiteny marevaka . . . an'ny fahendrena, hitanareo, nanambara taminareo ny filazana an'Andriamanitra.*

“Tsy tonga teo aminareo mihitsy aho mba hiteny taminareo hoe, ‘Ankehitriny, izaho no Dokotera Saoly avy amin’ny Sekolin’*Izao-sy-izao*, izaho no . . . avy ao amin’ilay sekta malazan’io anaram-piangonana io.’ Tsy tonga teo aminareo tahaka an’izany mihitsy aho.”

*Fa izaho dia ninia tsy nahafantatra zavatra hafa teo anivonareo, afa-tsy Jesosy Kristy, ary izy voahombo.*

<sup>87</sup> Eo, henoy ny filazan’ny lehilahy iray tahaka an’izany.

“Ninia tsy nahafantatra na inona na inona mikasika ny fahaizanareo aho. Fantatro fa tsy misy na inona na inona ao aminareo ka ninia hahafantatra zavatra anankiray fotsiny ihany izay hitako ao aminareo aho, izany dia Jesosy Kristy ary Izy voahombo. Ilay Mpamonjy voahombo eo anivonareo, izany ihany no ho fantariko.”

<sup>88</sup> Henoy izy.

*Ary izaho dia niaraka taminareo tamin'ny . . . (fahalehibeazana ve? Tamin'ny inona?) . . . fahalemena, sy tamin'ny fahatahorana, ary . . . fangovitana be.*

<sup>89</sup> Azonareo eritreretina ve ny lehilahy iray, Fariseo iray amin’ireo Fariseo, mpampianatra iray amin’ireo mpampianatra, lehilahy iray izaynofanina hatramin’ny fahazazany (ho an’ny asam-panompoana) mba ho lehilahy iray mahay mandahateny izaynanan-tsaina sy mamiratra, ho tonga eo anatrehan’ny kilasin’olona iray tahaka an’ireo Korintiana ka hanao hoe, “*Izaho dia niaraka taminareo tamin'ny fahalemena, sy tamin'ny fahatahorana, ary fangovitana be?*” Lehilahy iray izay nampitsombadika an’izao tontolo izao, ilay misionera malaza indrindra izay hany fantatra, niaiky fa izy “*dia tonga tamin'ny fahalemena,*” tsy toy ny manam-pahaizana niofana, fa “*tamin'ny fahalemena, tamin'ny fahatahorana,*” fandrao hiala amin’ilay Lèlana izy any ho any. “*Tamin'ny fangovitana be,*” satria tsy afaka nitoky tamin’ny fahaizany manokana izy.

<sup>90</sup> Ny antony hoe izy dia “natahotra,” tsy satria hoe natahotra zavatra iray izy, fa natahotra izy sao tsy hahafaly an’Andriamanitra amin’ny fomba iray, ka hanao ny fahaizany hifangaro amin’Izany; zavatra iray izay nianarany, izay

nananany... Niteny tamin'izy ireo izy hoe, "Tsy tonga teo aminareo niaraka tamin'ireo fiteny marevaka ireo aho (Tonga teo aminareo tamin'ny *fahatahorana* izay nahatongavako tahaka an'izany aho), fa tonga teo aminareo aho tsy nahafantatra na inona na inona afa-tsy Kristy, ary Izzy voahombo."

*Fa izaho dia tonga teo aminareo tamin'ny fahatahorana, sy fahalemena, ary tamin'ny fangovitana be.*

*Ary ny teniko sy ny toriteniko dia tsy tamin'ireo tenin'ny fahendren'olona mahataona, fa tamin'ny fanehoana ny Fanahy sy...ny hery:*

<sup>91</sup> Henoy ity lehilahy ity izay mpiady iray nanafoana ny tenany. Amena! Raha misy zavatra izay ilain'ireo sekolintsika amin'izao andro izao, raha misy zavatra ilain'ireo fiagonantsika amin'izao andro izao, dia fanafoanana iray an'ny tenan'izy ireo, ny amin'ireo fisainanareo manokana sy ny fahaizanareo manokana. Fohano eo anatrehan'Andriamanitra ny tenanareo raha tsy izany dia hiezaka hanao zavatra amin'ny alàlan'ny tenanareo ianareo.

<sup>92</sup> Manantena aho fa ianareo...fa milentika lalina ao amintsika izany, eto sy izao tontolo izao ao amin'ny horonam-peo, ihany koa, mba ho fantatrareo fa tsy maintsy lasa tsinontsinona ianareo. Tsy mahay-ny-rehetra iray, tsy olona malaza iray, fa anankiray *tsinontsinona*. Ianareo dia...tsy maintsy lasa vovoka. Tsy maintsy tonga eo amin'ny toerana iray ianareo izay ahafantaranareo fa tsinontsinona ianareo. Ary aza mitsangana eo ambonin'izany mihitsy, satria vantany vao mitsangana eo ambonin'izany ianareo dia mitsangana ambonin'Andriamanitra. Tsy maintsy mihazona ny tenanareo ao ambanin'ny vovoka ianareo ary eo amin'ny lâlana mankany Damaskosy. Tsy maintsy mihazona ny tenanareo hiala eo amin'ireo soavalinareo avo ianareo. Ary izany dia ho an'ny manerana, eto sy izao tontolo izao ao amin'ny horonam-peo.

<sup>93</sup> "Ny teniko," hoy izy, "dia tsy...amin'ny tenin'olona mahataona sy ny fahendren'olona, fa amin'ny fanehoana ny Fanahin'ny hery."

<sup>94</sup> Diniho ankehitriny! "Ho an'ny inona, ry Paoly? Nahoana ianao no manao an'izao?"

Hery! *Mba tsy hiorenan'ny finoanareo amin'ny fahendren'ny olona, fa amin'ny herin'Andriamanitra.*

<sup>95</sup> Oh, mpitory teny iray toy ny inona! Ity lehilahy malaza ity izay...Nitady an'Andriamanitra izy, ka hoy izy hoe, "Andriamanitra, malemy aho ka izaho—tsy fantatro izay hatao. Mivavaka Aminao fotsiny aho, Andriamanitra, mba hampahery ahy sy hanaisotra an'ireo fahalemeko hiala amiko, ary ireo zavatra, mba ahafahako hahery kokoa."

<sup>96</sup> Namaly azy Andriamanitra, nanao hoe, “Paoly, ny Heriko dia tanterahina ao amin’ny fahalemenao.”

<sup>97</sup> Tamin’izay fotoana izay dia hoy i Paoly hoe, “Rehefa malemy aho dia amin’izay fotoana izay aho no mahery. Eny!” Hoy izy hoe, “Noho izany dia... Hirehareha amin’ireo kilemako an’ny fahalemeko sy ny sisa aho. Misaotra an’Andriamanitra aho fa nanao an’izany rehetra izany niala tamiko. Ary rehefa manao ny zavatra rehetra miala amiko aho, amin’izay fotoana izay vao afaka miditra Andriamanitra. Fa raha mbola manana anankiray avy amin’ny tenako foana aho eo, amin’izay fotoana izay dia tsy afaka miditra Andriamanitra.”

<sup>98</sup> Eo, izay ilay izy, isika—isika no manosika Azy hivoaka. Isika no manosika Azy miaraka amin’ny... Manomboka amin’ny mahantre indrindra amintsika ka hatramin’ny manan-karena indrindra amintsika, manomboka amin’ny kely indrindra ka hatramin’ny lehibe indrindra, dia isika no mihazona an’Andriamanitra ho any ivelan’ny fiainantsika nohon’ny tenantsika manokana.

<sup>99</sup> Nilaza aho mazàna hoe, “Ny fahavalolo lehibe indrindra ananako dia William Branham.” Izy no anankiray izay miditra eo amin’ny lâlan’Andriamanitra. Izy no anankiray izay lasa kamo. Izy no anankiray izay matetika tonga eo amin’ny toerana iray izay heveriny fa ahafahany manao zavatra iray mikasika an’izany, ary, rehefa manao izy, dia izany no mandroaka an’Andriamanitra hiala amin’ilay sary mihitsy. Fa rehefa afaka miala amin’io zalahy io aho, rehefa afaka ho tonga eo amin’ny toerana iray izay hanao azy any ivelan’ny lâlana aho, amin’izay fotoana izay dia afaka ho tonga Andriamanitra ka hanao an’ireo zavatra izay tsy misy na inona na inona fantatr’i William Branham ireo.

<sup>100</sup> Amin’izay vao afaka mampiasa anareo Andriamanitra. Amin’izay vao afaka mampiasa anareo rehetra Izy. Afaka mampiasa ny olona rehetra Izy rehefa miala amin’ny lâlana isika. Fa raha mbola mametraka ny tenantsika ao amin’ny lâlana foana isika, amin’izay fotoana izay dia tsy afaka isika. Eny àry.

<sup>101</sup> Ankehitriny dia mahita isika, ity lehilahy malaza ity, Paoly, izy dia—izy dia andriana iray teo anivon’ireo mpitory teny. Najain’ny anaram-piagonana rehetra izy. Ity lehilahy ity dia afaka nandeha nankany amin’ny tanàna iray ka nanao fivoriana iray na taiza na taiza. Satria nahoana? Nanana taratasy fanendrena izy. Nahoana, tena nalaza izy, ary tena tapa-kevitra ny hanosihosy ny olona rehetra izay nalemy, hany ka nahazo fahefana avy tamin’ilay mpisoronabe izy, ilay fahefana ambony avo indrindra, mba hamatotra ny tsirairay avy tamin’ireo Kristiana ireo. Fahefana ara-politika avy tamin’ny fiangonany, mba hamatotra azy rehetra ireo! Oh, nahery izy! Afaka namatotra an’ireo Kristiana izy ka

nandefa azy ireo tao am-ponja satria tsy nifanaraka taminy teo amin'ireo foto-pampianarany teolojika izy ireo, teo amin'ireo foto-pampianaran'ny Fariseo sy Sadoseo. Namatotra an'ireo Kristiana izy.

<sup>102</sup> Fa, mariho, tsy maintsy lasa voafatotra izy, ny tenany, mba ahafahany hahavery an'izany, afaka nahavery ny heriny sy ny fahefany izy. Lasa voafatotra izy, ny tenany, mba hanary an'izay nananany ny fahefana hamatorana. Tsy maintsy nanary an'izay haha-azy azy izy, mba ho voafatotra.

<sup>103</sup> Andalovan'Andriamanitra ireo manan-kaja! Nandalovany ireo mpisorona. Nandalovany ireo izay niavonavona. Fa nifydny an'i Paoly Izy, ity lehilahy malaza ity, ka nanao azy ho lavo tamin'ny vovoky ny tany ary nanao an'ireo zavatra izay izy... tahaka ny nataon'ireo sasany ireo. Izy no nanao azy ireo hihetsika tao amin'ilay...nanao azy hihetsika tahaka an'ireo nosamboriny. Nofatorany tamin'ny Fanahin'Andriamanitra i Paoly, mba hanao azy hamotsotra an'ilay fahefana izay nananany hamatorana an'ireo Kristiana. Hiteny amiko ve hoe tsy mahafantatra an'izay Ataony Andriamanitra? Nesoriny ny heriny mba hahavery ny—ny fihazonany.

<sup>104</sup> Mpitoriteny firy no azon'Andriamanitra ampiasaina izao maraina izao raha hamela an'Andriamanitra hamatotra azy ireo amin'Ny Teniny sy amin'ny Heriny fotsiny izy ireo, ka hamotsotra azy ireo avy amin'ny herin'ireo anaram-piagonana sy rafi-pandaminana ireo! Olona tso-po firy ato amin'ity tanàna ity, izao maraina izao, izay mandeha mankany amin'ireo fiagonana rafi-pandaminana malaza ireo, firy no Azony fenoina ny Fanahy Masina, ka hanao an'ity faritra ity hirehitra amin'ny Filazantsara sy ny hery, raha haka fotsiny izy ireo ka hamotsotra ny tenany avy amin'ny fahefana izay ananan'izy ireo ka ho voafatotry Ny Fanahiny, mba ho tahaka an'i Paoly, andevom-pitiavana an'Andriamanitra iray!

<sup>105</sup> Naka an'i Paoly Andriamanitra ka nanao andevo iray avy aminy, namatotra azy ho an'ny Tenany ka naniraka azy nankany amin'ireo Jentilisa izay nankahalainy. Fa, hitanareo, tsy maintsy navotsotra avy tamin'ny fahefany ara-pivavahany izy, mba ho voafatotra eo amin'ny herin'Andriamanitra. Tsy maintsy nanary ny heriny izy ka lasa nalemy sy tsinontsinona, mba handray ny herin'Andriamanitra, mba ho voafatotra amin'Andriamanitra, hanao an'izay ho tenenin'Andriamanitra aminy hatao.

<sup>106</sup> Izany no tokony ataontsika amin'izao andro izao. Izany no ilaiko. Izany no ilain'ny olona rehetra, dia fanariana ny tenany, fanariana ny fahaizany, fanariana an'izay maha-azy azy, mba hananany fanoloran-tena manontolo ho an'ny Fanahy Masina. Mila an'izany ny mpikarakara tokantrano. Mila an'izany ny mpianatra. Isika dia maka...na dia ireo ankizy kelintsika aza.

<sup>107</sup> Zazalahy kely iray izay eritreretiko, omaly tolakandro na ny afak'omaly, na andro iray, nuditra izy ary nasainy nanoratra ny lesony haingana mihitsy ny anabaviny zokiny indrindra, dia nivoaka ka niteny tamin'ireo zazalahy kely, nanao hoe, "Fioo! Mora ireo laza-olana." Hitanareo, izy ireo dia nampianarina, saiky, hamitaka.

<sup>108</sup> Tsy tsaratsara kokoa ve ny ho... Ary ireo olona ireo dia andry ao amin'ny fiangonana iray. Tsy tsaratsara kokoa ho an'i Dada ve, ny maraina amin'ny fotoan'ny sakafo maraina, ny manao hoe, "Hanana ny fanadinany i John androany. O Andriamanitra, mombà an'i John! Ampio i John! Nangataka tamiko izy tao amin'ny efitra fatoriana izao maraina izao, hoy izy hoe, 'Dada, mivavaha ho ahy androany, tsy maintsy hiatrika ny fanadinako aho. Mivavaha ho ahy.'"

<sup>109</sup> Aleoko ny zanakolahy mahazo ny—ny "F" tsara iray, maotina eo amin'ny karineny, ho voasazy, toy izay aho hahafantatra fa nahazo "A" avy hatrany izy nefá namitaka teo amin'izany. Eny, tompoko! Ny ilaintsika dia ny manary ny tenantsika, miankina manontolo amin'ny herin'Andriamanitra.

<sup>110</sup> Ankehitriny, "voafatotra." Andalovan'Andriamanitra ireo manan-kaja ka alainy ny fahalemena. Andalovan'Andriamanitra ireo izay mihevitra fa zavatra izy ireo, mba hangalana olona iray izay tsy mahafantatra na inona na inona mba hiasa ny Tanjony ao amin'ny fiainan'izy ireo. Izany no azontsika.

<sup>111</sup> Hoy Andriamanitra tamin'i Paoly hoe, "Ny Heriko dia tanteraka ao amin'ny fahalemenao. Ny—ny Heriko dia lasa tanteraka kokoa arakaraky ny mahalasa anao malemy kokoa. Arakaraky ny ahafahanao manolo-tena bebe kokoa ho Ahy no Ahafahako mampiasa anao tsaratsara kokoa. Arakaraky ny ahafahanao manadino bebe kokoa mikasika ny fahaizanao, arakaraky ny ahafahanao manadino bebe kokoa mikasika ny anaram-piangonanao, arakaraky ny ahafahanao manadino bebe kokoa mikasika ny karazan-javatrao ka hanoloranao ny tenanao ho Ahy, no Ahafahako mampiasa anao bebe kokoa. Satria lasa malemy ianao, dia Izaho no—Izaho no hanao ny Tanjoko Manokana hahery."

<sup>112</sup> Afaka manao hery avy amin'ny fahalemena Andriamanitra! Izany no antony Anaovany an'izany isan'andro. Rehefa nifidy an'ireo Mpianany Izy, dia iza no ho nihevitra . . .

<sup>113</sup> Ny fanetre-tenan'Ny Zanany Manokana rehefa teraka tao anatin'ny fihinanam-bilona Izy, tao amin'ny tranom-biby feno zezika, tao amin'ny tranon'ombivavy, ary voarakotra lambanjaza! Hitanareo, afaka tonga tao amin'ny lapa iray Izy. Afaka nidina tamin'ireo lâlantsaran'ny Lanitra Izy, ary ny rehetra . . . fiarahaban'Anjely feno. Fa nifidy Izy mba hanao an'i Kristy ho Ohatra ho antsika, ho antsika, ka nitondra Azy tao amin'ny fanetre-tena Izy.

<sup>114</sup> Tsy nanofana Azy tao amin'ireo sekolin'izao tontolo izao mihitsy Izy, fa nanofana Azy tamin'ny Heriny Manokana Izy, mba...mba Ahafahany nanolotra ny Tenany manontolo, tsy ho an'ireo fisainan'olombelona na ireo herin'izao tontolo izao, fa nanolotra ny Tenany ho an'ny herin'Andriamanitra.

<sup>115</sup> Ary izany isika amin'izao andro izao, manolotra ny tenantsika ao amin'ireo anaram-pianganana malaza sy ireo fanjakana isika amin'izao andro izao. Manolotra ny tenantsika ho an'ny anaram-pianganana isika, izay tsy maintsy ho lazainy, izay lazain'izy ireo mikasika an'izany. Saingy mifanohitra amin'ny sitrapon'Andriamanitra izany. Tokony hanolotra ny tenantsika ho an'ny Fanahin'Andriamanitra isika ka handeha any amin'izay lazain'ny Fanahy handehanana. Marina izany.

<sup>116</sup> Ireo Hebreon'Andriamanitra izay isika, na, ireo miaramilan'Andriamanitra, raha ny marina, "mahery fo." Vao avy namaky tao amin'ny Bokin'ny Hebreo isika, ny toko faha-11 ary ny andininy faha-34.

....avy tamin'ireo fahalemena dia natao mahery,....

<sup>117</sup> Tsy maintsy lasa nalemy izy ireo talohan'ny nahafahan'izy ireo ho lasa mahery. Avy tamin'ny fahalemen'izy ireo no nanaovana azy ireo hahery. Ianareo izay mandray naoty an'ireo Soratra, eo, Hebreo 11:34. Eny àry.

<sup>118</sup> Ity misy zavatra iray hampionona antsika. Ity misy zavatra iray izay mampahery. Avy amin'ny fahalemena sy ny fanetre-tena no ifidianan'Andriamanitra ny olona hanorina Ny Fanjakany. Raha mba tonga any An-danitra isika, raha mba hitsangana ao amin'ny Fanatrehan'Andriamanitra miaraka amin'Ny Fianganany isika, dia hitsangana ao amin'ny andian'olona izay nalemy sy nolavina ary noroahin'izao tontolo izao, sy ireo tsy mahafantatra na inona na inona.

<sup>119</sup> Tsy hafahafa ve fa nampitovy antsika tamin'ny ondry Andriamanitra? Ny ondry no zavatra tsy afa-manoatra indrindra izay misy. Tsy misy na inona na inona tena tsy ampy fiarovana afa-tsy ny ondry. Ny vitro iray dia afaka mandositra; ny vontsira iray dia afaka miditra ao anatin'ny hazo iray; ny alika iray dia afaka manaikitra; ny liona iray dia afaka mandrovitra; ny soavalys iray dia afaka mandaka; ny vorona iray dia afaka manidina; fa ny ondry iray dia mitsangana tsy afa-manoatra.

<sup>120</sup> Ary tahaka an'izany no itiavan'Andriamanitra antsika. Mahafantatra fa tsy ampy tanteraka isika, amin'izay fotoana izay Andriamanitra dia maka an'io olona io ary manomboka mamolavola ny Tenany ao anatin'io olona io; manao ny tânany hanao an'izay tian'Andriamanitra hataon'ny tânana, hanao ny molony hiteny an'izay tian'ny molotr'Andriamanitra tenenina; satria tsy azy izy ireo, an'Andriamanitra izy ireo. Manomboka

manorina toetra Izy, manomboka maka an'io fahalemena io mba hanao Ny Tenany Manokana.

<sup>121</sup> Mitondra antsika eto an-tany Izy, satria avy eo... Mianatra isika, manan-tsaina isika. Efa mba voamarikareo ve ireo laharana, ireo laharan-taranaka? Rehefa raisintsika, ohatra, tahaka an'i Abela, avy tamin'i Abela no tonga i Seta; Nidina avy hatrany ny laharan-taranak'i Seta, nitohy hatrany amin'ny andron'i Noa, tantsaha manetry tena fotsiny izy rehetra ireo. Fa ireo zanak'i Kaina dia lasa manan-tsaina, mahiran-tsaina, nianatra, lehilahy malaza, mpanorina, lehilahy matihanina.

<sup>122</sup> Fa ny lafin'Andriamanitra dia malemy sy manetry tena. Tahaka an'izany no nampiasan'Andriamanitra azy ireo. Izany no fanararaotran'Andriamanitra. Izany no lâlan'Andriamanitra hahatongavana eo amintsika, dia rehefa malemy isika. Mahazo zavatra isika amin'izay fotoana izay. Mampahery izany, mazava ho azy, satria ny Fanjakan'Andriamanitra manontolo dia voaorina avy amin'ireo karazan'olona ireo. Noho izany rehefa tonga eo amin'io karazana fanao iray io ianareo amin'izay fotoana izay ianareo—ianareo dia afaka...ao amin'Ny Fanjakany ianareo.

<sup>123</sup> Ilay zava-misy dia, amintsika, hoe...tsy hoe malemy loatra isika, ilay zava-misy dia mahery loatra isika. Isika dia—isika dia—mahery loatra fotsiny isika. Izay ihany. Ny zavatra amin'ilay izy dia mahery loha loatra isika. Marina izany, mahery loatra isika ao amin'ny lohantsika. Mahafantatra be loatra isika. Te-hanala an'izany avy ao amintsika Andriamanitra. Marina izany. Mahery loatra isika, mahery loatra isika mba hanolotena ho Azy. Isika dia... Isika—manolo-tena ho an'ny tenantsika isika. Isika dia lasa mieritreritra hoe, “Eny, ankehitriny, eto, izaho—manan-tsaina ampy hahafantatra aho!”

<sup>124</sup> Gaga aho alina vitsy lasa izay rehefa narary i mama, tany amin'ny hopitaly. Nandeha aho nankany...Nisy ramatoa kely iray teo amin'ilay varavarana manaraka...Raha eto io ramatoa kely io, dia mamelà ahy ianao, ranabavy. Zazavavy kelin'i Kentucky izy avy any, ary izahay dia...ary rafozam-baviny io. Ary niresaka taminy aho tamin'io alina io, izaho sy ny vadiko, tany teo amin'ny iray ora maraina teo. Ary nandry teo amin'ny gorodona ny vadiny ary nandeha natory; hoy izy hoe, “Mivoaha eto! Tsy tsara ho an'ny mamanao ianao, na ahoana na ahoana.” Dia nandroaka azy, ny vadiny, nivoaka ny efitra, satria nandry nitsivalana teo amin'ny varavarana mihitsy izy mba tsy ahafahan'ireo mpampivelona, na iza na iza hiditra; nierotra fotsiny, teo amin'ny gorodona. Noho izany dia nofohaziny izy ary noroahany nivoaka.

<sup>125</sup> Dia nanomboka niresaka izy teo. Nanomboka niresaka taminy mikasika ny Tompo aho, sy ny sisa. Dia hoy izy hoe, “Eny,” hoy izy, “ny hany fantattro dia angady tendan-gisa

iray ao amin'ny tanim-paraky, aloha be amin'ny maraina iray, manapaka an'ireo ahi-dratsy ary manendaka paraky, sy ny sisa tahaka an'izany." Hoy izy, "Fa, teneniko aminao," hoy izy, "papa dia nandefa anay, ny tsirairay avy, nankany an-tsekoly." Ary hoy izy, "Mbola tsy manan-tsaina foana izahay."

Nieritreritra aho hoe, "Eny, angamba izany ilay antony."

<sup>126</sup> Hitanareo, ianareo—tsy maintsy manala an'ireo zavatr'izao tontolo izao hiala aminareo ianareo. Ankehitriny, tsy manohana ny tsy fahaizana aho, tsy—tsy izany, fa miezaka aho ny mieritreritra fa rehefa tonga eo amin'ny toerana iray izay neverinareo fa ianareo fotsiny—mahafantatra tena betsaka fotsiny ianareo hany ka tsy misy olon-kafa mahafantatra na inona na inona mikasika an'ilay izy. Mety tsara ny fahalalanareo raha mbola tsy—raha mbola tsy manelingelina an'ireo teny fikasan'Andriamanitra foana izany.

<sup>127</sup> Fehezin'ny taovam-panamboloana dimy isika, ary ireo taovam-panamboloana dimy ireo (mahita, manandrana, mahatsapa, manimbolo, ary mandre) dia tena tsara raha tsy mampiato ny taovam-panamboloan'ny Finoana izy ireo. Noho izany rehefa tonga manohitra ny Finoana izy ireo... Ary ahoana no ahafantaranareo hoe iza no marina? Satria hifanaraka amin'ny Teny foana ny Finoana. Ary noho izany raha—raha mifanohitra amin'ny Teny ny finoanareo, na mihevitra ianareo fa mifanohitra izany, amin'izay fotoana izay dia tsy manana Finoana ianareo. Manana mody-finoana ianareo. Manana fihamboana iray ianareo ao amin'ireo taovam-panamboloanareo, ny amin'ny fahaizana iray izay nianaranareo, na zavatra iray. Fa rehefa manalavitra an'izany ianareo ka miankina manontolo amin'ny Finoana, ary eo amin'ny Tenin'Andriamanitra irery ihany no ahafahan'ny Finoana hiorina (Finoana marina).

<sup>128</sup> Nilaza tamiko ny dokotera iray indray mandeha, nanao hoe, "Mino aho, Billy, fa raha ireo olona ireo... raha hiteny amin'izy ireo ianao mba handeha etsy ka hikasika an'io andry io, io hazo io, ka mino izy ireo fa ho salama, dia ho salama izy ireo na ahoana na ahoana."

<sup>129</sup> Hoy aho hoe, "Tsia, tompoko. Tsy mety izany, dokotera, noho ity zavatra anankiray ity, hitanao, ireo olona ireo dia mahafantatra fa andry iray fotsiny io. Fantatr'izy ireo fa tsy misy hery na tanjaka ao anatin'io andry io."

<sup>130</sup> Fa ny olona rehetra izay mahay mandanjalanja ara-tsaina dia hahafantatra fa izany no Tenin'Andriamanitra velona, ka afaka manao fotra ny finoako eo ambonin'izany aho ary mahafantatra fa Izany no HOY NY TOMPO HOE! Ary raha misy zavatra izay mifanohitra amin'Izany, amin'izay fotoana izay dia tsy mino an'ireo taovam-panamboloako aho. Tsia, tompoko, avelao hipetraka tsara fotsiny izany. Mandehana

amin'ny alàlan'ny fanamboloanareo hafa, ny fanamboloan'ny Finoana.

<sup>131</sup> Eny àry, maka an'ireo olona ireo Andriamanitra mba hanao... Rehefa tsinontsinona izy ireo, dia hanolo-tena ho Azy.

<sup>132</sup> D. L. Moody avy any Chicago, avy tany Boston izy, mpanao kiraro iray izy; lehilahy kely, bitika iray, tsy ampy, tsy niankina tamin'ny tenany. Ankehitriny, raiso ireo sekoly malaza izay ananan'izy ireo, ilay Moody School any, raha afaka nitsangana indray i Dwight Moody ka mahita an'io sekoly io, ny zavatra voalohany ho nataon'i Dwight Moody dia ny hanala an'io sekoly io.

<sup>133</sup> Raha afaka nitsangana i Martin Luther, ny zavatra voalohany ho nataony dia ny manala an'ilay rafi-pandaminana Loterana. Hanao an'ilay zavatra iray ihany i John Wesley. Tsy nanorina an'ireo rafi-pandaminana ireo mihitsy ireo lehilahy ireo, ireo lehilahy izay nanaraka azy ireo, no nanao an'izany.

<sup>134</sup> Tsy nandrafitra fiangonana mihitsy i Paoly, satria hoy izy, ny tenany, "Aorian'ny fandehanako, dia hitsangana eo anivonareo ireo lehilahy avy amin'ny olonareo manokana, hiteny zavatra tsy marina." Taorian'ny nahafatesan'i Paoly, ary zato (na roa) taona taorian'izany, no nanorenan'izy ireo ny fiangonana Katolika, ilay rafi-pandaminana voalohany.

<sup>135</sup> Nitsangana ireo lehilahy! Taorian'ny fahafatesan'i Moody no nanaovan'izy ireo ny Moody School; taorian'ny fahafatesan'i Wesley no nanorenan'izy ireo ny fiangonan'i Wesley; taorian'ny fahafatesan'i Luther no nanorenan'izy ireo ny fiangonan'i Luther. Mandefa mahery fo Andriamanitra; fa izy ireo manorina...

<sup>136</sup> Tsy mahagaga raha hoy Jesosy hoe, "Ianareo—ianareo rindrina nofotsiana!" Hoy Izy hoe, "Ianareo—mandravaka ny fasan'ireo mpaminany ianareo, nefá ianareo no hany nametraka azy ireo tao!" Marina izany.

<sup>137</sup> Mitsangana ireo lehilahy malaza ireo; avy eo izy ireo dia manorina tsangambato iray ho azy ireo. Heveriko, tahaka an'i Davida mihitsy, "Nanompo an'Andriamanitra tsara tao amin'ny taranany manokana." Koa tahaka an'izany no anaovana azy. Avelao ireo rafi-pandaminana sy ny sisa eo ireo, ka, esory lavitra anareo.

<sup>138</sup> Moody, mpanao kiraro antitra kely, nalemy izy. Ohatra iray an'ny fahalemena izy. Ny zavatra voalohany voalaza dia hoe Moody dia... Tsy nanana fianarana mihitsy izy, ary tena mahantra ny gramerany ka nahatsiravina izany. Nanatona azy ny lehilahy iray indray mandeha ka nanao hoe, "Atoa. Moody," hoy izy, "ny grameranao no mahantra indrindra izay hany reko teo amin'ny fainako."

<sup>139</sup> Hoy izy hoe, “Mahazo fanahy amin’ny tsy fahaizako aho, inona no ataonao amin’ny fianaranao?” Heveriko fa valiny tsara iray izany. Azo antoka fa izany!

<sup>140</sup> Ary ankehitriny, raha lasa mambra iray an’io Sekoly io ianareo, dia tsy maintsy ho mpianatra mamiratra iray marina tokoa. Marina izany. [Hoy ny rahalahy iray hoe, “Namadika an’ilay izy fotsiny!”—Mpand.] Ankehitriny, hia, izy ireo “no namadika an’ilay izy” marina izany, mandeha miverina any amin’ilay lèlana hafa mihitsy.

<sup>141</sup> Izany no ataon’ny olona. rehefa nilaza aho tamin’ny fiandohan’ny hafatroy... Raha tokony ho Kristiana manetry ny tenany sy manaoana ny tenany mba hahitana efitra bebe kokoa ho an’Andriamanitra, dia miezaka manandratra ny tenany ao amin’ny fahalalana natao an-trano izy ireo, na fahalalan’ny sekoly ara-teknika iray, na zavatra iray, izay mitarika azy ireny miala amin’Andriamanitra lavitra kokoa noho izay naha-izy azy fony izy ireo nanomboka.

<sup>142</sup> Izany no iheverako an’ireo antso eny amin’ny alitara artifisialey ireo. Mitondra azy miditra ianareo, ary amin’ny manaraka dia saroatra impolo lavitra ny mitondra azy miverina indray. Avelao izy hipetraka sy hihaino mandrapanaon’Andriamanitra zavatra ho azy! Ary avy eo dia avelao izy ho avy ka hiaiky an’izany, sy hitsangana, miantso ny Anaran’ny Tompo. Marina izany.

<sup>143</sup> Mariho i Moody, malemy amin’ny fianarana, malemy amin’ny fiteny, mikentsona amin’ny orony izy. Vao avy namaky ny tantarany mihitsy aho indray andro hoe, “Mikentsona amin’ny orony izy, aretin’rona.” Lehilahy kely ara-batana, sola, ny volombava mihantona midina amin’ny...?...; lehilahy kely, bitika iray, fohy. Ara-batana, dia fahasimbàna iray arabatana izy. Noho izany dia tsy nanana afa-tsy fahalemena tsy ankitsahatra izy. Saingy Andriamanitra no nampiasa azy mba hanozongozona an’izao vontolo izao tamin’ny androny!

<sup>144</sup> Indray mandeha dia nisy mpanao gazety iray nandeha tao amin’ny favoriany (Namaky aho), ary ireo mpanao gazety, mba hanao tatitra iray mikasika ny hoe karazana lehilahy inona io (lehilahy iray malaza, olona iray malaza).

<sup>145</sup> Aiza ilay fanapihana kely izay hamonoanareo an’ireo horonam-peo? Ity ve? Tsy maintsy hihazona an’izany fotsiny aho eo.

<sup>146</sup> Le-lehilahy malaza iray, izany i Moody. Lehilahy iray mahafinaritra izy. Ary noho izany dia afaka nahasintona ny fifantohan’ny olona izy, nihazona azy ireo ho variana. Noho izany dia nisy mpanao gazety iray nanatona an’Atoa. Moody ka nilaza... nandeha nankao amin’ilay favoriana mba hanao tatitra mikasika ny hoe karazana rafitra lehibe inona... .

<sup>147</sup> Tahaka an'ilay mpanao gazety izay nandeha mihitsy ka nanao tatitra mikasika ny evanjelista malaza iray hafa, vao haingana, nanao hoe, "Mahay mandaha-teny io lehilahy io. Izy dia Dokotera ny momba an'Andriamanitra. Mampiasa ny gramera tsara indrindra izay hany reko izy. Mihazona ny olona ao amin'ny psykolojiany izy. Afaka mihazona ny olona ho variana izy."

<sup>148</sup> "Dwight Moody," rehefa nandeha ilay mpanao gazety, dia nanao hoe, "Tsy hitako hoe inona no ao aminy izay mahasarika ny olona." Hoy izy, "Ny zavatra voalohany, dia ratsy tarehy arak'izay maha-izy azy izy. Ny zavatra manaraka, dia fahasimbàna ara-batana iray izy. Ny zavatra manaraka" hoy izy "izy dia, tsy manana fianarana izy. Ny gramerany no mahantara indrindra izay hany reko!" Dia hoy izy, "Tratry ny kentsona sy misiotsioka izy rehefa mitory teny" Dia hoy izy, "Tsy mahita na inona na inona ao amin'i Dwight Moody aho izayahasintona ny fifantohan'ny olona."

<sup>149</sup> Nentina teo amin'Atoa. Moody ilay lahatsoratra. Novakiany ilay izy, somary nikimokimoka irery, nanao hoe, "Tsia tokoa; ilay izy dia Andriamanitra. Azo antoka! Tsy tonga hijery an'i Dwight Moody ny olona, tonga hijery an'Andriamanitra izy ireo."

<sup>150</sup> Ny olona tsy miraharaha na impiry ianareo no mijoro vavolombelona, mila zava-misy iray izy ireo eo amin'ny fiainanareo izay manaporofa fa Andriamanitra no nihazona anareo. Na Metodista ianareo, Batista, Pentekotista, na mety ho inona ianareo, te-hahita an'Andriamanitra izy ireo. Marina izany, lehilahin'ny . . . lehilahy malaza, lehilahy izay malemy ka mahalala ny fahalemeny.

<sup>151</sup> Jereo i Mosesy, ilay lehilahy tanora mahay. Oh, manam-pahaizana iray izy. Tena nofanina tao amin'ny fahendren'ireo Egyptiana izy hany ka afaka nampianatra an'ireo Hebreo. Afaka nampianatra an'ireo Egyptiana izy. Afaka nampianatra ny olona rehetra izy, satria lehilahy malaza iray i Mosesy, olona manantsaina. Oh, lehilahy mahery izy.

<sup>152</sup> Ao amin'ny fiheveran'i Cecil DeMille an'izany, rehefa—rehefa nandefaa an'ilay *Ireo Didy Folo* izy, ka nanao an'io lehilahy io ho tonga izay . . . Adinoko ny anaran'ilay lehilahy izay nilalao ny anjaran'i Mosesy tany, mpilalao anankiray, saingy lehilahy goavana be iray miaraka amin'ny sandry sy hery lehibe. Ary karazan'io lehilahy io angamba i Mosesy.

<sup>153</sup> Fantany fa natanjaka izy ary tsara hofana, noho izany dia nandray ny tenany izy, nahita ny ilain'ilay andro. (Oh, enga anie Andriamanitra hamela an'izany hilentika lalina!) Nahita ny ilain'ilay andro, Mosesy niaraka tamin'ireo heriny sy fahaizany izay tsy maintsy nanaovany an'izany . . . Lehilahy manan-tsaina iray izy. Izy no Farao manaraka. Nanana psykolojia izy. Izy nanana—nanana hery izy. Nanana hery

ara-batana izy. Izy nanana—nanana ny zavatra rehetra izy. Noho izany dia hoy izy hoe, "Ampy fitaovana tsara aho. Fantatro ny rehetra amin'izany. Ary raha misy lehilahy iray eto amin'ny firenena mahay manao an'izany, dia izaho. Noho izany, izaho ilay lehilahin'ny ora noho izany dia hivoaka aho." Dia nivoaka izy mba hanatanteraka asa iray izay marina sy tao amin'ny sitrapon'Andriamanitra, ka nanolotra ny fahaizany ara-boajanahary izy. Fa nolavin'Andriamanitra izany! Tsy afaka nampiasa zavatra anankiray izay nananan'i Mosesy Izy.

<sup>154</sup> Tsy afaka nampiasa an'izany Izy tamin'izany, na Izy... tsy afaka mampiasa an'izany koa Izy ankehitriny. Tsy afaka mampiasa ny fahaizantsika ara-boajanahary Andriamanitra. Tsy maintsy manala ny tenantsika sy ireo fahaizantsika amin'ilay lèlana isika, ka manolo-tena ho an'ny sitrapo sy ny herin'Andriamanitra.

<sup>155</sup> Hoy ianareo, "Eny, rahalahy, afaka mitory teny aho." Tsy afaka mampiasa an'izany Izy raha mbola *ianareo* foana no afaka mitory teny. "Mety tsara daholo izany, izaho afaka manao an'ity, izaho afaka manao an'itsy." Tsy afaka manao na inona na inona ianareo. Eny, noho izany dia tsy afaka mampiasa an'izany Andriamanitra. Fa raha manolotra ny tenanareo ho an'Andriamanitra ianareo ka mamela Azy hanao an'ilay izy!

<sup>156</sup> Hoy ianareo hoe, "Eny, Rahalahy Branham, fantattro. Mpampianatra iray aho." Eny, raha mbola *ianareo no* ilay mpampianatra, nahoana, dia tsy ho lasa tena lavitra Izy. Fa ny Fanahy Masina no Mpampianatra antsika. Azo antoka, Izy izany! Nandefa ny Fanahy Masina Andriamanitra mba ho Mpitaiza an'ilay Fianganana.

<sup>157</sup> Mandeha any am-pianarana ny olona sasany mandritry ny taona sy taona ary taona. Inona no ataon'izy ireo? Mamaky an'ireo lahatsoratra an'ilay hoe Efitra Ambony, ary noho izany (oh, tsara izany) maka an'ilay lesон'ny sekoly Alahadim-Pirenena ianareo. Tsy manana na inona na inona manohitra an'izany aho. Tenin'Andriamanitra izany, sy ny sisa, saingy niara-napetraka tamin'ireo manam-pahaizana izany! Ilay izy dia tokony ho tonga amin'ny alàlan'ny hery sy ny fitsanganan'i Kristy, ka tsy afaka hiankina amin'ireo fahaizanareo ara-boajanahary ianareo.

<sup>158</sup> Noho izany, Mosesy, ity lehilahy tanora, olombe tsara tarehy matanjaka, mahay ity, nikasa hanao asa tsara iray izy; saingy Andriamanitra fotsiny, dia tsy afaka nampiasa an'izany tanteraka. Tsy afaka nampiasa an'ireo fahaizany ara-boajanahary Izy.

<sup>159</sup> Ary isika dia tsy afaka... Tsy izany ilay izy amin'izao andro izao, hoe isika dia tsy afaka... Tsy afaka mampiasa an'ireo fahaizantsika ara-boajanahary Andriamanitra.

<sup>160</sup> Fa misy zavatra anankiray nananan'i Mosesy izay ankasisitrahako, nanana saina tsara ampy izy hahafantarana fa tsy nahomby izy. Isika tsy manana. Izay ihany. "Hanao anaram-piangonana iray *vaovao* isika. Haka olon-kafa iray miaraka amin'ny fanomezam-pahasooavan'ny fanasitranana isika, na zavatra iray," ireo Pentekotista, hitanareo. Hitanareo? Isika—tsy mahafantatra betsaka fotsiny isika hahalalana fa tsy mahomby isika. Ny fiangonana Pentekotista, ny Assemblées de Dieu, ny Mitambatra, ny sisa amin'izy ireo, toy ny hoe tsy manana fahaizana izy ireo hahafantarana fa tsy mahomby izy ireo. Haleloia! Oh, maniry aho ny ahafahako manao an'izany hiraikitra. Tsy mahomby izy ireo. Tsy mahomby ny rafi-pandaminan'ny fiangonana! Tsy mahomby tahaka an'ity Etazonia ity mihitsy, mangovitra sy matahotra, ary ireo baomba dia mihantona any ho azy ireo, fantatr'izy ireo fa nandihy izy ireo nefo nanao vavahady ho an'ny fiainany nankany amin'ny helo. Ary tsy mahomby izy ireo, nivoaka niala tao amin'izy ireo ny Fanahy. Tsy maintsy manatsikafona ambony sy ambany ianareo vao mahita lehilahy tanora halefa any amin'ny tafika; hitan'izy ireo izany nitranga tamin'ilay anankiray hafa. Tsy mahomby isika! Tsy mahomby ny fiangonana. Fantatr'izy ireo izany.

<sup>161</sup> Nahalala an'izany i Mosesy, noho izany dia nahafantatra betsaka izy arak'izany... Nentin'Andriamanitra niverina tany aoriana izy, tany an-efitra, mba hampianatra azy an'ireo fahalemen'olombelona vitsivitsy. Nentiny niverina izy mba hampianatra azy ny mikasika an'izany rehetra izany. Noho izany dia nianatra tsara izy! Oh, oadray, nahazo lesona iray mihitsy izy! Tsy maintsy nanana fotoana iray niaraka taminy Andriamanitra tany! Fantatrareo, nanana fahatezerana iray i Mosesy; ary nanome vady azy Andriamanitra tamin'ny anarana hoe Zipora, izy dia nanana anankiray, ihany koa. Noho izany dia heveriko fa tsy tena nahafinaritra ny zavatra rehetra tao ambadiky ny tany efitra tao nandritry ny fotoana fohy, rehefa samy tsy voafehy ny fahatezeran'izy roa tamin'ny fotoana iray ihany.

<sup>162</sup> Heveriko fa tsy nahavita soa be loatra ny fiheverany aratsaina ny amin'ny hoe ahoana no hifehezan'ny psykolojia olona iray, satria, rehefa teny amin'ny lalany nankany Egypta izy, dia hitako fa mbola nanana fahatezerana iray foana i Zipora. Notapahiny ilay hoditra mihoatra an'ny zananilahy ka natsipiny teo anoloan'i Mosesy, nanao hoe, "Vady tamin'ny fandatsaha-drà ianao ho ahy."

<sup>163</sup> Ary tena tezitra taminy Andriamanitra ka Izy... nitady azy tao amin'ny tronom-bahiny, raha afaka nahita azy Izy dia ho namono azy Izy. Heveriko fa nisy zavatra kely izay tsy maintsy nampianarin'Andriamanitra azy tao ambadika tao, hitanareo, hoe olombelona iray izy. Ny fahendreny rehetra an'i

Egypta sy ireo herin'ny fahaizany rehetra, tsy afaka nampiasa ny anankiray tamin'izy ireo Andriamanitra.

<sup>164</sup> Tonga ianareo, manao hoe, “Ankehitriny, Tompo, efa nampianarina nandrity ny efapolo taona aho ankehitriny, izaho dia—mpianatra mahay iray aho. Afaka manonona an’ity Baiboly ity amin’ny maso mikimpy aho.” Tsy afaka mampiasa an’izany Andriamanitra na kely aza. Hitanareo? Tsia!

<sup>165</sup> “Oh, mikambana amin’ilay fiangonana goavana indrindra izay misy eto amin’ny faritra aho. Izaho—Izaho no... Izaho dia *ity*, Tompo. Oh, Pentekotista iray aho. Izaho... Voninahitra ho an’Andriamanitra! Vao avy nandray ny Fanahy Masina aho indray hariva. Haleloia! Ianao no hanao ahy hanao an’*izao-sy-izao*.” Tsy afaka mampiasa an’izany Andriamanitra na kely aza. Tsia!

<sup>166</sup> Na oviana na oviana ianareo no tsy mahomby ka mahafantatra hoe tsy mahomby ianareo, dia miverena amin’izay fotoana izay ka aetreho ny tenanareo. Aoka ho malemy, aoka hahita fa olombelona ianareo. Ary tsy misy iray amin’ny mahainareo afaka manao mba... Tsy hampiasain’Andriamanitra mihitsy ny fahalemen’olombelona; amin’ny alàlan’ny fahalemen’olombelona no androtsahan’Andriamanitra ny Tenany ao anatinareo, avy eo dia mampiasa ny Tenany Izzy. Lasa fitaovana iray fotsiny ianareo. Izany tokoa! Tsy maintsy manala ny tenanareo amin’ilay lâlana ianareo.

<sup>167</sup> Mosesy, oh, nianatra izy, nianatra ny fahalemen’olombelona tena tsara izy. Tena nianatra tsara an’izany izy, hany ka, rehefa niantso azy Andriamanitra, dia nanana fahalemena fito izy izay azony niadiana hevitra nanohitra ny antson’Andriamanitra. Efa mba nianaranareo ve ao amin’ny ampahany voalohan’ny Eksodosy, ireo fahalemena fito? Izaho—manana azy ireo voasoratra aho eto. Tiako ianareo hihaino azy ireo. Ny fahalemena voalohany nananany dia ny tsy fahampian’ny hafatra iray. Ny fahalemena faharoa izay nananany dia ny tsy fahampian’ny fahefana. Ny fahalemena fahatelo izay nananany dia ny tsy fahampian’ny fahaiza-miteny. Ny fahefatra dia ny fahafaha-manao. Ny anankiray fahadimy dia ny fahombiazana. Ary ny anankiray fahenina dia ny fanekena.

<sup>168</sup> Ankehitriny, ampitahao amin’ny azy ny anareo dia jereo raha afaka mitovy amin’izany ianareo, jereo raha afaka ho malemy tahaka azy ianareo. “Tompo, izaho—tsy tsara aho. Tsy mahay miteny aho. Izaho—izaho—namono Egyptiana iray aho. Tsy afaka hiverina aho. Oh, ny zavatra rehetra! Tsy handray ahy izy ireo. Tsy manana hafatra aho. Izaho dia... tsy mahay miteny aho. Ary izaho dia—miadam-piteny aho.” Dia hitanareo ve hoe ahoana izy? Tsinontsinona izy! Rahalahy, notsaboina izy. Hia,

afaka nampiasa azy Andriamanitra avy eo rehefa avy notsaboina izy. Hitanareo? Hia.

<sup>169</sup> Izany dia... Afaka mampiasa antsika Izy rehefa notsaboina isika, mba hahita fa “Ny Ph.D.-ko sy LL.D. ary ny L. roa D.” na mety ho inona ilay izy, “ireo diplomaoko rehetra dia tsinontsinona.” Tsy afaka mampiasa azy ireo Andriamanitra!

<sup>170</sup> “Eny, Assemblée de Dieu aho. An’ny Tokana aho. Batista aho. Presbyterana aho.” Tsy afaka mampiasa an’izany Andriamanitra na kely aza! Arakaraky ny ialanareo lavitra an’izany, eny, no mahatsaratsara kokoa anareo—ianareo dia—hanoloranareo ny tenanareo ho an’Andriamanitra.

<sup>171</sup> Tahaka an’ilay mpaminany, nanao hoe, “Lehilahy maloto molotra aho, ary eo anivon’ny olona maloto.” Dia nandeha ilay Anjely ka naka ta—tandra iray, sy nandeha nankeo amin’ny alitara ka naka vain’afy iray ary nikasika ny molony. Avy eo dia niantsoantso izy hoe, “Tompo, inty aho; iraho aho.” Hia, rehefa avy nahafantatra izy fa izy... Na dia mpaminany iray aza, dia nanana molotra maloto izy.

<sup>172</sup> Vantany vao afaka mahafantatra isika fa isika dia—isika dia tsinontsinona, hoe tsinontsinona ianareo, vovoky ny tany ianareo... Tsy afaka mampiasa anareo Andriamanitra... Eny, ny fahatsa... Tsy hitovy amin’ny an’i Mosesy ny fahalemenareo. Nanana fahalemena enina samihafa izy eto, ary nianatra an’ireo fahalemen’olombelona izy.

<sup>173</sup> Ankehitriny dia jereo ilay fahasamihafana eo amin’*ilay* Mosesy nihaona tamin’Andriamanitra, sy *Mosesy* njery teo amin’ny...?...tahaka an’izao andro izao. Nanao hoe, “Hono ho’aho, isika dia mila an’izao-sy-izao! Isika dia mila fifohazana iray ato amin’ny firenena. Hoteneniko aminao izay hataoko, hiverina aho ka hianatra mandra-pahazoako ny Bakaloreako an’ny Literatiora. Ah-hah! Hiverina aho ka hianatra mandra-pahafahako ho voatendry ho LL.D. Hianatra literatiora aho. Hanao an’izany rehetra izany aho, avy eo dia hivoaka aho ka ho ‘ilay lehilahin’ny ora.’ Hotsindriako ireo zalahy rehetra izay nanomboka eto ireo.” (Oh, rahalahy!) “Hividy tranobe iray telo tapitrisa dolara ho ahy aho. Hividy cadillacs roa ambin’ny folo ho ahy aho. Ary...” Oh, rahalahy! Mety aminareo—mety aminareo tsara ny tsy manomboka, satria tsy mahomby ianareo eo ampanombohana, hitanareo. Fa ny olana amin’ilay izy dia tsy fantatr’izy ireo izany!

<sup>174</sup> Mihevitra izy ireo fa tsy maintsy manana volo olioly ianareo sy manao palitao sy pataloaha tuxedo ary manao hoe “ah-man” tena tsara tarehy, sy ny rehetra tahaka an’izany, ary ho andriana iray. Saribakolim-behivavy izany!

Andriamanitra mila lehilahy, lehilahy masina, lehilahy izay afaka hanozongozona!

<sup>175</sup> Fa amin'izao andro izao dia mila Hollywood isika. Mila zavatra iray isika izay—izay mahafinaritra ny maso. Mila zavatra iray isika izay afaka miteny tena ara-pahaizana mihitsy ka afaka mamela antsika hatory mandritry ny dimy minitra raha mbola izy...ny Alahady maraina.

<sup>176</sup> Mila mpanasaraka Andriamanitra izay handefa azy tahaka ny fidedadedan'ny tselatra iray, manameloka ny fahotana hatrany amin'ny fakany, (marina izany) mamoaka an'izany.

<sup>177</sup> Saingy isika dia...Mila ny pasiterantsika mahay isika. Ny ankamaroan'ny olona dia mila pasitera iray mibitsibitsika, olona iray manao hoe, "Eny, malala."

Andriamanitra mila kotro-baratra! Eny, tompoko.

<sup>178</sup> Mikapokapoka azy ireo ao amin'ny lamosina, sy ireo volo tapaka sy manao lokon-tarehy, sy ny zavatra hafa rehetra, ary manao akanjo izay nandrotsahana azy tao, ary ny rehetra tahaka an'izany, nefo tsy milaza teny iray mikasika an'izany.

<sup>179</sup> Niantso ahy ny lehilahy malaza iray nankao amin'ny biraony teto, (tsy biraony) ny birao fandalovany, teto vao tsy ela akory izay, nanao hoe, "Te-hametra-tànana eo aminao aho mba hanajanonanao an'izany!"

Hoy aho hoe, "Aza manao an'izany ianao. Aza manao an'izany ianao. Tsia, tompoko."

<sup>180</sup> Raha manajanona an'izany ianareo, dia manajanona ny Hafatra. Manajanona an'Andriamanitra ianareo rehefa manao an'izany. Eny, tompoko. Tsy mila ny iray amin'izany isika.

<sup>181</sup> Nahatsapa nalahelo an'i Mosesy ve Andriamanitra tamin'ireo fahalemeny rehetra, nanao hoe, "Mosesy kely mampalahelo, zavatra—azo antoka fa nisy zavatra iray nitranga taminao, mahatsapa ho nahintsan'ny diploma manao ianao. Oh, oadray! Indro, hia, lehilahy malaza iray ianao, mahay iray, ary tsy nisy na inona na inona nampijanona anao. Rahalahy, nanana ny Ph.D.-nao rehetra ianao sy ny LL.D., ary ny zavatra hafa rehetra, nefo ankehitriny dia indro tonga ianao miaiky fa tsinontsinona ianao, tsy afaka manao zavatra iray ianao. Ianao dia—tena malemy fotsiny ianao"? Tsia! Tsy nalahelo azy Andriamanitra. Tsy nanana fitserana azy mihitsy Andriamanitra. Nitsabo azy tamin'io karazan-javatra rehetra io Andriamanitra tamin'izany. Tsy nalahelo azy Izy.

<sup>182</sup> Fa mahita isika, raha mandray naoty an'izany ianareo, Eksodosy 4:14 hoe, "Nirehitra taminy ny fahatezeran'Andriamanitra." Tsy nalahelo azy Andriamanitra satria nalemy izy.

<sup>183</sup> Hoy ianareo hoe, "O Tompo, mahatsapa ho tena ratsy mihitsy aho, tsy mino aho fa afaka hanao an'ilay izy." Tsy mahatsapa malahelo anareo Andriamanitra; mahatsapa handaka anareo kely fotsiny eo. Hitanareo? Hitanareo? Azo

antoka. Tsy mahatsapa malahelo anareo Andriamanitra; Izy-lasa tezitra aminareo Izy. Miditra ao amin'ny toerana izay Ahafahany mampiasa anareo fotsiny ianareo amin'izay fotoana izay. Hia.

<sup>184</sup> Mosesy rehefa avy notsaboina, dia afaka nampiasa azy Andriamanitra. Nahazo fitsaboana izy, niala lavitra an'ireo fahaizan'olombelona izy tamin'izay fotoana izay. Tsy nanana na inona na inona azony niankinana izy arak'izany, satria izy-vonona ho an'ny asa izy tamin'izay fotoana izay.

<sup>185</sup> Hoy Andriamanitra hoe, “Efapolo taona teto no Nanaovako anao sy Zipora hifamaly sy hikorontana tato amin’ity an-efitra eto ity, na afaka hahita ianao fa misy ny fahalemen’olombelona na tsia, nefo tany ianao dia nitsangana ho toy ny andriana goavana iray, ‘Akory, Dokotera Mosesy. Manao ahoana, Revera, Ramose. Eny, tompoke. Mosesy, ianao no andriana ho avy. Ny rehetra... Mieritreritra anao izahay rehetra.’ Ankehitriny ianao dia ato amin’ny tany efitra eto miaraka amin’ny andian’ondry sy vady iray mora tezitra.” Hitanareo? Izany no nanamboatra azy. Eny, tompoke. Tao amin’ny toerana iray mahatsiravina i Mosesy, saingy hoy Izy hoe, “Ankehitriny dia afaka mampiasa anao Aho, rehefa fantatralo fa tsinontsinona ianao. Ankehitriny dia manatona eto akaikin’io roimemy mirehitra io, te-haniraka anao hidina any Aho.” Oh, oadray!

<sup>186</sup> Andriamanitra, omeo betsaka an’io karazana io izahay, omeo olo-malemy betsaka izahay. Izany no ilainay, olo-malemy betsaka. Azo antoka!

<sup>187</sup> Nisy an’i Jakoba, fantatrareo. Nihevitra i Jakoba fa zalahy malaza iray izy indray mandeha, fantatrareo, afaka namitaka fotsiny izy ary nilamindamina tamin’ny zavatra rehetra. Nandeha ary nametraka tsorakazo pôpôla tao ambanin’ny ondry sy ny biby fiompin’ny rafozan-dahiny rehefa bevhokha izy ireo, ka namadika azy ireny ho ondry maramara, ary natsipiny tahaka an’izany rehefa tonga teo amin’ny rano izy ireo mba hisotro. Ary, ny zavatra voalohany fantatrareo, lasa lehilahy malaza iray i Jakoba. Azo antoka. Izy dia... “Izy dia nantsoina marina tokoa hoe Jakoba, tsy nisy fahadisoana,” hoy i Esao hoe, “izy dia ‘mpamingana’ tsara mihitsy.” Noho izany dia mpamitaka iray izy. Lasa nihatsara izy, nahazo, nanana andiam-biby sy vady sy ondry sy biby fiompy ary omby, sy—sy ny zavatra rehetra, nanana ny zavatra rehetra izy.

<sup>188</sup> Fa indray alina (oh, oadray!) rehefa tonga teo amin’ny renirano kely iray izy indray mandeha, saika hiampita, dia tonga teo amin’ny toerana iray izy izay nihazonan’ny Anjely iray azy. Rahalahy, nihazona nandritry ny alina manontolo i Jakoba antitra. Azony antoka fa nihazona ela be izy. Fa rehefa nanolotra ny tenany izy, rehefa lasa nalemy izy ka tsy afaka nihazona intsony...

<sup>189</sup> O Andriamanitra, aoka ho lasa tahaka an'izany ny fiangonana, tonga eo...tonga eo amin'ny toerana iray ny fiangonana izay tsy ahafahany mihazona intsony miaraka amin'ireo fahaizany ara-boajanahary, fa tsy maintsy manolotena ho an'Andriamanitra. Aoka ny Metodista ho menatra ny tenany hoe Metodista izy ireo. Aoka ireo Batista ary aoka ny Pentekotista ho menatra ny tenany, ka hijanona tsy hihazona, ary hanolo-tena ho an'ny Fanahy.

<sup>190</sup> Tamin'izay Jakoba vao lasa "andriana iray an'Andriamanitra." Ny Baiboly no nilaza fa izy dia lasa "andriana iray," ka novaina ny anarany. Hitanareo? Ary—ary, tsarovy, lehilahy mahery malaza iray izy teo amin'ity ilany ity, mahery ara-pahaizana; fa teo amin'ilay ilany *hafa* dia andriana mandringa iray izy, malemy sy trotraka, saingy nanana hery izy teo anatrehan'Andriamanitra.

<sup>191</sup> Hia, ianareo mety...Mety ho rava potipotika ny rafipandaminanareo. Ny lazanareo ao amin'ny fiaraha-monina, ianareo dia mety ho "goaika iray amin'ny fanao fahiny" manomboka eo, ao amin'ny fiaraha-monina. Mety ho marina izany. Fa hoteneniko aminareo, hanana hery ianareo miaraka amin'Andriamanitra. Aleoko ho tahaka an'izany. Haka an'izany lâlana izany amin'ny fotoana rehetra aho.

<sup>192</sup> Niverina ireo mpianatra ka nifaly satria sambatra izy ireo fa nisaina ho mendrika ny hitondra ny latsa ny amin'ilay Antony sy ny amin'i Jesosy. Azo antoka! Izy ireo dia hiantso anareo hoe "holy-roller."

<sup>193</sup> Mialà amin'io toerana io indray mandeha, avelao ho tapaka izany. Mialà amin'ny anareo hoe, "Eny, hono ho'aho, Metodista aho," na "Presbyterana" na "Assemblées aho," "an'ny Tokana aho, tsara mihitsy tahaka anareo aho." Eny àry. Mialà amin'izany indray mandeha fotsiny, mamoiza. Esory ny rehetra...

<sup>194</sup> Avelao hihazona anareo indray mandeha ilay anjely, ilay anjelin'ny Tempo izay hitondra aminareo ny Fahamarinan'ny Hafatra. Avelao izy hihazona anareo indray mandeha, dia hanetry tena avy hatrany ianareo hatrany amin'ny batisa amin'ny Anaran'i Jesosy, hanetry tena avy hatrany ianareo hatrany amin'ny sisa rehetra amin'Izany. Eny, hanetry tena ianareo, azo antoka fa hataonareo izany. Hia, ianareo dia—hanadino an'ireo mahay rehetra ireo fotsiny ianareo.

<sup>195</sup> Andro vitsy lasa izay, anankiray amin'ireo sakaiza malemy fanahy indrindra izay ananako, olona iray mahafinaritra, no nilaza tamiko, niala tao amin'ilay efitra rehefa avy teo amin'ny fifampiresahana iray aho, niala tao amin'ilay efitra, nanao hoe, "Ranadahy Branham..." Ary iray amin'ireo mpanohana ahy ara-bola ao amin'ny favoriana any io olona io. Tonga teo amin'ny toerana iray aho izay tsy nahafantarako hoe ahoana no

hanaovako an'ilay zavatra handeha, natoky an'Andriamanitra fotsiny; io olona io no nandoa an'ilay izy. Eny, olona iray mahafinaritra fotsiny! Ary nanao dia iray io olona io ka tonga avy tany amin'ny tanàna lehibe iray, teto hariva vitsy lasa izay, ary nitsangana tao amin'ilay efitra ka nilaza tamiko, indray hariva, nanao hoe, "Ranadahy Branham," hoy izy, "te-hilaza zavatra anankiray aminaо fotsiny aho." Hoy izy, "Tsy misy olona iray izay fantatro ka tsy tia anao."

Hoy aho hoe, "Tena faly aho ny amin'izany."

<sup>196</sup> Hoy izy, "Ranadahy Branham, misy zavatra anankiray fotsiny, zavatra anankiray tsy mety."

Hoy aho hoe, "Inona izany, ranabavy?"

<sup>197</sup> Hoy izy, "Eny, ilay zavatra anankiray dia ity, Ranadahy Branham, hoe raha hanao marimaritra iraisana fotsiny eo amin'ny kely iray amin'io Foto-pampianarana izay anananaо io ianao," hoy izy, "dia handray anao ny rafi-pandaminana tsirairay."

<sup>198</sup> Hitako teo no ho eo, nieritreritra aho . . . Hoy aho hoe, "Foto-pampianarana inona, ranabavy?"

Dia hoy izy, "Oh, io batisa amin'ny Anaran'i Jesosy io."

<sup>199</sup> "Oh!" Hoy aho hoe, "Fa, ranabavy, tsy afaka hanantena ahy hanao marimaritra iraisana amin'ny Tenin'Andriamanitra ianao ka mbola ho mpanompon'Andriamanitra iray foana."

<sup>200</sup> Dia hoy izy, "Eny, indro, misy andiana mpitoriteny izay ahatongavako eto hisolo tena avy amin'ity tanàna goavana ity." Hoy izy, "Raha hiteny amin'izy ireo ianao hoe ilay Anjelin'ny Tompo izay manome anao an'ireo fahitana ireo no niteny taminao mba hanao batisa amin'ny Anaran'i Jesosy, amin'izay fotoana izay dia vonona ny hanaiky an'Izany izy ireo."

<sup>201</sup> "Eny," hoy aho, "malemy noho ny rano fanasam-bilia ny fahatsapan'izy ireo!" Hoy aho hoe, "Tsy ahoako na inona no ho lazain'ny anjely iray, raha tsy araka ny Teny ilay izy dia tsy mino an'izany aho!" Hoy aho hoe, "Raha niteny tamiko zavatra iray hafa noho Ity io anjely io, dia tsy ho nino an'ilay anjely aho." Marina! Ny Tenin'Andriamanitra aloha, ambonin'ny anjely rehetra sy ny zavatra hafa rehetra! Ny Anjely marina iray . . . Hoy aho hoe, "Raha tsy niteny tamiko an'Ity izy, dia tsy ho nihaino azy aho." Eny.

<sup>202</sup> Tsy fantatr'ilay ramatoa izay hatao. Hoy izy hoe, "Tsy mbola nandre tahaka an'izany mihitsy aho. Tsy nahafantatra mikasika an'Izany mihitsy aho." Hitanareo, eo ianareo izao. Noho izany dia nomeko Soratra vitsivitsy ilay ramatoa kely. Dia hoy izy hoe, "Handeha hiverina hody avy hatrany aho ka hianatra ny Testamenta Vaovao. Tsy mbola nianatra an'Izany mihitsy aho." Hitanareo, eo ianareo izao. Oh, oadray! Oh, oadray! Eo amin'izany no ahatongavanareo. Oh, oadray!

<sup>203</sup> Atsaharo ny fiezahana mihazona. Mamotsora! Izany no tianareo hatao: mamotsotra. Jakoba, rehefa namotsotra izy dia nety tsara, lasa andriana iray izy ary nanana hery niaraka tamin'Andriamanitra.

<sup>204</sup> Nisy an'i Davida *kely* nanao ny palitaon'ny mpitondra fivavahany an'i Saoly, izay nivoaka mba—mba—mba hiady tamin'i Goliata. Ary rehefa nanomboka nivoaka Davida tany mba hiady tamin'i Goliata nanao an'io fiadiana goavana io, dia njery manodidina izy, njery tany aoriana izy, nitovy tahaka ny sisa rehetra tamin'izy ireo izy, noho izany dia hoy izy hoe, "Misy zavatra tsy mety eto."

<sup>205</sup> Raha mbola mitovy amin'izao tontolo izao foana ianareo ka manao marimaritra iraisana amin'izao tontolo izao, sy manao an'ilay zavatra iray ihany izay ataon'izao tontolo izao, dia misy zavatra tsy mety eto.

<sup>206</sup> Hoy Davida hoe, "Toa voaaro mafy loatra ity. Manana Diplaoman'ny Dokotera iray aho, izaho manana Ph.D. Hitanareo, mikambana amin'ny rafi-pandaminana malaza iray aho, ahoana no mba ahafahako handeha hiady miaraka amin'ity karazan-javatra rehetra ity? Tsy mahafantatra na inona na inona mikasika an'izany aho. Tsy mahafantatra na inona na inona mikasika an'izany aho!" Hoy Davida hoe, "Esory amiko ilay karazan-javatra." Marina izany. "Raha handeha hiady ho an'Andriamanitra aho dia tsy te-hitovy amin'io andiana kanosa mitsangana eto io, ny rehetra mirongo fiadiana nefafa ampijaliana. Tsy afaka hanao fivoriana iray aho..."

<sup>207</sup> Fivoriana maro, lehilahy maro, mpitoriteny maro no manatona ahy ary miaiky fa izy ireo dia mino fa ny Anaran'i Jesosy Kristy no marina hanaovana batisa, saingy milaza hoe, "Handroaka anay ny rafi-pandaminanay." Fialan-tsiny mampalahelo ianareo! Esory ny fiadian'i Saoly!

<sup>208</sup> Omeo ahy ny hery sy ny tanjaky ny Fanahy Masina! Andriamanitra, iraho miaraka amin'ny antsamotady iray aho, tsy mampaninona na inona ilay izy (*kely toy ny ahoana*), handresy an'ilay fahavaloo. Marina izany. Iraho aho, saingy aza mamela ahy hiakanjo tahaka ny sisa amin'izy ireo miaraka amin'ny L.L., Ph.D., Dokotera, io karazan-javatra rehetra io.

<sup>209</sup> Hoy Davida hoe, "Toa tsy marina ilay zavatra." Hoy izy hoe, "Tsy mahafantatra na inona na inona mikasika an'io aho." Hoy izy hoe, "Ny zavatra tokana fantatro, izay ananako izay izaho... Tany ambadiky ny tany efitra tany dia niandry ny ondrin'ny raiko aho." Dia hoy izy, "Niditra ny liona iray ka nandramby an'ilay zanak'ondry kely ary nandositra niaraka tamin'izany, ary fantatro fa zanak'ondrin'ny raiko io, ary, oh, izaho—izaho—izaho dia... Tsy nampitaovina aho, fa nalaiko fotsiny ny antsamotadiko ka nenjehiko izy." Hoy izy, "Novonoiko izy ary nentiko niverina ilay zanak'ondry." Oh, oadray! Izy ireo

nitsangana teo, lefona no teny an-tànan'izy ireo, nefá tsy afaka nahavita an'ilay izy.

<sup>210</sup> Izany ilay olana amin'izao andro izao. Manana ondry betsaka izay diso lèlana Andriamanitra, ireo rafi-pandaminana sy ny sisa no nangalatra azy ireny, nitondra azy ireny nankao amin'ny psykolojia. Andriamanitra anie hanome antsika an'ireo Davida miaraka amin'ny Tenin'Andriamanitra sy ny herin'Andriamanitra, mba hitarika an'izany rehefa mandeha mihaona amin'ireo olombe mahay ireo isika (Marina!) miaraka amin'ireo Ph., LL.D., Q.U.S.T. rehetra, na mety ho inona ilay izy. Omeo ahy ny Tenin'Andriamanitra sy ny herin'ny Fanahy Masina dia, hoteneniko aminareo, afaka hamono ny olombe tsirairay eny amin'ny saha isika. Marina! Mila lehilahy isika izay afaka . . .

<sup>211</sup> Nahoana, Davida no fialan-tsiny mampalahelo indrindra izay nisy teo amin'ny saha, handehanana hiady amin'ilay olombe. Izy, nahoana, izy—tsy nisy afa-tsy zazalahy iray izy. Ary ny Baiboly no nilaza fa izy dia "mena hoditra," zazalahy antitra kely iray mahia, nilatsa-tsoroka angamba, tapaka hoditr'ondry no nandrakotra nanodidina azy. Tsy nanana ny iray tamin'ireo diploma ara-pahaizana goavana sy tsara hofana ireo izy. Tsy nahafantatra na inona na inona mikasika ny sabatra iray izy. Tsy nahafantatra na inona na inona mikasika an'io fanofanana rehetra io izy izay i Saoly . . .

<sup>212</sup> Saoly no tsara indrindra izay azon'izy ireo nananana, Eveka Saoly. Izany tokoa, izy dia nihoatra ny sisa tamin'ny tafika teo amin'ny loha sy soroka. Nahoana, izy no—izy no anankiray tokony nandeha sy niady taminy, saingy natahotra izy.

<sup>213</sup> Ary amin'izao andro izao dia fantatsika fa mila fifohazana iray isika. Fantatsika fa mila fanairana iray isika eo anivon'ny olona. Tsy hila Dokoteran'ny momba an'Andriamanitra iray izany. Hila malemy iray izany (Haleloia) izay handray ny Tenin'Andriamanitra amin'ny herin'ny fitsanganan'i Kristy ka hamono an'ilay zavatra. Izany no hitondra an'i Kristy hankao amin'ilay faritra ao amin'ny . . . hamela azy ireo hahita fa mbola afaka manokatra ny mason'ny jamba foana Izzy, manasitrana ny marary, manangana ny maty, ary Izzy no Andriamanitra, Mpandresy! Amena. Mila Davida iray isika, tsy niofana tao amin'ireo sekoly teolojika, mila lehilahy iray isika izay tsy mahafantatra na inona na inona mikasika an'izany, zazalahy kely iray mpiasa tany na zavatra iray, zalahy kely iray miaraka amin'ny sorony milatsaka, tsy misy betsaka ho jerena, izay handeha hidina eny an-dàlana miaraka amin'ny herin'Andriamanitra.

<sup>214</sup> Teo am-pahafatesana i neny, dia hoy izy hoe, "Billy, efa natoky sy nino anao aho. Ianao no tanjako ara-panahy, ianao no nitari-dàlana ahy nankeo amin'Andriamanitra."

<sup>215</sup> Hoy aho hoe, “Mama, fony aho zazalahy iray... Ny fihavantsika, mazava ho azy, Irlandais, somary nirona kely tany amin’ny Katolika isika.” Dia hoy aho hoe, “Ilay fiangonana dia nilaza fa—fa izy ireo—izy ireo no vatan’olona, izy ireo no nanana azy rehetra, ny zavatra rehetra izay nataon’izy ireo dia nety tsara. Tsy nety nino an’izany aho, satria ny Loterana nanao hoe, ‘Izahay no vatan’olona, izahay no manana azy rehetra.’ Ny Batista nanao hoe, ‘Izahay no vatana, izahay no manana azy rehetra.’ Misy be loatra, misy eo amin’ny sivinjato eo ireo rafi-pandaminana samihafa.” Hoy aho hoe, “Mama, tsy afaka mametraka fahatokiana ao amin’izany aho, iza amin’izy ireo no marina?”

<sup>216</sup> Avy eo dia hitako, milaza an’izao am-paneatre-tena sy am-pahamoram-panahy aho, fa mino aho fa tsy misy marina ny iray amin’izy ireo. Marina izany. Niverina teo amin’ny Tenin’Andriamanitra aho, dia hitako hoe inona no nataon’Izany tany aoriana tany. (Ary noho izany, Andriamanitra, mamelä anay rehetra hiverina any.) Ary tamin’ny fahalemena, ary tsy nisy fanohaninan’ny rafi-pandaminana, tsy nisy fanohaninan’ny anaram-piangonana, tsy nisy fanohaninan’ny rafi-pivavahana, fa tamin’ny fahatsorana sy ny herin’ny Fanahy Masina izay nilatsaka tamin’ny Pentekosta, niaraka tamin’ilay hafatra iray ihany izay nananan’i Petera tamin’ny Andron’ny Pentekosta hoe, “Mibebaha, ny tsirairay avy aminareo, ka aoka hatao batisa amin’ny Anaran’i Jesosy Kristy ho an’ny famelàna ny fahotanareo.”

<sup>217</sup> Tsy ho voaisy lamboridy tahaka ny andian’ireo teolojiana ireo ianareo, miaraka amin’ny vozon’akanjonareo mivadika sy diplaoma iray an’ny Bakalorea an’ny Literatiora. Fa, rahalahy, banana zavatra iray ianareo eny an-tànanareo, ary raha mbola ny Fanahin’Andriamanitra foana no hiditra ao amin’ity Teny ity dia Izany no handresy sy hamerina an’ireo ondry very izay diso lèlana. Amena! Iaiko ny fahalementsika! Ario ny Foto-pampianaranareo mikasika an’Andriamanitra! Ario ny mahafantatra-ny-rehetranareo, ny maha-mambra anareo! Aboridano eo anatrehan’Andriamanitra ny tenanareo, fiteny ara-panahy, ka antsoy ny tenanareo hoe “tsy mendrika!” Amin’izay fotoana izay vao afaka mandeha hampiasa anareo Andriamanitra. Aza lazaina avy eo amin’ny vavanareo fotsiny izany, ento avy ao am-ponareo izany.

<sup>218</sup> Jakoba, Davida, tsy maintsy nanaboridana ny tenany izy ireo. Izy no malemy indrindra teo anivon’ilay vahoaka betsaka manontolo.

<sup>219</sup> Eritrereto ny amin’ny, angamba, miaramila iray alina na iray hetsy teo amin’ilay havoana. Niofana izy rehetra, ny tsirairay avy tamin’izy ireo niaraka tamin’ny Ph.D. iray, ny tsirairay avy tamin’izy ireo niaraka tamin’ny lefona, miaramila izy ireo. Ny tsirairay avy tamin’izy ireo dia Kaporaly *Ranona-*

*sy-ranona*, Vata-miaramila *Ranona-sy-ranona* (na dia ireo Vata-miaramila aza), Jeneraly *Ranona-sy-ranona*, Lietnà *Ranona-sy-ranona*. “Jeneraly lehibe kintana efatra Saoly, Eveka, eny, Manaja anao, Tompoko!” Ny tsirairay avy tamin’izy ireo dia nitsangana teo, lehilahy niofana.

<sup>220</sup> Ary ny fahavallo izay nitsangana teny amin’ny havoana, nanao hoe, “Ianareo andiana kanosa.” Oh!

<sup>221</sup> Ary tao amin’ny toby dia tonga ny zazalahy kely iray, nilatsatsoroka, (O Andriamanitra!), mena hoditra kely, antsamotady kely no tao an-damosiny, miaraka tamin’ny mofo voaloboka iray teny an-tanany ho an’ny rahalahiny. Dia nivoaka io olombe io ka nanao antsoantso matetitetika loatra. Hoy izy, “Ny tianareo tenenina amiko ve dia hoe ianareo andiana manam-pahaizana niofana eto ireo dia hitsangana eo ka hamela an’io Filistina tsy mifora io hiaika ny Tenin’Andriamanitra velona?” Amena! Hoy izy, “Matahotra azy ve ianareo?”

<sup>222</sup> Hoy i Saoly hoe, “Raha te-handeha ianao, dia tongava eto. Izaho dia—izaho dia—handefa anao any am-pianaranana mandritry ny roapolo taona aho ankehitriny, ary izaho hanome anao ny—ny Ph.D. Hoteneniko aminao izay hataoko, homeko anao mihitsy ny diplaomako.”

<sup>223</sup> Hoy izy hoe, “Esory ilay zavatra.” Oh, oadray! “Tsy mila na inona na inona hataeo amin’izany aho.” Te-hatoky an’Andriamanitra izy. Hoy izy hoe, “Fantattro izay nataon’Andriamanitra tamiko tamin’ity, ary vonona ny hatoky an’Andriamanitra aho eo anatrehan’ny zavatra rehetra miaraka amin’izany.” Amena! Izany no fahatsapan’ny Kristiana.

<sup>224</sup> Na dia i Saoly aza, rehefa tsy maintsy namela ny fiadiany izy, nanaisotra an’ilay fiadiana ara-pivavahana, dia nanao tahaka an’i Davida izy. Fa rehefa tonga teo amin’ny faran’ny lèlana i Saoly, dia hoy izy hoe, “Efa niady ady tsara iray aho.” Izany ilay fahavallo farany ho resena. “Efa niady ady tsara iray aho, nahavita ny fihazakazahako aho, nihazona ny Finoana aho. Manomboka izao dia misy satroboninahitra iray mipetraka ho ahy, izay ny Tompo, ilay Mpitsara marina, no hanome ahy amin’izany andro izany.” Hoy izy, “Tsy izaho ihany, fa ireo rehetra izay tia ny Fisehoany.”

<sup>225</sup> Hoy ny fahafatesana antitra hoe, “Fa ho azoko ianao afaka minitra vitsy.” Ary hoy ny fasana hoe, “Hanorotoro anao any aho.”

<sup>226</sup> Hoy izy hoe, “O ry fahafatesana, aiza ny fanindronanao? Ry fasana, aiza ny fandresenao? Fantattro fa mipetraka ato anatin’ity tranomaijina Romana eto ity aho, voafatotra amin’ny rojo, ny hato-tànako sy ny tànako, ary izaho—manana kapoka sivy amby telopolo aho manerana ny lamosiko. Eto aho miaraka amin’ny ranomaso mampamaivay ny masoko hany ka tsy afaka mahita intsony aho. Tsy afaka mahita amin’ny masoko ara-boajanahary

aho, saingy afaka mahita satroboninahitry ny fahamarinana iray aho mipetraka any ambony any. Torotoro ny kitrokkeliko. Nihena betsaka aho nohon'ny mofo bobongolo izay atsipin'izy ireo ato, ary mandeha eo amboniko ireo voalavo, ary ireo hala sy ny sisa, hany ka malemy aho.” Saingy afaka nitsangana teo anatrehan’ny fahafatesana izy ka nanao hoe, “Aiza ny fanindronanao? Ry fasana, aiza ny fandresenao?” niaraka tamin’ireo rojo nihozongozona teo amin’ny tànany. Haleloia! (Izany no ilaintsika.) “Ry fasana, aiza ny fandresenao?”

Hoy ny fasana hoe, “Hataoko lò ianao, ry Paoly.”

<sup>227</sup> Hoy izy hoe, “Fa ho an’Andriamanitra anie ny saotra, efa nahazo ny fandresena tamin’ny alàlan’i Jesosy Kristy Tompontsika aho.”

<sup>228</sup> Rehefa nalemy izy, ny—ny ara-pivavahany, ny...nesorina taminy ny fombam-pivavahany rehetra. Ireo taratasy fanendreny rehetra dia nesorina taminy. Tsy nikambana tamin’ireo Assemblées intsony izy, na ny...ny iray tamin’izy ireo. Hitanareo, tsy nikambana tamin’ny iray tamin’izy ireo intsony izy. Niteny betsaka nanohitra azy ireo izy hany ireo eveka ka... nanao hoe, “Ny tianao tenenina amiko ve dia hoe lehilahy iray migadra roapolo taona ao amin’ny tranomaizina Romana ao nefá afaka hiteny aminay mba tsy hamela an’ireo vehivavinay hitory teny? Hah! Aza miteny an’izany aminay,” hoy izy ireo, “mahafantatra tsaratsara kokoa izahay. Iza moa io zalahy any io, na ahoana na ahoana, izay miteny aminay hanao an’ity, itsy na ny *hafa*?” Hoy izy ireo, “Fantatray izay ataonay.”

<sup>229</sup> “Hia,” hoy i Paoly, “hisy lehilahy hitsangana eo anivonareo mihitsy, hanomboka rafi-pandaminana iray tsy ho ela mihitsy, hitsangana ka hiala amin’ny Finoana tahaka an’izany, tsy manana ny Fanahin’Andriamanitra.” Hoy izy, “Efa niala teo anivontsika sahadys izy ireo satria tsy isantsika.”

<sup>230</sup> Ary, inona, nitranga ve izany? Niditra avy hatrany nankao amin’ny fiangonana Katolika; avy tao amin’ny Katolika nankao amin’ny Loterana; ary nitohy nidina hatrany amin’ilay farany, ireo Assemblées de Dieu, mitovy ihany, manao an’ilay zavatra iray ihany.

Ny rehetra, mitovy!

<sup>231</sup> Fa, oh, ho an’ny lehilahy iray na vehivavy iray izay tena malemy, izay mahafantatra ny fahalemenareo, izany no hamela an’Andriamanitra hampiasa anareo! Manohy miresaka fotsiny aho, ataoko fa miresaka ela loatra aho.

<sup>232</sup> Ankehitriny, inona ilay izy? Ankehitriny, izy dia... Davida no anankiray tsy nianatra indrindra tao amin’ilay andiany. Tsy nanana fianarana miady izy, tsy nahafantatra na inona na inona mikasika an’izany izy. Tsy nanana fianarana ho an’ny iray amin’io ady izay nipetraka teo alohany io izy, saingy fantany fa nisy Andriamanitra iray. Ary nentiny ilay zavatra malemy

indrindra; izy ireo nanana lefona, fiadiana, tsipika, sy ny zavatra hafa rehetra, fa Davida nanana antsamotady kely iray niaraka tamin'ny vato iray tao anatiny. Fa, hitanareo, fantany izay azony itokiana. Niaiky ny fahalemeny izy, saingy ny finoany dia tamin'Andriamanitra.

<sup>233</sup> Hoy izy hoe, “Tsy mila ampinga eo amiko aho handonako na inona na inona. Tsy mila miakatra eo aho, hanao hoe, ‘Ankehitriny, hiara-hiasa amiko ve ianareo rahalahy? Mikambana amin’ny Assemblées aho, mikambana amin’ny Presbyterana aho, Metodista aho, Batista aho, hiara-hiasa amiko ve ianareo rahalahy?’ Tsy mila mahafantatra ny iray amin’izany karazan-javatra izany aho. ‘Indro, hasehoko anareeo ao anatin’ny paosiko, manana ny diplomaoko aho. Vao avy nahazo ny Bakaloreako an’ny Literatiora aho. Izaho avy amin’ny Oniversite an’Izao-sy-izao, izaho—tany aho no nampianarina. Manana an’izao aho. Oh, afaka miteny aho! Izaho no *ity, itsy, na ny hafa.*’” Tsy nila ny iray tamin’izany karazan-javatra izany izy!

<sup>234</sup> Ny hany nilainy, hoy izy hoe, “Manana ny fahatokiako an’Andriamanitra aho ary indro aho mandeha.” Izay ilay izy. Dia nianjera ilay olombe. Marina izany.

<sup>235</sup> Izany no ilaintsika amin’izao andro izao, rahalahy. Isika dia mila, amin’izao andro izao, lehilahy tahaka an’i Davida, fa tsy traikefan’ny oniversite.

<sup>236</sup> Nisy an’i Mikaia kely, Mikaia kely, ilay zanak’i Jimla, mahantra, nolavina, voaroaka avy tao amin’ireo anaram-piangonana rehetra nohon’ny fijoroany marina ho an’Andriamanitra. Fa tonga ny lehilahin’Andriamanitra iray indray mandeha, teo, tamin’ny anarana hoe Josafata, ka nilaza tao hoe, “Te-hahafantatra ny Tenin’Andriamanitra marina aho.”

<sup>237</sup> Hoy i Saoly hoe, “Manana efajato avy amin’ny tsara indrindra izay hany fantatrao aho.” Hoy izy, “Manana ny diplomaony izy rehetra, niofana tao amin’ny sekoly teto izy rehetra.” Hoy izy, “Nahoana, izy ireo no mpitoky teny tsara indrindra izay hany renao.” Hoy izy, “Ho entiko avy hatrany izy ireo dia hanontany ny Tompo isika ho anao.”

<sup>238</sup> Fa noho izany dia nivoaka teo izy ka njery nanodidina, hoy i Josafata hoe, “Hia, reko ity anankiray ity milaza an’itsy, ary reko itsy anankiray itsy milaza an’izany, saingy,” hoy izy, “manana anankiray hafa ve ianao? Tsy manana anankiray hafa ve ianao?”

<sup>239</sup> Hitondra hafatra iray ho an’io fo matoky io Andriamanitra. Nisy anankiray tamin’izy ireo fotsiny nitsangana teo, saingy nanana lehilahy iray ho an’io anankiray io Andriamanitra. Amena. Raha misy fo anankiray matoky fotsiny, dia manana lehilahy iray ho azy Andriamanitra any ho any. Tena lehilahy iray i Josafata, mpanjaka matahotra an’Andriamanitra, ary nanana fisainana ampy izy hahafantarana fa diso ny hafatr’izy

ireo. Fantany fa nifanohitra tamin'ny Teny ilay izy, amena (Oh, Rahalahy Neville!), fantatr'i Josafata izany.

<sup>240</sup> Hoy izy hoe, “Eny, izaho—noteteziko ilay firaiketana manontolo, ny tabilao ato amin’ity seminera ity, nasaiko tonga teto ny tsirairay avy amin’izy ireo.” Hoy izy, “Eny, jereo eto, ity anankiray ity dia manana... eny, jereo ireo diplaoma izay ananany. Jereo ity anankiray eto ity,” hoy izy, “jereo—jereo ireo diplaoma izay ananany. Jereo i Zedekia eto, izy no lohan’izany rehetra izany. Nahoana, eveka iray izy, izy no mifehy anay rehetra. Azo antoka fa handray ny teniny ianao!”

Hoy i Josafata hoe, “Hia,” hoy izy, “izaho—izaho—izaho...”

<sup>241</sup> “Eny, jereo, jereo, mifanaraka aminy ny sisa rehetra amin’izy ireo. Firaisansa lehibe anankiray izy rehetra! Ary tsy afaka hilaza ianao hoe tsy Hebreo izy ireo. Tsy afaka hilaza ianao hoe tsy mpaminany izy ireo, ity ny diplaoma izay manaporofa fa izany izy ireo.”

<sup>242</sup> Hoy i Josafata hoe, “Hia, izaho—izaho—fantatro, ry Ahaba.” Hoy izy, “Izany—mety tsara izany rehetra izany, saingy...”

<sup>243</sup> Hoy izy, “Inona no... Nahoana ianao no mangataka amboniny amiko? Io ny sekoliko manontolo! Misy ny rafipandaminana rehetra miaraka eo.”

<sup>244</sup> “Fa tsy manana anankiray ve ianao izay tsy mikambana amin’io vondrona io? Tsy misy anankiray ve, any ho any?”

<sup>245</sup> “Eny, ho inona izy? Ho tsy mahay mamaky teny sy manoratra tsy nampianarina iray izy! Eny, inona no hilanao zalahy iray tahaka an’izany?”

<sup>246</sup> “Saingy—saingy manontany anao fotsiny aho, tsy manana anankiray ve ianao, any ho any?”

<sup>247</sup> “Oh,” hoy izy, “hia, misy anankiray tahaka an’izany any.” (Eo, oh, isaorana Andriamanitra ny amin’izany!) “Misy anankiray tahaka an’izany any, saingy,” hoy izy, “halako izy. Ary ny sisa rehetra amin’izy ireo dia mankahala azy, ihany koa.” Hoy izy, “Nodakanay, ary nodakan’izy ireo nivoaka an’io rafipandaminana io izy, ny tsirairay avy amin’izy ireo.” Hoy izy, “Tonga teto izy hanao favoriana iray, fa noroahinay niala teto amin’ny tanàna izy. Eny, tompoko. Tsy hisy hidiranay aminy. Eny,” hoy izy, “malemy iray izy, ary avy amin’ny fianakaviana tena mahantara iray izy. Mahatsiravina ny gramerany.” (Ah-hah, tahaka an’i Moody, fantatrareo.) “Hia, mahatsiravina ny gramerany.” Dia hoy izy, “Marina tokoa, ho an’ny teolojiana iray, dia izy no mahantara indrindra izay hany reko. Tsy mbola nandre zavatra tahaka azy mihitsy aho. Oh, mamotika fotsiny ny fombam-pivavahan’izy ireo mihitsy izy. Nahoana, notorotoroiny ho potipotika ny Fanelekem-pinoan’ny Apostolin’izy ireo. Tsy mbola nandre zavatra tahaka an’izany mihitsy aho! Oh, potehiny

fotsiny ilay izy, ka halan'izy ireo izy ary halako, ny olona rehetra dia mankahala azy."

<sup>248</sup> "Oh," hoy i Josafata, "aoka tsy hilaza an'izany ny mpanjaka, fa tiako ny handre azy." Fantany izay ho nolazain'i Elisa! Fantany hoe inona.

<sup>249</sup> Nodinganin'Andriamanitra ireo mpitory teny malaza rehetra, mahery, mahay, ka napetrany tao amin'ny zalahy kely iray izay nilaza fa tsy mahafantatra na inona na inona Ny Hafany. Fa inona no nataony?

<sup>250</sup> Nomen'izy ireo fitsapana iray izy, ka nanao hoe, "Ankehitriny, lazao ilay zavatra iray ihany izay nolazain'izy ireo."

Hoy izy hoe, "Izay apetrak'Andriamanitra ao am-bavako no holazaiko, izay ihany."

<sup>251</sup> Hoy izy hoe, "Raha te-ho lasa mahery ianao ankehitriny, tsarovy fa ianao fotsiny dia...iana dia—karazan'ny any ivelan'ny lamina ianao eo, ry tovolahy. Tsarovy, voadaka avy tao amin'io rafi-pandaminana io ianao. Mety hihevitra indray ny fiombonanao izy ireo raha mifanaraka amin'izy ireo fotsiny ianao ao amin'ity fotoan'ny krizy tahaka an'ity. Miomana ny hanana asam-pitoriana lehibe iray izahay," hoy izy, "raha hifanaraka amiko fotsiny ianao."

<sup>252</sup> Hoy izy, "Tsy hilaza afa-tsy izay nolazain'Andriamanitra aho!" Manao marimaritra iraisana, afaka hanantena lehilahin'Andriamanitra iray hanao marimaritra iraisana eo amin'ny Tenin'Andriamanitra ve ianareo? Tsia, tompoko, aza manantena azy.

<sup>253</sup> Hoy izy, "Saingy malemy iray ianao. Avy amin'ny fianakaviana mahanttra iray ianao. Nahoana, mba fantatral moa, izy ireo dia mety..."

"Tsy ahoako izay ataon'izy ireo."

<sup>254</sup> "Eny, hitondra anao hitety faritra ao amin'ny fiaramanidina iray izy ireo. Hanao ny zavatra rehetra izy ireo, hitanao, raha ianao—raha ianao fotsiny..."

<sup>255</sup> "Tsia, tsia. Izay apetrak'Andriamanitra ao am-bavako ihany no holazaiko." Nandingana an'io andiany rehetra io Andriamanitra, (eny, tompoko, ny fijoroany mahatoky no nanao an'izany) nandingana an'ireo efajato ka nanome azy ny HOY NY TOMPO HOE!

<sup>256</sup> Koa nino an'Izany ve izy ireo? Tsia, tompoko! Hoy izy ireo hoe, "Tsy izany no HOY NY TOMPO HOE, tsy mampianatra karazan-javatra tahaka an'izany ny semineranay. Eny, ity ny evekanay, izy no nilaza ny teny, izy no nanoratra ny fombampivavahana. Niara-nikambana izahay rehetra, nanao an'ireo sekolinay izahay. Momba anay Andriamanitra! Lâlana aiza

no nivoahan'Andriamanitra taminay rehefa nandeha nankany aminao Izany?"

Hoy izy hoe, "Ho hitanao, indray andro any." Ah-hah, marina izany.

<sup>257</sup> Inona izy? Nalemy izy, saingy izy no anankiray mahery indrindra teo anivon'izy ireo. Nahoana? Satria izy no nanana ny Tenin'ny Tompo. Oh, rahalahy, inona no fahasamihafana ataon'izany mikasika ny... ny zavatra hafa rehetra raha mbola manana ny HOY NY TOMPO HOE foana ianareo?

<sup>258</sup> "Hono ho'aho, Rahalahy Branham, raha hanao marimaritra iraisana mikasika ny Anaran'i Jesosy ho an'ny batisa ianao, eny, hanao favoriana lehibe iray isika any Chicago na ireo toerana tahaka an'izao." Hah! Mihevitra ve ianareo fa hanao an'izany ianareo? Tsy ahoako na aiza ianareo no hivory miaraka, na inona no ataonareo, rahalahy, mijanòna amin'ny HOY NY TOMPO HOE.

<sup>259</sup> Mila ny sasany amin'izy ireo aho ho avy hiteny amiko hoe aiza no diso Izany. Asehoy ahy ao amin'ny Tenin'Andriamanitra hoe aiza no diso Izany. Hia. Tsy hikasika an'izany izy ireo. Tsia, tompoko. Saingy Izany no HOY NY TOMPO HOE! Mijanòna amin'Izany, raha mandaka anareo ny tsirairay avy amin'izy ireo. Tsy ahoako hoe lasa malemy toy ny ahoana ianareo, "Amin'izay fotoana izay aho no lasa mahery." Rehefa mandroaka ahy izy ireo, dia Andriamanitra no hampiditra ahy. Ah-hah, hia. Andriamanitra... Izy ireo mandroaka anareo, Andriamanitra hampiditra anareo.

<sup>260</sup> Tsarovy, ireo voahitsakitsaka foana no alain'Andriamanitra, ireo tsinontsinona. Avy eo Izy dia manao azy ireo ho zavatra ho Azy. Mety tsy mahafantatra an'izany ao amin'ity fiainana ity, fa hisy izany ao amin'ilay anankiray izay ho avy; hitanareo, izany ilay anankiray.

<sup>261</sup> Ary nanome azy ny HOY NY TOMPO HOE, satria nahoana? Nijanona tamin'ny Teny izy. Izy no nanana an'ilay Hafatra marina. Nanome azy fahitana iray Andriamanitra. Ny sisa tamin'izy ireo dia tsy nanana fahitana. Hitanareo? Nanana fahitana iray izy. Nahoana? Satria nijanona tamin'ny Teny izy. Eo no nahitantsika an'ireo famantarana sy fahagagana. Satria... Ireo hafa dia naka tahaka an'Izany, fa izy nijanona tamin'ny Teny. Ankehitriny dia ndao isika handeha haingana.

<sup>262</sup> Elia, izany dia rehefa nandroaka azy ny fiagonany ka nandao azy noho ilay izao tontolo izao moderina. Heveriko fa nametraka azy ireo marina tokoa teo ambonin'ny vain'afio i Elia. Tsy mihevitra tahaka an'izany ve ianareo? Fantatrareo hoe inona i Elia. Heveriko, tao amin'ny asam-panompoany voalohany, dia nitsangana teo izy ka nanao hoe, "Nahoana, ianareo vehivavy izay miezaka hitovy amin'ny Vadim'ny Filoha," ireo bonetra, fantatrareo, "Ramatoakely Jezebel! Ianareo vehivavy

moderina, izay mitovy amin'ny Vadin'ny Filohan'ny firenena, miakanjo tahaka azy, mihetsika tahaka azy. Ianareo mpitory teny!" Oh, oadray, toy ny ahoana no nitenenany mafy azy ireo! Dia nanohy nihemotra niala fotsiny izy rehetra ireo hany ka tsy nisy olona intsony teo.

<sup>263</sup> Tsy maintsy tonga teo amin'ny faran'ny lâlany izy tamin'izany. Tsy nisy olona te-hiara-hiasa taminy intsony. Tsy nisy iray tamin'ireo fiangonana te-hiara-hiasa taminy. Nandao azy ny fiangonany rehetra, niverina nankany amin'izao tontolo izao (mitovy amin'izany mihitsy ankehitriny), marina izany, nanohy niverina nankany amin'izao tontolo izao. Tena vitsy fotsiny no nihazona, anankiray teto ary anankiray tetsy, tonga avy lavitra nanerana ny faritra izay tsy maintsy andehananareo hijery azy, sy ny sisa. Tao amin'ny toerana iray tena ratsy izy, tsy maintsy tonga teo amin'ny faran'ny fahalalany izy.

<sup>264</sup> Hoy izy hoe, "Tompo, nijoro teo amin'Ny Teninao aho, niteny ny Fahamarinana aho. Lasa niala izy rehetra ireo, tsy misy olona tavela eto. Izaho tsy manana, tsy manana olona hitoriana teny akory aza." Amena. "Eny, nijoro teo amin'Ny Teninao aho, Tompo, nefo ankehitriny jereo hoe aiza no misy ahy ankehitriny, tsy handray ahy ny anankiray amin'izy ireo. Mandeha any an-tanàna aho, hoy izy ireo hoe, 'Indro fa tonga io antitra masiaka io. Hia, hia, indro fa tonga eto amin'ny tanàna io antitra masiaka io, ankehitriny izy dia hanomboka hitondra—hanao hadalana mikasika an'ity fainana moderina eto ity sy ny zavatra rehetra.'"

<sup>265</sup> "Aza mandray azy! Pasitera, aza miara-miasa amin'io zalahy io ianao! Tsia, tompoko!"

<sup>266</sup> Pasitera, "Ato an-tanàna indray io fanatika antitra io ankehitriny. Hitanao, io Elia eo io, ilay lehilahy sola loha. Aza miraharaha an'io lehilahy antitra io ianao. Jereo izy, tsy miakanjo tahaka ny mpitondra fivavahana iray akory aza izy miaraka amin'ny akanjom-pisoronana tahaka ny ahy (ny satrony, fantatrareo; ary mitsangana eo aloha, sy ny vozon'akanjo mivadika, fantatrareo)." Hoy izy, "Izy tsy . . ." Hoy izy, "Izy—izy . . . izy ireo . . . izy dia karazana hafa iray an'ny . . . Izy—zalahy toa hafahafa iray izy."

<sup>267</sup> Ary heveriko fa ny sasany tamin'ireo zalahy malaza dia nanao hoe, "Mba fantatrareo moa? Izy—marary saina iray izy. Ah-hah, eny, izy—marary saina iray izy, mipetraka any an-efitra any, mijanona any anaty ala ny ankamaroan'ny fotoany, tonga miaraka amin'ny tapaka hoditr'ondry mirakotra manodidina azy. Oh, oadray! Nefo avy eo dia manameloka an'ireo vehivavy ireo! Tsy mbola nahita zavatra iray tahaka an'izany mihitsy aho. Ianareo aza . . . aza—aza—aza manao na inona na inona miaraka aminy, mihitsy! Aza miara-miasa!"

<sup>268</sup> Eny, niara-nivory ilay fikambanan'ny mpitoriteny, fantatrareo, nanao hoe, "Aza—ianareo rehetra aza manana zavatra iray mba... Ilaozy izy, farany izy dia ho... ho tonga eo amin'ny faran'ny fahalalany izy. Avelao izy—avelao izy hivazavaza hanapoaka ny atidohany manokana. Izay ihany, avelao izy hipetraka tsara."

<sup>269</sup> Fa Elia antitra, nandeha marina mihitsy niaraka tamin'Andriamanitra, (Oadray, oadray.) nijanona tsara tamin'ny Teny. Nanao favoriana kely iray izy ireo tany, ary njery nanerana ny mpanatrika izy, nanao hoe, "Ianareo Jezebela rehetra!"

<sup>270</sup> "Oh, ilay tena fahasahiana! Tsy handeha hihaino an'io lehilahy io intsony indray aho! Tsia, tompoko, tsy handray anankiray aho!"

<sup>271</sup> Tsy nampijanona azy izany, nijanona tsara izy na izany aza. Rehefa veriny ny fiangonany, rehefa veriny ny... nivadika nanohitra azy ireo anaram-piagonana rehetra, tamin'izay (rehefa lasa malemy izy) no nilaza izy hoe, "Izaho irery sisa no tavela, nef a mitady hamono ahy izy ireo." Hoy izy, "Hitifitra ahy izy ireo raha vitan'izy ireo izany." Ah-hah. Hitanareo? "Fa izaho... Mitady ny aiko izy ireo. Ary izaho irery sisa no tavela, Tompo, inona no azoko atao?"

<sup>272</sup> Tamin'izay, rehefa lasa nalemy izy (kanefa nijoro nahatoky, niaiky ny fahalemeny sy ny sisa), no nilaza Andriamanitra hoe, "Miakara eny an-tendrombohitra, hanome hafatra iray vaovao ho anao Aho. Handefa hafatra iray vaovao ho anao Aho ankehitriny. Efa niteny taminao Aho hoe, 'Mandehana melohy ireo zavatra ireo,' ankehitriny dia haniraka anao hiverina Aho miaraka amin'ny zavatra iray hanaporofo fa marina Izany." Hoy Izy, "Nahavita asa tsara iray ianao, ry Elia. Niteny tamin'izy ireo mikasika ny Vadin'ny Filoha ianao, sy io rehetra io, sy hoe ahoano no nataon'izy ireo. Nanameloka an'i Ahaba ianao sy io karazan-javany moderina rehetra io ary ireo fiangonana moderina rehetra ireo, ary niteny tamin'ireo mpitory teny ireo isika hoe taiza no nikambanany. Ohatra iray ianao. Nitsangana tany ianao tsy nisy fanampiana iray, rafi-pandaminana iray, zavatra iray taorianao, saingy nijanona tamin'Ny Teniko ianao. Ankehitriny dia hanome zavatra iray ho anao Aho. Mandehana mankany ka teneno io mpihatsaravelatsihy io hoe, 'HOY NY TOMPO HOE! Tsy hisy ando akory aza hilatsaka avy any An-danitra raha tsy izaho no miantso azy.'" Oadray! Oadray! Nitondra azy teny an-tendrombohitra mba haneho zavatra iray taminy!

<sup>273</sup> Oh, toa hitako izy tamin'io maraina io, tonga, nandeha teo amin'io lâlan'i Samaria io. Tsy nisy betsaka ho jerena izy, azo antoka tokoa, namiratra tamin'ny masoandro io loha sola io, volo fotsy ary ireo volombava nihantona teo nanerana ny tarehiny, tapaka hoditr'ondry. Ny Baiboly dia nilaza fa izy dia

“voloina,” volo no nanerana azy, heveriko fa korontana iray ho jerena izy; io tsorakazo antitra kely io no teny an-tànanay, niaraka tamin’ireo maso antitra kely nijery nankany an-danitra, nandeha teo amin’ny lâlana. Ary ianareo...izy...Heveriko fa nihetsika tahaka ny enina ambin’ny folo taona iray izy nef afa saiky valopolo taona. Indro izy tonga, nandeha teo amin’ny lâlana, nankany Samaria avy hatrany mihitsy. Rahalahy, natao lasa mahery izy tamin’izany tao amin’ny fahalemeny, “Ampy ny Heriko. Aza manahy mikasika an’ireo rafi-pandaminana, ry Elia. Aza manahy mikasika azy ireo, ny Heriko no hany ilainao.”

<sup>274</sup> Tsaroako aho nitsangana teo akaikin’ny tempoly lehibe iray indray mandeha, ka hoy aho hoe, “Tompo, ho halako ny hahatongavan’izy ireo ao amin’ny—ny biraoko.”

Hoy Izy hoe, “Izaho no Anjaranao.” Hitanareo? “Izaho no Anjaranao.”

<sup>275</sup> “Ao—ao amin’ny fahalemena arak’izany Aho—Izaho dia... Mahery ny Heriko. Afaka hatao Ny Sitrapoko tanteraka (Paoly, na Elia, na iza ianareo na iza) rehefa miala amin’ilay lâlana ianareo.” Hitanareo? “Ao amin’ny fahalemenareo, amin’izany fotoana izany Aho no lasa mahery. Izaho ilay Anankiray! Izaho ilay Anankiray Mahery izay miditra ka mameno.”

<sup>276</sup> Toa hitako izy mandeha eo amin’io lâlan’i Samaria io, ireo maso antitra kely mijery tahaka an’izao, ry tovolahy, antsasan-tsiky kely no eo amin’ny tarehiny. Rahalahy, nandeha avy hatrany teo amin’ny fanatrehan’i Ahaba izy. Tsy niambakambaka mihitsy izy, tsy niakanakana mihitsy izy. Tsia, tsia! Nidoboboboka tao ambanin’io tratra antitra kely nahia io ny fo iray niaraka tamin’ny Fanahy Masina nipetraka tao anatin’y tao. Eny, tokoa! Tonga nandeha teo amin’io lâlana io, nandeha avy hatrany teo anoloan’i Ahaba, ka nanao hoe, “Tsy hisy ando akory aza hilatsaka raha tsy izaho no miantso azy.”

<sup>277</sup> Nanajadona ny tongony ary, nihodina, nandeha niverina tany an-efitra izy. Hoy Izy, “Asa tsara iray izany, ry Elia. Miakara eto, efa nandidy an’ireo goaika rehetra Aho hamahana anao ankehitriny, ary ny...ka mipetraha eto vetivety.” Oh, oadray!

<sup>278</sup> Rehefa nalemy izy, tamin’izay fotoana izay izy vao lasa mahery. Eny, tompoko. Nanakatona ny lanitra izy mba tsy hanorana. Tamin’izany izy no lasa mahery, rehefa veriny ny fiangonany, veriny ny zavatra rehetra izay nananany, ny zavatra hafa rehetra. Fa nijanona tamin’ny Tenin’Andriamanitra izy, avy eo dia nahazo hery hanakatona ny lanitra.

<sup>279</sup> Rehefa nahavery ny heriny rehetra i Jakoba, tamin’izay fotoana izay vao nanome azy hery ho lasa andriana iray Andriamanitra. Hitanareo?

<sup>280</sup> Rehefa nahavery ny fianarany rehetra sy ny teolojiany rehetra i Paoly, dia nanao azy ho misionera iray ho an'ny Jentilisa Andriamanitra.

<sup>281</sup> Rehefa nahavery ny fahaizany rehetra i Mosesy ka lasa nalemy, dia nanao azy hahery Andriamanitra ka naniraka azy nankany Egypta tamin'ny herin'ny Fanahy, tamin'ny faha-valopolo taonany; nihantona nidina ireo volombava, teo ambonin'ny ramole iray ny vadiny ary ny zananilahy tanora teo ambonin'ny lohaliny, ary tsorakazo iray no teny an-tanany, nandeha nidina ka nandresy an'i Egypta. Hia. Hitanareo? Tsy niaraka tamin'ny tafika iray taoriany, tahaka ny tiany nandehanana, fa tamin'ny herin'ny Fanahy. Amena!

Rehefa malemy ianareo dia amin'izay fotoana izay ianareo no mahery.

<sup>282</sup> Nandeha nidina teo amin'io lèlana io fotsiny, tsy niakanakana izy, tsy tafintohina izy, tsy nanao na inona na inona izy, nandeha avy hatrany teo amin'ny fanatrehan'i Ahaba, ka nanao hoe, "Manana ny Tenin'ny Tompo aho."

Hoy izy hoe, "Ianao no anankiray izay manakorontana ny Isiraelly."

<sup>283</sup> Hoy izy hoe, "Ianao no anankiray izay manakorontana ny Isiraelly." Eny, tompoke. Oh, rahalahy! Eny, tompoke. "Ento miakatra ireo mpisorona mahay izay anananao eto ireo, ka ndao jerentsika hoe iza no Andriamanitra." Eo ianareo izao. "Miakara any amin'ny Tendrombohitra Karmela, aoka ilay Andriamanitra izay namaly tamin'ny Pentekosta no hamaly indray. Ndao jerentsika raha mbola ilay Andriamanitra iray ihany Andriamanitra, raha Jesosy no tsy miova omaly, anio, ary mandrakizay." Nidina avy teny an-tendrombohitra izy, nanana Hafatra iray izy. Eny. Tena nalemy izy taloha, na izany aza, veriny ny zavatra rehetra talohan'ny nanaovany an'izany. Tsy maintsy lasa nalemy izy talohan'ny nahalasa azy nahery.

<sup>284</sup> Ny fahatsoran'ny Filazantsara fotsiny no mampivembena ny olona. Miezaka izy ireo ny hanao an'Izany ho zavatra lehibe iray hafa ara-tsaina, nefá fahatsorana ilay izy. Fa maka an'ilay tena fitaovan'ny fanetre-tena sy fahalemena ary fahatsorana mihitsy Andriamanitra, mba hiasana an'ireo Asany. Fitaovana iray eo an-tanana'ndriamanitra fotsiny izany.

<sup>285</sup> Jaona Mpanao-batista, ny Hafany, ilay mpialoha lèlana an'i Kristy, tena tsotra ka nandeha teo an-tampon'ny lohan'ny olona Izany. Henoy iray minitra fotsiny. (Manantena aho fa tsy mihazona anareo ela loatra, ianareo mitsangana manerana ny rindrina, hitanareo.) Jereo! Jaona, rehefa... Ireo mpaminany rehetra dia nijoro vavolobelona ny amin'ny fihavian'ny Mesia. Ny iray tamin'izy ireo dia nanao hoe "Hitsambikina tahaka ny ondrilahy kely ireo tendrombohitra." Ireo hafa nanao hoe, "Hitehaka ny tanany ireo ravin-kazo." Ny anankiray nanao hoe,

“Ny toerana iva rehetra dia hatao avo, ary ny toerana avo dia hatao iva.” Oh, oadray! Andro iray toy ny inona!

<sup>286</sup> Efa nieritreritra an’ilay Sekolin’ny Mpaminany ve ianareo sy ilay fiheverana ara-tsaina an’izany? Oh, oadray, nanao ny zavatra rehetra ho tena klasika izy ireo! Fa rehefa nitranga ilay izy, nivoaka avy tany an-efitra ny mpitory teny antitra iray izay tsy nanana andro iray nianarana mihitsy teo amin’ny fiainany, angamba tena nahantre ny gramerany. Mpisorona iray ny rainy, saingy nitondra azy niala lavitra an’izany Andriamanitra. (Nanana an’izany isika tamin’ny lesion’ny Alahady farany.) Tsy te-hamela azy hifangaro tamin’ireo anaram-piangonana ireo, ka nitondra azy nankany an-efitra mba hanofana azy amin’ny alàlan’ny Tenany. Izany ilay karazana—izany ilay karazana izay hijanona amin’ny Tenin’Andriamanitra.

<sup>287</sup> Nivoaka avy tany an-efitra, teo amin’ny faha-telopolo taonany; mieritreritra volombava mainty iray aho manodidina ny tarehiny, misavoritaka; tapaka volon’ondry tranaindy no mirakotra manodidina azy, nitsangana tao anaty fotaka, hatreny amin’ny lohaliny; nanao hoe, “Izaho ilay anankiray izay nampilazaina an’Isaia mpaminany.” Dia nivoaka ny sasany tamin’ireo anaram-piangonana; hoy izy hoe, “Aza mihevitra ianareo ny hilaza ao anatinareo hoe, ‘Izahay manana an’ity sy itsy,’ Andriamanitra dia mahay manangana zanaka ho an’i Abrahama avy amin’ireto vato ireto!” Oh, oadray! Nahoana? Izy no nanana ny HOY NY TOMPO HOE! Izy no nanana ny Hafatra. Efa niteny mialoha Andriamanitra fa ho avy izy. Ary ny antony . . . Tonga tao amin’izany fahatsorana izany izy, nandeha teo an-tampon’ny lohan’izy ireo Izany.

<sup>288</sup> Rehefa tonga Jesosy, dia hoy Izy hoe, “Hijery inona no nivoahanareo, mpikabary ara-tsaina iray izay afaka miova avy amin’ny Metodista ho Batista iray ve, ary avy amin’ny Batista iray ho Presbyterana iray, avy amin’ny Presbyterana iray ho Pentekotista iray, ary Pentekotista iray ho zavatra iray hafa? Nivoaka mba hahita zozoro ahozongozon’ny rivotra ve ianareo? Tsy i Jaona!” Hoy Izy, “Nivoaka mba hahita lehilahy iray izay mitafy akanjo landy tsara àry ve?” Hoy Izy hoe, “Any amin’ny lapan’ny mpanjaka izy ireo, izany karazana mpitoriteny izany.” Hoy Izy hoe, “Hahita inona no nivoahanareo, mpaminany iray ve?” Hoy Izy hoe, “Mihoatra noho ny mpaminany iray!”

<sup>289</sup> Mihoatra noho ny mpaminany iray i Jaona. Ary, jereo, tonga toy ny manetry tena indrindra tamin’izy rehetra ireo izy. Saingy mihoatra noho ny mpaminany iray izy. Fantatrareo ve hoe inona i Jaona? Izy no iraky ny fanekena. Azo antoka, izany izy. Lasa nihoatra noho ny mpaminany iray izy. Ny *mpaminany dia* mpahita iray izay mahita zavatra. Jaona dia nahita, ihany koa, saingy nihoatra noho izany izy. Izy no iraky ny fanekena. Hoy Izy hoe, “Hia, io ilay voalaza hoe, ‘Haniraka ny Irako eo anoloan’ny Tavanao Aho.’” Izany no naha-izy azy, izy no iraky ny

fanekena. Azo antoka. Tao amin'ny fomba tsotra nahatongavany, dia nanajamba an'ilay mahay fotsiny izany.

<sup>290</sup> Ankehitriny dia tsy maintsy hamarana tsy ho ela mihitsy isika, eo amin'ny minitra vitsy amboniny eo, manana zavatra vitsy aho eto izay tiako lazaina, Soratra vitsivitsy sy naoty iray.

<sup>291</sup> Ahoana ny amin'ilay mpitondratena niaraka tamin'ny koba eran'ny tànana? Tonga tao amin'ny fahalemeny izy, matin'ny hanoanana angamba ny tenany. Tsy nanana koba izy. Tsy afaka nandeha na taiza na taiza izy ka nisambotra koba, tsy nisy olon-kafa nanana anankiray. Fa tonga teo amin'ny toerana iray izy, mpino lehibe iray, efa lehilahin'Andriamanitra iray malaza ny vadiny. Ary mpitondratena iray izy, niaraka tamin'ny zanaka iray. Ary nanana koba eran'ny tànana fotsiny izy, nefä ampy izany, izay ihany no nilainy; voatokana teo an-tan'an'Andriamanitra, dia nivelona tamin'izany nandrity ny telo taona sy enim-bolana izy, tamin'ny koba eran'ny tànana. Lasa nalemy izy.

<sup>292</sup> Nivoaka izy tamin'io maraina io mba haka tsorakazo anankiroa, ka nanapaka azy ireo ary nametraka azy ireo niaraka. Hitanareo, ireo tsorakazo anankiroa ireo dia ny Hazo fijaliana. Hitanareo? Nanapaka... Hoy izy hoe, "Handeha haka tsorakazo anankiroa aho." Tsy nilaza mihitsy izy hoe, "Haka eran'ny sandry aho," ankehitriny, tsorakazo anankiroa fotsiny. Izay ilay izy. Hitanareo ve ilay mari-pamantarana?

<sup>293</sup> Ary, hia, ilay fomba tranainy fahiny... Ny fomba handrehetana afo iray ankehitriny, dia maka vatan-kazo ka mampifanapaka azy ireo, mandoro azy ireo eo afovoany mihitsy. Rehefa mandeha milasy aho, izaho... any an-tendrombohitra amin'ny andro alina, misakana mba tsy hivaingana, dia mametraka vatan-kazo iray tahaka an'izao aho ary vatan-kazo iray tahaka an'izao, ary amin'ny andro alina dia manohy manosika fotsiny an'ireo tendrony, ary mandoro azy avy hatrany tahaka an'izany ilay izy arakaraky ny ampanatonanareo, hitanareo, eo amin'ilay fifanapahana mihitsy.

<sup>294</sup> "Manana tsorakazo anankiroa aho. Handeha hanao mofo aho, hikarakara an'ity koba ity, ity koba eran'ny tànana ity, ka hanao mofomamy iray ho ahy sy ny zanakolahy. Hihinana an'izany izahay dia ho faty." Tao anatin'ny fahalemena marina tokoa izy, sa tsy izany? Hoy izy hoe... Dia nitodika izy na nanomboka niverina. Oh, io maraina mahamay io! Oh, efa tena ela be tamin'izany no tsy nisy na inona na inona. Ny zavatra rehetra... Tsy nisy rano, ary nihiakiaka ny olona, teo am-pahafatesana ny olona, hatraiza hatraiza; tsy nisy nindramana na taiza na taiza, tsy nisy na inona na inona hatao. Teo amin'ny faran'ny lâlana izy. Tao amin'ny fahalemeny izy. Hoy izy hoe, "Hikarakara an'ity aho ho ahy sy ny zanakolahy, ary avy eo dia

hihinana izahay ka ho faty.” Noho izany dia nitodika izy ka hoy izy hoe... .

<sup>295</sup> “Iray minitra fotsiny!” Nijery tany aoriana izy. Ary niraikitra teo amin’ny vavahady io tarehy antitra misavoritaka io tany, nanao hoe, “Mandehana manao mofomamy kely iray ho ahy aloha, ka ento eto amiko izany.” Oh! “Itondray rano kely eny an-tànanao aho, ary sombi-mofo iray, satria, HOY NY TOMPO HOE!” Oh, oadray, io anankiray io no nanao an’ilay izy. Oh, oadray! Io kely bitika izay nananany io, hitanareo, natokany ho an’Andriamanitra izany. Ampy namoky azy tamin’ny sisa tamin’ny androney izany. Hia. Hitanareo, rehefa nalemy izy dia tamin’izay fotoana izay izy no nahery.

<sup>296</sup> Ny anankiray dia nanana vazy niaraka tamin’ny diloilo kely fotsiny tao anatiny. Ary tsy nanana na inona na inona izy, hamidy ho andevolahy ireo zananilahy anankiroa. Tsy nanana na inona na inona hafa izy azony natao tamin’io vazin-diloilo io. Tsy tena betsaka, teo amin’ny farany izy.

Nilaza taminy i Elia, nanao hoe, “Inona no anananaao ao antranonao?”

Hoy izy, “Diloilo kely fotsiny ao anatin’ny vazy iray.”

Hoy izy, “Mandehana mankany amin’ireo mpiara-monina aminao, mindràma betsaka amin’ireo.”

<sup>297</sup> Teo, jereo, nivonona talohan’ny nitrangan’ilay izy mihitsy aza. Hmm? Mivònòa! Nandre an’io feo io tao anatin’ireo kirihitra voaroy i Davida. Elia nahita rahona iray tahaka ny tènana iray fotsiny ny habeny, nanao hoe, “Mandre ny feon’orana mivatravatra aho.” Raha afaka manana vazy foana vitsivitsy fotsiny manttsy Andriamanitra! Marina izany.

Hoy izy hoe, “Fenoy ho feno azy ireo ny trano.” Amena!

<sup>298</sup> Hitanareo ve izay ilain’Andriamanitra? Tsy maintsy manana vazy foana Andriamanitra. Henoy! Efa nanana fotopampianarana betsaka isika, hadalana ara-pivavahana betsaka, hany ka tonga eo amin’ny faran’ilay barika isika. Misy zavatra anankiray fotsiny sisa tavela, mitodika amin’Andriamanitra sy Ny Teniny. Ary raha hanao an’izany ianareo, dia makà vazy foana vitsivitsy. Esory miala amin’izy ireo ny Metodista rehetra, hiala amin’izy ireo ny Pentekotista rehetra, hiala amin’izy ireo ny Batista rehetra, ka avelao ho vazy fotsiny izy ireo, ary apetraho ao an-trano izy ireo. Ary avy eo dia makà avy amin’ity Vazy ity ka manomboha mandraraka, amena, manomboha mandraraka fotsiny.

<sup>299</sup> Nanana ampy hikarakarana azy sy ireo zanany izy, ary ny zavatra hafa rehetra, ka nandoa an’ireo trosa rehetra. Nahoana? Nahoana? Izay kely nananany fotsiny, dia natokany ho an’Andriamanitra, ka nanaraka ny tenin’io mpaminany io izy, tafavoaka tsara izy.

<sup>300</sup> Andriamanitra, andefaso mpaminany iray izahay izay handray ny Tenin'Andriamanitra, izay tsy haka *zavatra-hafa*, fa manana vazy foana fotsiny. Raha afaka manana vazy foana fotsiny Andriamanitra, ary avy eo dia mandray ny Tenin'Andriamanitra ka mandraraka an'Izany ao amin'ilay olona.

<sup>301</sup> Tsy anankiray izay manao hoe, “Oh, nangovitra aho rehefa nandray Azy. Niteny tamin’ny fiteny tsy fantatra aho rehefa nandray Azy. Nandihy tao amin’ny Fanahy aho.” Adinoy izany, hitanareo, adinoy izany!

<sup>302</sup> Mijanòna fotsiny eo mandra-pahatongan’Izany, izay ihany, mandra-pahafenon’ilay vazy. Izay ilay izy. Tahaka an’izany no anaovanareo azy. Eny, tompoko, ny fahatsoran’Izany! “Feno ireo vazy,” toy ny ahoana no ahafahantsika hijanona eo amin’izany!

<sup>303</sup> Nisy an’ireo mpianatra, nikoropaka tanteraka indray andro, hoy Jesosy tamin’izy ireo, nanao hoe, “Misy vahoaka dimy arivo eto,” ary nanao hoe, “reraka izy ireo, noana izy ireo.” Oh, afaka mijanona eo amin’izany ora iray hafa aho. “Dimy arivo, noana,” misy zato lavitrisa noana!

Hoy izy ireo, “Alefaso izy ireo.”

Hoy Izy, “Tsy misy ilàna ny fanaovana an’izany.” Hoy Izy, “Fahano izy ireo.”

<sup>304</sup> Oh, oadray! Toa hitako izy ireo manangona ny zavatra rehetra izay nety hitany, ary fantatrareo rehefa nanao ny rehetra (ny zavatra rehetra) ho voangona izy ireo izay... Miala tsiny amin'ilay fitenenana hoe, “nanangona.” Fa nanana ny zavatra rehetra izy ireo, hoy izy ireo hoe, “Ankehitriny, eto, nandeha nitety an’ilay toby manontolo izahay. Tsy nahita vola iraimbilanja izahay, noho izany dia tsy afaka hanana an’ilay asam-pitoriana izahay.” Hitanareo? “Noho izany dia manana ny zavatra rehetra izahay eto, saingy ny zavatra tokana izay mety hitanay dia biskitra kely dimy fotsiny ary trondro kely anankiroa avy tamin’ny ankizy kely tsy misy dikany iray” tahaka an’i Davida, nivoaka avy tany an-efitra tany. “Izay ihany no anananay. Izay ihany no mety anananay. Eo amin’ny fiafararanay izahay. Tsy afaka manao na inona na inona hafa izahay, ry Jaona.” Hoy Petera hoe, “Izay ihany no azonay atao. Izay ihany no azonay atao. Eo amin’ny fiafararanay izahay. Izany ihany no zavatra tokana eo amin’ny resaka sakafio izay anananay.”

<sup>305</sup> Eny, afaka maka Soratra kely anankiray fotsiny aho, Asa 2:38, ary izay ihany no ilaintsika, ankatoavy fotsiny Izany. Tsy mila mianatra any amin’ireo seminera ianareo, ny rehetra mikasika an’ity, *itsy*, ilay *hafa*, raiso fotsiny Izany. Hia, izao fotsiny—raiso fotsiny Izany, izay ihany no ilainareo, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho an’ny famelàna ny fahotanareo, ary ianareo ho fenoina Diloilo.” Hitanareo? Aoka ho foana fotsiny,

mivonòna ho an'io Anankiray io, izay ihany no ilainareo. Andraraho indray mitete fotsiny ao anatin'izany, dia diniho izy feno.

<sup>306</sup> Fantatrareo, zara raha nisy ampy tao anatin'io vazy io mba hanaovana indray mitete tao amin'ny tsirairay avy. Angamba naka ny rantsan-tànanay, tahaka an'izao, nandraraka fotsiny tao amin'ny tsirairay avy tahaka an'izao; njery indray dia feno ilay izy. Nandraraka an'ilay izy, hitanareo, izay ihany no nilainy, satria diloilo voatahy izany.

<sup>307</sup> Aza maka ny fahatsapan'ny seminera iray. Raiso ny Tenin'Andriamanitra ka araraho ao Izany, dia jereo hoe ahoana no hamenoany.

<sup>308</sup> Hoy izy hoe, "Eny, karazana indray mitete inona no tsy maintsy ataontsika? Angamba afaka maka zavatra iray avy ao amin'ny Salamo isika."

<sup>309</sup> Raiso izay nolazaiko taminareo hoe, "Mibebaha, ary aoka hatao batisa amin'ny Anaran'i Jesosy Kristy ho an'ny famelàna ny fahotana, ary ianareo ho fenoina avy amin'io Mitete io." Atetevo ao fotsiny izany, dia ho feno avy amin'io Mitete io ianareo. Izany ilay Mitete izay nampiasain'i Petera tamin'ny Andron'ny Pentekosta. Izany ilay Mitete izay nampiasain'i Paoly. Izany ilay Mitete izay nampiasain'ireo mpianatra rehetra. Ny sisa amin'izany dia hampiana, alaivo fotsiny io Mitete io ka araho hatramin'ny farany izany, dia ho mety tsara ny sisa amin'izany.

<sup>310</sup> Aoka halemy! Aoka ho foana! Foano tanteraka, ary manomboka eo dia hitohy hitete izany, ka Andriamanitra no hanao ny sisa amin'ilay fampitetevana. Ataovy fotsiny izany. Mandohaleha dia raiso amin'ny fonareo rehetra izany. Mietre ao amin'ny fonareo izao ankehitriny izao ka manaova hoe, "Andriamanitra, mino an'Izany aho, amin'ny foko rehetra!" Andriamanitra no hikarakara ny sisa amin'ireo mitete, ho feno izany, "Ianareo dia ho fe-...fenoina ny Fanahy Masina."

<sup>311</sup> Ankehitriny dia nanana biskitra kely dimy sy trondro anankiroa izy ireo. Noho izany dia inona no hataon'izy ireo? Noho izany dia nanatona izy ireo ka nanao hoe, "Ity ihany no azonay angonina. Eo amin'ny fiafaranay izahay. Tsy afaka mahita mofo hafa izahay na aiza na aiza, tsy misy olona. Ary ity zazalahy kely ity, angamba nampiseho...mpilalao maditra, nandeha nankany an-tsekoly tamin'io maraina io, nefà nandao ny sekoly ka nandeha nanjono teo. Ary nalainay izy teto teo amin'ilay renirano, tonga mba hihaino izy. Ary, tany, manana dimy izy." Isaorana Andriamanitra ny amin'io zazalahy kely io! Eny, tompoko. Hoy izy ireo, "Izahay...ny zavatra tokana anananay ao amin'ny lâlam-piaianana dia ity mitete kely eto ity." Hoy izy ireo...

<sup>312</sup> Hoy Jesosy hoe, “Ampy izany. Ento eto izy ireo.” Hitanareo? “Ento eto izany, avelao Aho hanana azy. Avelao Aho hanana an’io mitete kely io, Izaho no hikarakara ny sisa amin’izany. Ankehitriny, manohiza mizara fotsiny ianareo arakaraky ny Anomezako anareo avy amin’ity mitete ity.”

<sup>313</sup> Ary ny tsirairay avy aminareo dia aoka handray ny mitete an’ny Asa 2:38 izao maraina izao, ao am-ponareo, ka mandraisa avy eo fotsiny ary diniho Izy manomboka mamaky an’ilay Mofon’Aina ho anareo. Mibebaha ianareo, aoka hatao batisa amin’ny Anaran’i Jesosy Kristy ho an’ny famelàna ny fahotanareo, ary avy eo dia jereo raha tsy mitete ny Fanahy Masina, manohy mitete eo ambonin’*ity* sy mitete eo ambonin’*itsy*, mitete *eto* sy mitete *etsy*, ary mitete *etsy*, ka hisy ny famenoan’ny Fanahy Masina! Marina!

<sup>314</sup> Tsy mila mandeha any amin’ny seminera ianareo. Tsy mila ny ho manan-tsaina ianareo. Ny zavatra tokana tsy maintsy hanananareo dia ny manaiky fa tsinontsinona ianareo. Avelao Andriamanitra no hihazona anareo, Izy no hikarakara ny sisa amin’izany.

<sup>315</sup> Eny àry, avy eo dia hoy ilay Feo hoe, “Ento eto izy ireo.” Izany no ilain’Andriamanitra izao maraina izao, ny hitondra eo Aminy andiana vazy foana. Izy no hikarakara ny sisa amin’izany. Eny, tompoko.

<sup>316</sup> Bartimeo jamba ilay nipetraka teo akaikin’ny vavahady, rovidrovitr’akanjo, nangatsiaka, oh, ny fotoany malemy indrindra, rehefa nandre Feo iray izy, nanao hoe, “Ento eto izy.” Marina izany, izany, indraindray, dia izany no fotoanareo malemy indrindra.

<sup>317</sup> Nisy an’i Maria teo amin’ny fasana, torotoro fo, ny Zazakeliny, ny Zananolahy dia novonoina, ny zavatra rehetra, lasa ny fanantenana rehetra. Dia nandeha izy mba hanosotra Azy, nefá na dia ny Vatany aza dia efa tsy tao. Dia nandre Feo iray izy nanao hoe, “Nahoana ianao no mitomany, ravehivavy?”

<sup>318</sup> Hoy izy hoe, “Nalaín’izy ireo ny Tompoko. Ary izaho...” Zavatra kely mampalahelo, izany dia ny Zanany izay nalaina baraka; nanendaka Azy niboridana tanteraka ka nanantona Azy teo amin’ny Hazo fijaliana iray, ary nanohombo Azy ka namantsika Azy teo, rehefa avy nilaza fa Izy no Mesia, rehefa fantany fa ny Fanahy Masina no nanaloka azy ka niteraka an’io Zaza io. Ny Zanak’Andriamanitra izany. Efa nahita an’ireo Asany izy, sy ny zavatra rehetra, ary nahita mihtsy teo amin’ilay fotoana malemy indrindra...

<sup>319</sup> Ary nitsangana teo Jesosy nanohitra ny ratsy, nitsangana nanohitra an’ireo rafi-pandaminana ireo, nitsangana nanohitra an’ireo Fariseo ireo; ary lasa nalemy ka nanolotra ny Tenany ho amin’ny fahafatesana, ary maty tahaka ny mpanota iray teo amin’ny Hazo fijaliana, nitondra ny fahotantsika. Ireo

Salamo mihitsy, ireo mpaminany izay ninoan'izy ireo mihitsy, no nanonona (an-jato taonany tany aloha) an'ireo Teny mihitsy izay Nolazainy teo Kalvary, nefo diso tsy nahita an'izany izy ireo. Ireo malaza mpiton- . . .

<sup>320</sup> “Ry Andriamanitro,” hoy i Davida, “ry Andriamanitro, nahoana no nahafoy ahy Ianao?” Salamo 22, “Ny taolako rehetra, mibanjina ahy izy ireo, tsy nisy anankiray tamin’izy ireo tapaka. Manifikifika ny lohany izy ireo ka manao hoe, ‘Natoky ny hafa Izzy . . . Izzy—namonjy ny hafa Izzy, nefo tsy afaka mamonjy ny Tenany Izzy.’” Ary ireo zavatra rehetra izay nolazain’ireo mpaminany, dia teo mihitsy! Ary Jesosy, teo am-pahafatesana, nihazona an’io Teny io, nanolotra ny Tenany. Andriamanitra, Imanoela, dia lasa tena nalemy ka nanolotra ny Tenany Izzy ho an’ny fahafatesana, sy ho an’ny fasana, ary ny Fanahiny nankany amin’ny helo. Fahalemena! Fa avy tao amin’io fanoloran-tena feno io . . . dia nivoaka tamin’io marainan’ny Paska io, nanao ny Lèlany avy tao amin’ilay ambany indrindra.

<sup>321</sup> Izzy no ilay Ambony indrindra, nefo lasa ilay ambany indrindra. Tonga tany amin’ilay vahoaka ambany indrindra Izzy, nandeha nankany amin’ilay tanàna ambany indrindra. Ary ilay lehilahy kely indrindra tao amin’ny tanàna dia tsy maintsy niondrika njery Azy. Nandeha avy eo nankao amin’ny fahafatesana, ary avy tao amin’ny fahafatesana nankao amin’ny fasana, ary tao amin’ny fasana nankao amin’ny helo; nankany amin’ilay ambany indrindra izay azo nandehanana, nankany amin’ny helo izay azo noeritreretina, nandeha nankany amin’izany Izzy.

<sup>322</sup> Fa avy eo, avy tao, dia nanomboka nampakatra Azy Andriamanitra. Nandalo ny Paradisa, avy tao nankany amin’ny—nankany amin’ny fasana, avy tao amin’ny fasana nankany amin’ny Voninahitra, ary tena Avo ka tsy maintsy niondrika Izzy mba hijery ny Lanitra. Nanandratra an’ireo Seza fiandardianany tany An-danitra!

<sup>323</sup> Ity reny torotoro fo kely ity, tsy nahafantatra an’izany, nitsangana teo, “Nalain’izy ireo ny Tompoko, nefo tsy fantattro hoe aiza.” Izzy dia . . . ilay ora malemy indrindra izay hany nananany. Ny—lasa ny Tompony. Nanohombo Azy izy ireo, kanefa Izzy namela an’io . . . nanohombo Azy tao amin’ny henatratra tamin’ny fanantonana Azy teo nitanjaka teo anatrehan’ireo vahoaka ireo; sy nandefona Azy teo amin’ny lanivoho, ka nivoadrà, ary nandre Azy niantsoantso teo amin’ny Hazo fijaliana, ka nahita ny tany nihozongozona, ary ny lanitra manontolo dia nanaiky fa maty Izzy. Nampidina Azy, nihinjitra sy nangatsiaka, ary nametraka Azy tao am-pasana. Nieritreritra izy hoe, “Ireo fanajana farany izay azoko atao ho an’ny Zanako malalako dia ny tonga ka hanosotra Azy, nefo ankehitriny dia nalain’izy ireo Izzy.” Dia nitsangana teo izy nitomany, io reny kely nitsangana teo io nitomany, nigogogogo. Oh, ilay fotoana malemy indrindra!

“Nahoana ianao no mitomany, ravehivavy?” izany ilay Feo taoriany.

<sup>324</sup> Nihevitra izy fa ilay mpikarakara ny tokotanim-pasana izany, hoy izy, “Oh, nalaïn’izy ireo...” Tsy afaka nitodika akory aza izy, tena nalemy izy. Hoy izy hoe, “Efa nifoha aho ankehitriny nandritr’ireo telo andro sy alina rehetra ireo. Nitsangana aho ary nandinika an’ilay fanohomboana, nandinika ny Malalako manokana aho izay fantattro fa ny Zanak’Andriamanitra. Fantattro fa izany Izzy! Kanefa izy ireo...” (Nijery an’ilay ilany hafa, nefä Izzy taorian.) “Ary nentin’izy ireo Izzy ka nohomboan’izy ireo Izzy. Nahita Azy nanangana ny maty avy tao am-pasana aho. Nahita Azy nanao fahagagana sy fahagagana aho. Ary fantattro fa ny Fanahy Masina... Andriamanitra no mahafantatra ny foko, tsy manantsiny tamin’ny inona na inona aho, fa ny Fanahy Masina no nanome ahy an’io Zazakely io tsy nahalala lahy. Toy ny ahoana no ahafantarako fa marina izany! Ary nahita Azy nalaim-baraka aho ary... nanendaka ny Akanjony niala Taminy, sy nanantonan Azy teo ka nikapoka Azy. Maty tamin’ny fahafatesana mahatsiravina indrindra Izzy. Tiako Izzy, tsy ahoako izay natao Taminy. Mbola te-handevina Azy foana aho, izaho maniry—maniry ny hanome Azy an’ilay karazana fandevenana tsara aho, nefä nalaïn’izy ireo Izzy. Izaho efa isan’andro isan’andro, torotoro ny foko. Mitsangana ao anatin’izao toerana izao fotsiny aho. Tsy fantattro izay nanaovan’izy ireo ny Tompoko.”

<sup>325</sup> Hoy Izzy hoe, “Maria.” Ary tamin’izay fotoana izay izy dia nahery. Amena! “Mandehana teneno ireo Mpianattra fa hihaona amin’izy ireo Aho any Galilia.” Oh, oadray!

<sup>326</sup> Tao amin’ny fahalemena arak’izany no nanaovana antsika hahery. Rehefa malemy ianareo, dia amin’izay ianareo vao lasa mahery.

<sup>327</sup> Petera, rehefa avy nanjono izy tany, izy dia... ny asany dia nanjono. Karazany tiako ny asany. Ary noho izany, nanjono izy tany, kivy tanteraka, nahafantatra fa nandà an’i Kristy izy. Oh, oadray! Nandre an’io Mpaminany io nitsangana tany ka niteny taminy hoe, “Petera, milaza ve ianao fa tia Ahy?”

<sup>328</sup> Hoy izy hoe, “O Tompo, Fantatralo fa tia Anao aho.” Hoy izy hoe, “Tia Anao aho. Vonona ny ho faty ho Anao aho.”

<sup>329</sup> Hoy Izzy hoe, “Petera, mihevitra ianao fa entitra amin’izany, saingy handà Ahy intelo ianao alohan’ny... Handà Ahy ianao alohan’ny anenoan’ny akoholahy fanintelony. Hitanao, handà Ahy intelo ianao alohan’ny anenoan’ny akoholahy.”

<sup>330</sup> Ary avy eo dia nahita an’izany niseho, rehefa nitsangana teo izy ka nanao hoe “Tsy fantattro Izzy. Tsia, tsy mahafantatra na inona na inona mikasika an’ireo Pentekotista eo ireo aho.”

<sup>331</sup> Tsy fotoana hijanonana hitory teny izao, ny famantaranandroko fotsiny izany maneno izany. [Naneno

ny fanairana teo amin'ny famantaranandron-dRahalahy Branham—Mpand.] Hitanareo? Nilaza fa, “Izaho—fantattro...” Izaho—natao hijanona aho ankehitriny, saingy izaho—tsy afaka mijanona amin’izao fotoana izao mihitsy aho, hitanareo, noho izany dia tsy maintsy mamarana an’ity aho eto iray minitra fotsiny.

<sup>332</sup> Hoy izy, “Izaho—izaho—izaho—fantattro fa nandà Azy aho. Nandà Azy teo amin’ny fanatrehan’i Pilato aho. Nandà Azy nanatrika aho rehefa tonga nanodidina ahy io ramatoa kely io, nanao hoe, ‘Tsy isan’izy ireo ve ianao?’ ‘Tsia!’ Ary niozonozona mihitsy aza!” Oh, tao amin’ny toerana iray nahatsiravina izy. Hoy izy, “Izaho—izaho—izaho...” Nandà izy... Nandà Azy izy. Ary nahita an’i Jesosy nitsangana izy ka njery, tamin’izay fotoana izay no naneno ilay akoholahy, njery an’i Petera. Nivoaka izy. Oh, kivy tamin’ny tenany izy, nanao hoe, “Nahoana aho no ela velona?”

<sup>333</sup> Ary avy eo, ankoatr’izany, dia hoy izy hoe, “Mihevitra aho fa hiverina ka handeha hanjono indray. Tsy afaka mitory teny intsony aho, noho izany dia hiverina fotsiny aho ka hanomboka hanjono.” Nanipy ny haratony izy ary nandatsaka ny alina manontolo, fa tsy nahazo trondro. Ary tao amin’ny toerana malemy iray izy, tsy nahazo na inona na inona izy, kivy tamin’ny tenany, tonga teo amin’ny faran’ny fahaizany.

<sup>334</sup> Eny, nihevitra izy fa lehilahy malaza iray, nanapaka ny sofin’ny zanak’ilay mpisoronabe tahaka an’izany. Eny, nihevitra izy fa lehilahy malaza iray, fantattrareo, nianatra zavatra iray izy. Saingy tsy nahafantatra na inona na inona izy! Tsy maintsy nohadinoiny ny rehetra mikasika an’izany.

<sup>335</sup> Ary teo izy, nanao hoe, “Eny, mahafantatra zavatra anankiray aho, mpanjono iray aho. Mbola afaka manao ny fivelomako foana aho, manjono.” Nanipy izy ny alina manontolo nefá tsy nahazo na inona na inona. Oh, fahakiviana toy ny inona! Isaky ny misintona an’izany izy, dia harato foana iray. Dia tena kivy izy! Teo amin’ny toerana malemy indrindra izy, hoy izy, “Mahatsapa toy ny hoe hiala ato amin’ity lakana ity mihitsy aho. Tsy mendrika na inona na inona aho, na ahoana na ahoana.”

Hoy Izy hoe, “Nahazo trondro ve ianareo, rankizy?”

<sup>336</sup> Nijery teo amin’ny morona, ka indro nitsangana ny Lehilahy iray. Hoy izy hoe, “Tsia, efa niasa mafy izahay nandrity ny alina manontolo fa tsy nahazo na inona na inona. Nihevitra aho fa mpanjono iray aho.”

“Ianao ve io, ry Simona?”

<sup>337</sup> “Hia. Eny, miasa mafy aho nandrity ny alina manontolo fa tsy nahazo na inona na inona. Oh, izaho—izaho... Tsy nahazo trondro izahay eto.”

Hoy Izy hoe, “Eny, atsipazo eo amin’ilay ilany hafa ny haratona.”

<sup>338</sup> “Izahay efa nanao . . . Inona?” Tamin’izay fotoana izay izy no la- . . . Hoy izy, “Eo amin’ilay ilany hafa? Efa nataonay izany!”

“Atsipazo eo amin’ilay ilany hafa ilay izy.”

<sup>339</sup> Natsipiny ny haratony, dia nisintona izy. Hoy izy hoe . . . Tamin’izay fotoana izay izy no lasa mahery. Oh, oadray! Norambasany ny palitaon’ny mpanjonony antitra ka napetrany nanodidina azy izany, hoy izy, “Rahalahy, Izy Io!” Dia nihoarany ny sisa tamin’izy ireo teo amin’ny morona, talohan’ny nahafahan’izy ireo nivoy an’ireo lakana haingana mihitsy arak’izay vitan’izy ireo, dia nihoarany izy ireo, niaraka tamin’ny palitaon’ny mpanjono iray nanaovana, tonga teo amin’ny morona. Nahoana? Rehefa nahery izy. Rehefa nahery izy dia tsy afaka nanao na inona na inona, fa rehefa lasa nalemy izy tamin’izay fotoana izay dia lasa nahery izy. Eny, tompoko.

<sup>340</sup> Oh, ny paik’adin’Andriamanitra dia ny mitondra an’ireo vazin’olombelona foana ka manozongozona an’izao tontolo izao amin’izy ireo. (Ankehitriny, kely fotsiny dia handeha isika.) Tahaka ny tamin’ny Pentekosta, tamin’ny Pentekosta, inona no Nataony? Nila folo andro izy ireo mba ho lasa foana tanteraka. Fa nitsangana teo izy rehetra niaraka tamin’ny vaziny nitodika niakatra, ka nitondra ny Tenany Andriamanitra ka nameno azy ireo. Izay ihany! Nanozongozona an’izao tontolo izao izy ireo; nandraraka ny Tenany tao amin’izy ireo.

<sup>341</sup> Izany no ilain’izao andro izao. Izany no ilaintsika amin’izao andro izao, dia vazy foana, eny, tompoko, mba ahafahan’Andriamanitra mameno azy ireo. Ary tsy afaka maka azy ireny ianareo . . . Tsy maintsy nandingana betsaka aho eto. Tsy afaka hampiasa azy ireny Andriamanitra raha efa feno izy ireo. Raha feno fiofanana teologika ianareo, dia tsy afaka mampiasa anareo Andriamanitra. Tsy maintsy manana vazy foana Andriamanitra ka *Izy* no afaka mameno azy ireo.

<sup>342</sup> Ankehitriny, tsy nilaza i Elia hoe, “Mandehana maka vazy vitsivitsy ka mindràma diloilo betsaka, dia ho hitantsika raha afaka hahazo tombom-barotra tsara iray eo amin’izany isika, ary manana amboniny kely ianao ka afaka hamerim-bola amin’ny mpiara-monina aminao tahaka an’izany.” Hoy izy hoe, “Mandehana maka vazy *foana*. Izay ihany no ilainao.”

<sup>343</sup> Tahaka an’izany ilay izy tamin’ny Pentekosta, nanana vazy foana izy ireo mba ahafahan’Andriamanitra nameno azy ireo. Rahalahy, izany no takian’ity andro ity. Ity andro ity; tsy maintsy manana an’izany. Hanana an’izany isika fa raha tsy izany dia levona. Hamarana aho ankehitriny, henoy. Tsy maintsy manana an’izany isika fa raha tsy izany dia levona. Eny, tompoko.

<sup>344</sup> Ireo milina ara-pivavahana goavana izay ananantsika, ireo milin’ny fiangonana goavana dia feno karbôna, misy

fandonana ara-panahy iray ao anatin'izy ireo. Ato any ho any Rahalahy Collins, sy Rahalahy Hickerson. Heveriko fa ratsy ilay vilebrequin. Nisy zavatra tsy nety tao. Mampiasa an'ilay karazana lasantsy ratsy izy ireo, feno karbôna tanteraka izany. Mampiasa fahatsapan'ny seminera izy ireo raha tokony ho ny Fanahy Masina.

<sup>345</sup> Ireo fifohazantsika malaza ato amin'ny firenena, ny lehilahy malazantsika, ny asam-pitoriantsika an'ny fanasitranana, dia tsy nahomby daholo. Fantatsika fa tsy nahomby izany. Jereo ny evanjelistsika hajaina, Billy Graham, nitety ny firenena nandroso sy niverina, nandroso sy niverina, nandroso sy niverina. Inona no soa nataon'izany? Oral Roberts, ireo asam-pitoriana an'ny fanasitranana hatraiza, nefà miharatsy kokoa hatrany ilay izy.

<sup>346</sup> Satria ny rehetra dia Batista, Presbyterana, Assemblées de Dieu, ireo rafi-pandaminana hafa samihafa ireo, nanangona azy rehetra, inona izany? Milina ara-pivavahana goavana be iray, ka nofenoin'Andriamanitra karbôna ho anareo izany. Ankehitriny dia mitefotefoka fotsiny izy, “teff,” mipaompy, mipaompy, mipaompy, “teff,” mipaompy, mipaompy, mipaompy, kely fotsiny eto sy etsy. Vita ny aminy! Tapitra ny aminy! Lany ny lasantsy, nandraraka rano tao anatiny ianareo. Lasa ny zavatra rehetra (eny, tompoko), noana ireo kodiarana eo amin'ny lafiny roa. Ao amin'ny toerana iray mahatsiravina isika. Nijanona ilay milina ara-pivavahana.

<sup>347</sup> Ary, rahalahy, niendaka avy tao amin'ny helo ilay sarona. Marina izany. Ary miraraka avy hatraiza hatraiza ireo reniranon'ny herin-demony. Nandresy an'ireo firenena izany. Nandresy an'ireo politika izany hany ka lò hatrany amin'ny tsoka ilay izy. Nandresy an'ireo fiangonana izany hany ka tsy mahafantatra afa-tsy anaram-piangonana izy ireo.

Hoy ianareo hoe, “Kristiana ve ianao?”

“Metodista aho.”

“Kristiana ve ianao?”

“Izaho dia—Pentekotista aho.”

<sup>348</sup> Izany dia tsy midiaka mihoatra ny, araka ny nolazaiko indray andro, hoe kisoa iray, na kisoavavy iray, na soavalys iray, na zavatra iray. Tsy misy idiran'izany amin'io. Kristiana ianareo rehefa nateraka indray ka feno ny Fanahy Masina, tsy hoe talohan'izany, ary nanolo-tena manontolo ho an'ny Fanahy ianareo. Raha tsy nanolo-tena ho an'ny Fanahy ianareo, amin'izay fotoana izay ianareo dia tsy nateraka indray ary tsy manana ny Fanahy Masina. Afaka miteny amin'ny fiteny tsy fantatra sy mangovitra ianareo, sy mitsambikina sy mihazakazaka, ary manao an'ireo karazana rehetra an'ny . . .

<sup>349</sup> Hoy Paoly hoe, “Afaka mamindra tendrombohitra amin’ny finoana aho, afaka manasitrana ny marary aho, afaka manana fahalalana ny Baiboly aho, afaka mandeha mankany amin’ny seminera iray aho ary mampianatra an’ity karazan-javatra rehetra ity, ny zavatra rehetra,” hoy izy, “kanefa tsinontsinona aho!” Haleloia!

<sup>350</sup> Oh, oadray, miresaka mikasika an’ilay sarona niala tamin’ny famanan-drano! Mandeha manodidina ireo demony, ireo herin-devoly, eo ambanin’ny anaran’ny Kristianisma, “mampianatra ho Foto-pampianarana an’ireo didin’olona,” foto-pampianarana teolojika an’ny seminera, mamela ny Baiboly hipetraka tsara.

<sup>351</sup> Haleloia! Iza no afaka mba, iza no mahery tsara, iza no hendry tsara? Iza no mahery tsara mba hamolaka an’io legiona izay manendaka ny akanjon’ireo vehivavintsika io, amin’ny anarana hoe mpitoriteny, Metodista, Batista, ary Pentekotista mihitsy aza? Mandoko ny tarehiny tahaka an’i Jezebel, ary manapaka ny volony, sy manao pataloa tahaka ny lehilahy mihitsy. Ireo mpitory tenintsika, tsy mitsangana tsara mikasika azy ireny mba hiteny azy ireo mikasika an’izany. Azon’ny devoly! Ilay legiona no nanaisotra ny akanjony hiala taminy. Iza io devoly mierona io?

<sup>352</sup> Iza no mahery tsara? Karazana a—anaram-piangonana inona no afaka handresy azy mandeha mandroso sy miverina eo amin’ireo vatom-pasan’ny anaram-piangonana ireo, miantsoantso hoe, “Efa lasa ireo andron’ny fahagagana, ka tsy mila ny Fanahy Masina isika”?

<sup>353</sup> Ary iza no afaka hamolaka an’io devoly io? Andriamanitra! Tsy afaka manao an’izany amin’ny alàlan’ny anaram-piangonana isika. Tsy afaka manao an’izany amin’ny alàlan’ireo hery ara-pivavahana isika. Fa nisy Feo iray indray mandeha izay nanao an’izany, amena, izany no namolaka an’ireo devoly ireo, nametraka azy ireo tao amin’ny sainy tsara ka nanisy akanjo teo amin’izy ireo. Io Feo iray io ihany no nanome antsika teny fikasana iray hoe, “Ireo asa izay Ataoko no hataonareo koa.” Tsy hanao an’izany eo ambanin’ny lasantsy ara-pivavahana ao amin’ny fiara iray misy karbôna mihitsy ianareo. Tsy hanao an’izany ao amin’ny rafi-pandaminana iray mihitsy ianareo. Hanao an’izany ianareo rehefa foana ka lasa malemy ianareo, mandraraka ny tenanareo rehetra hivoaka, ka mamela ny Fanahy Masina hiditra ka hikopaka ny ampahany tsirairay aminareo, hameno ny sarona rehetra an’ny vatanareo. Izany no tokana... hanao an’izany. Tsy mila rafi-pandaminana iray vaovao isika.

<sup>354</sup> Ny ilaintsika, O Andriamanitra, tsapako mirarakana manerana eto Izany ankehitriny. Ny ilaintsika dia mpaminanin’Andriamanitra iray hitsangana miaraka amin’ny kotoobaratra iray an’Andriamanitra, tselatra ara-panahy izay hanozongozona an’ity izao tontolo izao ity ho menatra!

Haleloia! Vazy foana no Ilainy, marina izany, Fiagonana iray nantsoina hivoaka, havitsiana kely iray izay handray ny herin'Andriamanitra sy ireo fitahiana ary Ny Hafany. Haleloia! Izany no ilaintsika.

<sup>355</sup> Aoka halemy mba ahafahanareo ho lasa mahery. Izany no handresy ny devoly tsirairay. Izany no hametraka an'ilay nianatra ho menatra. Izany no hitondra lehilahy sy vehivavy izay nantsoin'Andriamanitra, ary izany irery ihany.

<sup>356</sup> Tsarovy, "Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona, fanahy valo no voavonjy." Tamin'ny andron'i Elia dia nisy fito arivo fotsiny no nanana Azy. Oh, eritrereto fotsiny hoe aiza isika no miaina ankehitriny. Rehefa tonga teo amin'ny sehatra i Jaona, dia tao amin'ny havitsiana marina tokoa ilay fiagonana kely, saingy nisy vazy foana teo mba handrarohana an'ilay Dilolo. Haleloia!

Andriamanitra, avelao izahay hanafoana ny tenanay.

<sup>357</sup> Aoka ho foana, ry sakaiza. Aoka halemy! Lavo ireo fahaizanareo manokana! Ary ianareo ao amin'ny radio...tsy radio, fa ao amin'ny...izay mihaino an'ireto horonam-peo ireto, na aiza na aiza ahatongavan'izy ireo, foano ny tenanareo. Araraho eo ambonin'ny alitaran'Andriamanitra ho fanatitra iray ny tenanareo. Avelao ho tonga ilay Anjely miaraka amin'ny vain'Afo, hameno an'io vazy io amin'ny herin'Andriamanitra Tsitoha. Aoka... Amin'izay fotoana izay dia Izy no hanao anareo ho mahery, Izy no hanome anareo fahasoavana mba hijoro.

Ndao isika hanondrika ny lohantsika iray minitra.

<sup>358</sup> O Tompo, lasa ny Alahady maraina iray hafa, ary nipetraka tao amin'ity fiagonana mihaja ity izahay, izay misy an'ireo lehilahy sy vehivavy izay mahafantatra Anao, izay onenan'Ny Fanahinao ao anatin'ny fon'izy ireo, ary mino Anao izy ireo ka niasa teo amin'ny Teny tsirairay izay Ianao—izay Nanirahanao anay mba hatao. Ary misaotra Anao izahay ny amin'ireto olona ireto.

<sup>359</sup> Ary mety misy hafa any amin'ny firenena izay handehanan'ireto horonam-peo ireto, izay hitondran'ireo vehivavy sy lehilahy kely manetry tena azy ireo any an-trano sy any amin'ireo foko ary any amin'ireo firenena hafa. Ary enga anie izy ireo handre, Tompo, sy hahazo, hanafoana ny tenany mba ahafahan'ny Fanahy Masina hameno azy ireo.

<sup>360</sup> Mety misy sasany mihitsy aza eto izao maraina izao, Tompo, izay ho...nanafoana ny tenany hatramin'ny nanombohanay niresaka, izay nahafantatra fa natoky be loatra ny fisainan'izy ireo manokana izy ireo, an'ny azy ireo manokana, izy ireo...fahaizany manokana, natoky ny—ny fahiratan-tsain'ny sain'olombelony tsotra manokana, izay tsy misy afa-tsy fahalotoana eo anatrehan'Andriamanitra. O Andriamanitra, enga anie izy ireo hanafoana ny tenany ankehitriny, hanolotra

ny tenany am-panetre-tena ka ho tonga ho an'ny famenoan'ny Fanahy. Ekeo izany, Tompo.

Izao no voalaza ao amin'ny Baiboly hoe, “Izay rehetra nino dia natao batisa.”

<sup>361</sup> Mipetraka ato amin’ity tranobe ity izao maraina izao, Ray, ny vehivavy kely iray, mipetraka eto any amin’ny farany aoriania, ary mahatsiaro an-dRtoa. Hicks aho nitady ahy indray hariva ary nandry tany tsy nisy afa-tsy taolana, ilay mahia, ilay hoditra mahia kely nivelatra nanerana azy, ny homamiadana no nandany azy tanteraka; ny vadiny, tsy mbola Kristiana. Ary tsaroako ilay vavaka izay nivavahako tamin’io hariva io hoe: “Andriamanitra, Ianao no naniraka an’i Davida kely hanenjika liona iray niaraka tamin’ny antsamotady tsotra kely iray, ka nentiny niverina ilay zanak’ondry.” Hoy aho hoe, “Ity homamiadana ity no nahazo ny anabaviko; devoly iray izy. Fantatro fa Andriamanitra Ianao. Efa nahita Anao aho, Tompo, ary fantatro. Efa niresaka Taminao aho, ary efa namaly ahy Ianao.” “Tonga aho manenjika ny ondrin’Andriamanitra; ry homamiadana, avotsory izy!” Avy eo dia naniraka azy tamin’ny Anaran’i Jesosy Kristy mba “Handeha hody.” Ary ny vadiny, izay tsy mbola nanolo-tena, dia nino an’izany Teny izany ka nitondra ny vadiny nody. Eto izy izao maraina izao, vehivavy mahery lehibe iray salama, lasa ny homamiadana, tonga izy izao maraina izao mba hatao batissa amin’ny Anaran’i Jesosy Kristy. O Andriamanitra, misaotra Anao noho io vazy foana vonona ny hofenoina io. Andriamanitra, mivavaka aho mba Hitahianao an’io fanahy io.

<sup>362</sup> Tompo, ohatra iray amin’ireo maro hafa fotsiny izany. Mivavaka aho mba hijanonan’ireo Fitahianao eo amin’ity mpanatrika ity, am-panajana, Andriamanitra, am-panajana. Raha...

<sup>363</sup> Zavatra anankiray ihany no tavela, Ray, izay azoko jerena, izany dia, na Ianao hitsangana any ho any miaraka amin’ny vazy foana vitsivitsy ka hanao an’ity izao tontolo izao ity ho menatra ny tenany, na handefa an’i Jesosy haingana mihitsy. Satria eto ny farany, Tompo, dia zavatra roa ihany no tavela mba ho vitaina (ary tsy maintsy hitanay avy hatrany izany) satria fantatray fa eo amin’ny farany izany; na izahay hahita zavatra iray mahery hitsangana avy hatrany, na izahay hahita ny Fihavian’ny Tompo.

<sup>364</sup> Tanteraka ny faminaniana rehetra. Ny zavatra farany alohan’ny hananganana an’ilay Fiagonana, alohan’ny hampakarana Azy ao amin’ny Apokalypsy ny toko faha-3, dia ny fahatongavan’ny iraka iray ho an’ilay Taom-Piangonan’i Laodikia, izay “hamerina ny fon’ny olona amin’ireo ray tany amin’ny voalohany,” hanao azy ireo hiverina amin’ilay Pentekosta mahazatra, izay ihamboan’izy ireo fa ananany. Hisy an’alinaliny, tahaka ny tamin’ny andron’i Noa, Tompo, izay

ho very. Maro amin'izy ireo no ho very. Mahita an'izany efa tanteraka izahay, Ray.

<sup>365</sup> Avia, Tompo Jesosy, akaro Ny Fiangananao. Ary raha izay no Sitrakao, Tompo, alohan'ny ampakarana an'io Fianganana io, dia enga anie hitsangana ny Hery. O Andriamanitra, fenoy ireto vazy ireto. Atsangano izy ireo, Tompo! Ozongozony indray mandeha indray ity izao tontolo izao ity! Fantatray fa ho lasa ny fotoana, tsy hisy fibebahana intsony amin'izay fotoana izay, ho lasa lavitra loatra ho azy ireo izany amin'izay fotoana izay. Fa asehoy Ny Herinao, Tompo, fenoy ireto vazy ireto ka ozongozony ity izao tontolo izao ity toy ny tsy mbola nihozongozonany mihitsy tany aloha! Raiso Ny Fiangananao avy eo. Avelao ho ao anatin'ny fahapotehana izay itoerany izao tontolo izao, O Andriamanitra, mitolona izy ireo.

<sup>366</sup> Avy eo dia fantatray fa ho tonga amin'ireo Jiosy ilay Fanahy Masina lehibe amin'izay fotoana izay. Rehefa nahita an'ireo efatra arivo amby efatra alina amby iray hetsy nitsangana teo amin'ny Tendrombohitra Sinay izahay, nitsangana niaraka tamin'ny Zanak'ondry, saingy efa tany An-danitra ny Ampakarina. Efa nakarina Izy, ka niverina ny Zanak'ondry (Josefa) mba hampahafantatra ny Tenany tamin'ny Olony. Ary ny Baiboly no nilaza fa hisy fisarahana eo anivon'izy ireo rehefa hijery izy ireo ka hahita Azy mitsangana eo. Rehefa mampahafantatra ny Tenany Izy, dia hilaza izy ireo hoe, "Taiza no Nahazoanao an'ireo holatra ireo?"

Hoy Izy hoe, "Tao an-tranon'ireo Sakaizako."

Amin'izay fotoana izay dia hilaza izy ireo hoe, "Izy no nohomboantsika."

<sup>367</sup> Dia hilaza tahaka ny nolazain'i Josefa Izy hoe, "Aza manahy, satria Andriamanitra no nanao an'izao mba hamonjy ny ain'ireo Jentilisa. Tsy fahadisoanareo izany." Avy eo dia nilaza izy ireo fa hisaraka, ny fianakaviana iray hiala tamin'ilay hafa, hitomany izy ireo toy ny hoe nesorina niala tao an-tokantrano ny zanakalahy tokana iray.

<sup>368</sup> O Ray, akaiky io andro io, izany no fiafarlan'ireo Fitopoloo Herinandro. Fa antomotra ny andro, Tompo.

<sup>369</sup> O Andriamanitra, enga anie ilay feo—ilay feon'ireo mpaminanin'Andriamanitra marina hiantsoantso mafy hanohitra an'io ramatoa moderin'ny andro io, io fianganana moderina io, io teolojia moderin'ny fianganana io.

<sup>370</sup> Ozongozony ireo mpitory teny izay matahotra ny hilaza ny Fahamarinana ireo. O Andriamanitra, ento ireo lehilahy ireo ka ozongozony izy ireo tsy tahaka ny tany aloha mihitsy, ataovy menatra ny tenany izy ireo.

<sup>371</sup> Fa ity zavatra anankiray ity no fantatray, ka afaka mijanona miaraka amin'ny fahatokiana feno izahay, hoe, "Tsy misy

olona hanatona raha tsy ny Ray no mitarika azy. Ary izay rehetra nomen'ny Ray no hanatona." Ho tonga any amin'izay Irianao hahatongavany mihitsy izy ireo. Fa hoy Ianao hoe, "Aza matahotra, ry ondry vitsy, fa sitraky ny Rainareo ny hanome anareo ny Fanjakana." Fantatray fa marina Izany. Nampitandrina anay foana Ianao fa hisy tena, tena vitsy fotsiny ny ho vonona rehefa tonga io fotoana io. Amin'izay fotoana izay dia hisy fitsanganana lehibe iray, ka ny navotana rehetra izay navotana nanerana an'ireo taona dia hitsangana. Fa amin'ity andro farany ity, amin'ny fiafaran'ny fotoana mihitsy, eo dia ho ao amin'ny havitsiana tokoa ilay Fiagonana.

<sup>372</sup> Koa hitanay izany, Ray, hitanay ilay Hafatry ny andro. Hitanay ilay fandàvana an'Izany, hitanay ireo fisaratsarahana, hitanay ireo zavatra rehetra ireo.

<sup>373</sup> Hitanay ny Vahoakanao miaiky fa izy ireo dia tsy...izy ireo dia "tsinontsinona." Te-ho feno Anao izy ireo, Tompo. Ankehitriny, mivavaka aho mba Hanozongozonanao an'izao tontolo izao miaraka amin'izy ireo, andro vitsy fotsiny alohan'ny Fihavian'ny Tompo.

<sup>374</sup> Ankehitriny dia misy aretina eto afovoanay, misy ireo olona izay mila fanasitranana ara-batana. Tsy tianay ny hamela azy ireo, Tompo, satria izao no voalaza hoe, "Aza adinoina ireo Zava-tsoany rehetra: Izay mamela ny helokao rehetra; ary Izy no manasitranana ny aretinao rehetra." Mivavaka izahay mba ho eo amin'ny tsirairay avy izay eto ny herin'ny Fanasitranany lehibe. Raha afaka mamonjy fanahy iray tsy manao fihetsehana iray Ianao eo, ny fony fotsiny no mitodika mankany Aminao, dia tsy mihoatra noho izany ve no Ahafahanao manasitranana vatana iray!

<sup>375</sup> Indro misy mosara mipetraka eto. Mitso-drano azy ireo amin'ny Anaran'ny Tompo Jesosy aho, tahaka ny nataon'i Paoly Apostoly malaza. Enga anie ho sitrana na iza na iza mitondra an'ireto mosara ireto. Enga anie ho voaorina indray ireo tokantrano rava. Enga anie ireo ankizy kely, tsy manana ray iray, tsy manana reny iray, ary nisaraka izy ireo, enga anie ho tafaray indray izany tokantrano izany. Ekeo izany, Tompo. Sitrano ny marary rehetra ankehitriny, sy ny ory, raiso ho an'ny Tenanao ny voninahitra.

<sup>376</sup> Ary, Tompo, izahay izay miezaka mihazona ny vazinay ambony, ny masonay ambony, ny fonay ambony mankany Aminao, mandà fa tsy mikambana amin'ity izao tontolo izao ity akory aza izahay. Ny Baiboly no nilaza fa "Niala tao amin'ny tranony i Abrahama, niala tao amin'ny tanànany, mba hivahiny ao amin'ilay tanin'ny teny fikasana, niaiky fa izy dia 'tsy avy amin'ity izao tontolo izao ity' fa izy dia 'mpivahiny sy vahiny iray.'" Abrahama sy Isaka ary Jakoba, ny rehetra izay nanao an'ity fanambarana ity hoe izy ireo "dia tsy avy amin'ity izao

tontolo izao ity,” dia manambara fotsiny izy ireo fa misy Tanàna iray izay Andriamanitra No Mpanorina sy Mpanao, ka handeha ho any amin’izany.

<sup>377</sup> Enga anie hiova ireo fo izao ankehitriny izao raha mbola mivavaka aho, Ray, ka enga anie ho raisina ireo toe-tsaina. Ary rehefa tonga ny fotoan’ny batisa, dia enga anie hisy fanairana iray tahaka an’izany eo anivon’ny olona, enga anie hisy olona izay tsy mbola nieritreritra an’izany mihitsy tany aloha, enga anie ho voambara izany. Ary Ianao no nilaza fa izay rehetra Nantsoinao, Ianao—Ianao no haniraka.

<sup>378</sup> Ankehitriny, dia apetrako Aminao izany rehetra izany, Tompo, miaraka amin’ity hafatra kely tapatapaka ity avy amin’ny vazy mahantara iray tsy misy na inona na inona ao anatiny, Tompo. Mivavaka aho mba Handraisanao fotsiny an’ireo Teny ireo ka hampitsonika azy ireo ao anatin’ny fon’ny olona, ary enga anie izy ireo tsy ho afaka hanalavitra an’Izany intsony. Ekeo izany, Tompo. Mametraka an’izany Aminao ankehitriny, amin’ny Anaran’i Jesosy Kristy. Amena.

[Manome hafatra iray ny rahalahy iray—Mpand.]

<sup>379</sup> Raha mbola eo am-pandraisana ny fanapahan-kevitrareo ianareo, manapaha hevitra. “Nahoana ianareo no miahotrahotra eo anelanelan’ny hevitra anankiroa?” Efa renareo izay Nolazainy. Raha Andriamanitra no Andriamanitra, dia manompoa Azy; raha izao tontolo izao no andriamanitra, dia manohiza fotsiny. Hitanareo? Raha ny lèlana ara-anarampiangonana no marina, dia manohiza mandeha miaraka amin’izany; fa raha ny Baiboly no marina, amin’izay fotoana izay dia manatòna Azy. Hitanareo? Safidio amin’ity ora ity izay hotompoinareo.

<sup>380</sup> Ndao fotsiny isika, ao amin’ny Fanahy, hihira hira fiderana iray ankehitriny. Hoy ny Baiboly hoe, “Nihira hira fiderana iray izy ireo ary nivoaka.” Ndao isika hihira an’ity hira tranainy malaza ity, *Tiako Izzy*, miaraka amin’ny lohantsika sy ny fontsika miondrika Aminy.

Tiako Izzy,

Ankehitriny dia manapaha hevitra amin’izay hataonareo.

Tiako Izzy

Satria nitia ahy mialoha Izzy

Ka nividy ny famonjeko

Teo amin’ny hazon’i Kalvary.

<sup>381</sup> [Manomboka misamonomonona ny *Tiako Izzy* Rahalahy Branham—Mpand.] Afaka maka ny fanapahan-kevitrareo ho an’i Kristy ve ianareo? Tsy fanapahan-kevitra iray, marina tokoa, fa fanafoanana fotsiny ny tenanareo hoe, “Tompo, tsy tsara aho. Tsy misy na inona na inona tsara ato anatiko. Avelao aho hanadino ny rehetra izay hany fantattro. Ankehitriny dia

avia, Tompo Jesosy, aza mamela an'izao handeha eo ambonin'ny lohako. Avelao aho handray an'Izany ka ho feno Ny Fanahinao, Tompo. Manomboka amin'ity andro ity, dia avelao aho ho Anao manontolo." Mivavaha fotsiny ankehitriny, vavaka kely iray amin'Andriamanitra fotsiny; tsotra, ity vavaka ity, rankizy, ny rehetra.

Ianao ry Zanak'ondrin'i Kalvary,  
Mpamony masina;

Mibebaha fotsiny ao am-ponareo.

. . . henoy aho raha mivavaka,  
Esory ny otako rehetra,  
Oh avelao aho manomboka amin'ity andro ity  
Ho Anao manontolo!

Raha mamindra ao amin'ny lala-maizin'ny  
fiainana aho,  
Ka miangona manodidina ahy ireo fahoriania,  
Aoka Ianao no ho Mpitari-dàlako;  
Didio ny aizina hivadika ho andro,  
Fafao ny alahelo, ny tahotra hiala,  
Ka aza mamela ahy ho very lalana  
Hanalavitra Anao.

<sup>382</sup> [Manomboka misamonomonona *Ny Finoako Miandranda Anao* Rahalahy Branham—Mpand.] Ireo izay nino, nanafoana ny tenanareo teo anatrehan'Andriamanitra, ary tapa-kevitra fa tsy misy na inona na inona hisakana anareo intsony, tsy hanambara fahaizana iray intsony ianareo, ka maniry ny hanao an'izany ho fanapahana iray mazava, madio marina miaraka amin'Andriamanitra ianareo, dia misy rano ao anatin'ny dobo, vonona ho an'ny batisa. Aoka ireo vehivavy handeha ato amin'ny ankavanako, ary ireo lehilahy hankato amin'ny ankaviako. Hisy afaka fotoana fohy fotsiny ny fotoan'ny batisa. Ireo izay foana, ianareo vonona ny tsy hino an'izay lazain'ireo mpitoriteny, izay lazain'ireo mpitondra fivavahana, izay lazain'ireo anaram-pianganana, fa handray ny lalan'ny Tompo, hino ny HOY NY TOMPO HOE, dia avia ankehitriny.

Raha mamindra ao amin'ny lala-maizin'ny  
fiainana aho,

Ireo vehivavy dia ho *eto*, ireo lehilahy ho *eto*. Izao no antsonareo eny amin'ny alitara, "Izay rehetra nino, dia tonga ka natao batisa."

. . . no Mpitari-dàlako;  
Didio ny aizina hivadika ho andro,  
Fafao ireo ranomason'alahelo,  
Ka aza mamela ahy ho very lalana  
Hanalavitra Anao.

<sup>383</sup> Vehivavy firy no ato izao maraina izao... Milaza an'izao amin'ny Anaran'ny Tompo Jesosy aho! Firy aminareo no menatra ny amin'io volo fohy izay entinareo io, mila an'Andriamanitra, nohon'ny Fahasoavany, hamela an'izany haniry ho anareo? Andriamanitra hitahy anareo.

<sup>384</sup> Lehilahy firy no menatra fa namela ny vadinareo hifoka sigara, sy hanao pataloха izay anareo tokoa?

<sup>385</sup> Nefa hoy ny Baiboly hoe, “Fahavetavetana eo imason'Andriamanitra izany.” Fantatrareo ve fa tsy afaka miov'a Andriamanitra? Tsy afaka miov'a Izy. Manana natiora anankiray Izy, izany dia ny fahamasinana. Tsy afaka miov'a Izy. Raha tsy lasa tahaka Azy ianareo, dia tsy hahita Azy, “Tsy misy olona hahita ny Tompo raha tsy manana fahamasinana.” Ary raha ny fanaovana pataloха no... mankarary an'Andriamanitra ao amin'ny Vavoniny ka mandò, marary Izy, ary *fahavetavetana*, “fahalotoana,” dia ahoana no mba... anananareo fanahy iray tahaka an'izany ao anatinareo ka mba ho tonga any Andriamanitra? Ahoana no hahatongavanareo any An-danitra miaraka amin'ny volo fohy, nefà hoy Andriamanitra hoe, “Henatra ho an'ny vehivavy ny manapaka ny volony”? Mandà an'ilay tena fitsipika amin'ny—ny maha-vady iray mihitsy izy. Tsy miov'a Andriamanitra. Izany No Teniny, ry sakaiza, tsaratsara kokoa aminareo ny mihaïno.

<sup>386</sup> Ary ianareo lehilahy izay hamela ny vadinareo hanao an'izany, tsy menatra ny tenanareo ve ianareo? Tsy menatra ve ianareo?

<sup>387</sup> Aza mitovy amin'ilay Vadin'ny Filoham-pirenena. Aoka hitovy amin'Andriamanitra! Hitanareo? Foano ny tenanareo avy amin'ity fironana moderin'izao tontolo izao ity, mba ahafahan'i Kristy mandraraka ny Tenany ao anatinareo sy ahafahanareo ho feno ny Fanahy Masina marina tokoa.

<sup>388</sup> Tsy afaka manao an'izany Izy, tsy afaka manao an'izany Izy, izany dia—manohitra an'ireo Fitsipiny izany; tsy maintsy handeha hanohitra Ny Teniny Izy, fa tsy hanao an'izany Izy; tsy hanao an'izany Izy raha mbola—tsy mifanaraka amin'Ny Teniny foana ianareo. Ianareo tsy maintsy tonga... Tsy maintsy manatona an'Ity isika alohan'ny ahafahan'ny zavatra hafa ho vita. Fantatrareo izany, mahafantatra tsara an'izany ny tsirairay avy aminareo. Firy no mino an'izany, atsangano ny tanganareo. Azo antoka, mino an'izany ianareo, ankehitriny dia ndao isika hanao zavatra mikasika an'izany.

<sup>389</sup> Andriamanitra, mamindrà fo aminay! Toy ny ahoana no ilantsika Azy! Eto isika, isika rehetra miaraka ankehitriny. Tsarovy ankehitriny, amin'ny Fitsarana, raha izaho... Tsy maintsy hitsangana aho (ary mety alohan'ny rahalina izany) ka hiatrika ny Teny tsirairay izay nolazaiko. Hitanareo, tsy maintsy hiatrika an'Izany aho. Ankehitriny, afaka amin'ny tanganako io

heloka io, afaka amin'ny fieritreretako izany, afaka amin'ny fanahiko izany, afaka amin'Andriamanitra izany.

<sup>390</sup> Raha ianareo no tsy . . . Raha mitsangana ao anatin'ireo toerana ireo ianareo nefà mbola tsy mahatsapa foana ho voaheloka (fioo!), inona—inona—inona no hataonareo? Amin'izay fotoana izay dia fantatrareo fa tsy mifanaraka aminareo Andriamanitra, fantatrareo fa lasa any ankoatran'Izany ianareo. Hitanareo? Lasa any ankoatran'Izany ianareo. Mety ho efa tena mpivavaka ianareo, mety mikambana amin'ireo fiangonana sy ny sisa ianareo, saingy lasa any ankoatran'Izany. Ny Tenin'Andriamanitra dia mandeha miditra ka mamaoka olona iray. Izany ilay zavatra izay mamerina azy ireo. Hitanareo? Koa izany ny Teny. Mangataka ny mpitoriteny rehetra aho, ny olona rehetra, na aiza na aiza, handà fa manohitra ny Tenin'Andriamanitra Izany. Marina izany. Tsy izany ilay izy, hitanareo.

<sup>391</sup> Noho izany dia aoka ho tena Kristiana. Na dia isika izay miezaka aza, ireo izay miezaka, dia mila rantsanana sy ampangotrahana isika. Eny, tompoko, mila an'izany isika rehetra.

<sup>392</sup> Andriamanitra, mamindrà fo amiko. Andriamanitra, raiso aho ka lasiro aho. Ny fikasako, aorian'ity herinandro ity, dia ny handeha eo anatrehan'Andriamanitra, hahita an'izay hatao manaraka. Andriamanitra, raiso aho. Inona . . . Ny rehetra—ny rehetra mikasika ahy, ary misy betsaka, izay tsy tsara, Andriamanitra, dia rantsano izany, izany no fivavako izao maraina izao. Forao ny foko, ny sofiko, ny tenako. Ataovy aho, Tompo, ataovy zavatra iray aho izay . . . na inona na inona Tiany haha-izy ahy. Izany no fivavako.

<sup>393</sup> Na inona na inona ilaiko haha-izy ahy, dia rantsano, rantsano aho, Tompo. Asehoj amiko ao amin'ny Teny, teneno ahy, dia handeha aho hanao an'izany. Aoka ny Tompo no hilaza azy, ary izaho . . . Eo mihitsy aho vonona ny hifanaraka amin'izany. Na inona na inona lazain'ny Tenin'Andriamanitra, dia izany no tiako haha-izy ahy. Izaho dia te-ho—ho Kristiana iray araka ny Tenin'Andriamanitra hoe, "Aoka ny tenin'olona rehetra ho lainga, fa ny an'Andriamanitra ho marina." Tsy ho izany ve ilay fironan'ny fotoana, tsy ho izany ve ilay izy? Tahaka an'izany ve no inoanareo azy?

<sup>394</sup> Mitady an'ilay toerana fanaovana batisa ve ianao, anaka? Hia, ato aoriana ato, rahalahy, aza miandry. Eny àry, amin'ity lâlana ity mihitsy.

<sup>395</sup> Maro aminareo no tokony ho avy, ireo lehilahy sy vehivavy izay mino, izay efa . . . niaiky ny fahotany, mba hatao batisa amin'ny Anaran'i Jesosy Kristy. (Amin'ity lâlana ity, rahalahy.) "Amin'ny Anaran'i Jesosy Kristy ho an'ny famelâna ny fahotany, ary izy ireo ho fenoina ny Fanahy Masina."

<sup>396</sup> Ankehitriny, ho anareo olona Katolika eto, izany no famelàna ny heloka. Milaza ianareo fa manana fahefana hamela heloka ny fiangonana, ahoana no namelan'ny fiangonana ny fahotana? Andriamanitra . . . Niteny tamin'ny fiangonana Jesosy hoe, "Na fahotan'iza na iza no avelanareo, dia havela amin'izy ireo izany. Na an'iza na iza no hazoninareo, dia hazonina amin'izy ireo izany." Ahoana no namelan'izy ireo ny voalohany, ireo fahotana tao amin'ilay fiangonana voalohany? Niantso azy ireo mba hibebaka izy ireo, ary nanao batisa azy ireo tamin'ny Anaran'i Jesosy Kristy izy ireo ho an'ny famelàna ny fahotany. Tsy teo ambanin'ny trano fiaiken-keloka iray; tsia, tokoa. Fa nibebaka teo anatrehan'Andriamanitra izy ireo, tao am-pony rehefa nitsangana tany, ary nino izy ireo. "Ary izay rehetra natao bat- . . . nino dia natao batisa tamin'ny Anaran'i Jesosy Kristy, ary feno ny Fanahy Masina izy ireo." Amena. Tianareo ve Izy?

Ankehitriny dia ndao isika hitsangana.

<sup>397</sup> Ankehitriny, dia hisy maro no te-hiandry ny fotoan'ny batisa. Mbola misy te-ho avy ve, mbola nisy nino? Avia, amin'ny ilamy roa; ireo lehilahy ato amin'ny ankavia; ato amin'ny ankavanana, ireo vehivavy. Minoa ny Tompo Jesosy amin'ny fonareo rehetra, amin'izay rehetra ao anatinareo.

<sup>398</sup> Ankehitriny dia ndao isika hanondrika ny lohantsika miaraka, raha mamerina miaraka an'ity modelim-bavaka ity isika, satria mahatsapa voatarika tena hafahafa mihitsy aho hanao an'izany vao izao mihitsy. Raha manondrika ny lohantsika isika, dia mivavaha miaraka amiko ianareo:

Ry Rainay Izay any an-danitra, Hohamasinina  
anie ny anaranao.

Ho tonga anie ny Fanjakanao. Hatao anie ny  
Sitraponao ety an-tany, tahaka ny any an-  
danitra.

Omeo anay anio ny mofonay isan'andro.  
Ary mamelà ny helokay, tahaka ny amelanay  
an'ireo izay meloka taminay.

Ary aza mitondra anay ho amin'ny fakam-panahy,  
fa manafaha anay amin'ny ratsy: Fa anao ny  
fanjakana, sy ny hery, ary ny voninahitra,  
mandrakizay. Amena.

<sup>399</sup> Ankehitriny dia ndao isika hihazona ny lohantsika miondrika. Ary hangataka an-dRahalahy Neville aho ho avy ka hilaza ny tso-drano, hilaza an'izay ao am-pony, ary avy eo dia hilaza mikasika ny fotoan'ny batisa izay efa natao vonona ankehitriny.

<sup>400</sup> Andriamanitra hitahy anareo, izany no fivavako. Hivavaka ho anareo aho, ianareo mivavaha ho ahy. Mila ny vavakareo marina tokoa aho.



*NY HERY TANTERAKA AMIN'NY FAHALEMENA TANTERAKA* MAG61-1119  
(Perfect Strength By Perfect Weakness)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 19 Novambra, 1961, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)